

西南漫遊記

中華民國二十四年五月出版

西南漫遊記 下冊

著者 無錫侯鴻鑑

印刷者 無錫錫成印刷公司

寄售處 無錫北禪寺巷競志女中學



無錫寺巷樂羣公司

上海寄售處 英租界四馬路作者書社


版權
所有




寫速之為君賀時竹墨畫指人同為府叙在驥病



塔山遠眺桂林六十景之一




芙蓉萬仞
桂林六十景之一




北寒獨峙桂林六十景之一俗名老人山


龍州鎮南關城




桂林花橋及劍山



桂林東洲之壺山




景奇之中洞岩星七林桂



峯諸巧玲瘦奇見所中途朔陽




子童二雲龍雲樓之中竹雲棲雲南雲




影攝仲昆氏莫借驥病中山寨南州貴




瞰鳥之山高處界交越滇



影攝士女二劉沙鄉同蘇汀跡遺宮故于桂



一之景風山西明昆




一之景風池滇南雲

貴州黃菓樹瀑布




病驢借江蘇同鄉攝影於貴陽郵務部主任錢菊侶之寓園



黔山夕照 錢菊侶攝影贈



貴州之孺民 錢菊侶攝影贈



貴州之粟 錢菊侶於黔筑

敬題驥叟西南游記

一老心胸富品題萬方山水動靈機六旬高壽如嬌婦真是人間未有奇

中郎霞客鼎而三千古汪倫尚有譚早識狼煙望東北先將鴻爪踏西南

易君左

續西南漫游記目次

卷一 第一章 自錫滬至香港 第二章 香港及九龍 第三章 自香港至梧州 第四章 梧州 第五章 自梧州至柳州

第六章 柳州 第七章 桂林 第八章 重到柳州 第九章 慶遠 第十章 六寨

卷二 第一章 南寨 第二章 貴陽 第三章 由貴省返柳州 第四章 自柳至邕 第五章 南寧 第六章 龍州 第

七章 自鎮南至滇省

卷三 第一章 雲南概況及教育一斑 第二章 昆明游覽及參觀 第三章 自滇至越 第四章 越南 第五章 由越至

港 第六章 廣州 第七章 歸程瑣記

續西南漫游記卷一

第一章 自錫滬至香港

廿三年四月十三日、自無錫乘七點鐘車赴滬、冰蘭若亞泉兒海兒送余至車站、冰蘭同至上海。

余自一月廿二日、由衡陽折回無錫後、整理競志女學兩月、開贛鄂川湘四省物品展覽會、編次四省游記、及四省考察教育之報告、往鎮江教育廳三次、抽暇續游虞山、補游宜興、唐桑洞、暨登惠泉九峰、看梅園梅花、游蠡園及湖山草堂、本擬十日出發、嗣以十一日開競校全體教職員會、而全體教職員是晚爲余餞行、十二日吳令彪將軍、邀赴梅村、參加公祭秦伯祠、致遲三日始成行。

既至滬、寓吳錫旅社、競校第一屆師範生孫卓如來送行、翊華姪邀余晚餐、并餞以長歌一首、慰女由大同大學來寓。

十四日、同姪自京來滬、午後即北行、孫鏡芳先生代余購新寧船票、並來送行、馮緒承邀余晚餐、九時緒承翊華冰蘭慰女送余至船、孫鏡芳先生偕趙羣女士及其弟妹等均在船候余送行、鏡芳先生之表姪陳振光、偕余同行、十一時、送行者去、余住廿五號官艙、船票計二十元。

十五日晨、孫鏡芳先生遣公司夥友送點心來、因船未解纜、猶無晨餐故耳、少頃、冰蘭及慰女來、至十一點半鐘開船時、別去。

昨晚余來船中、有海關稅警生查貨者、知余姓侯、乃曰我亦姓侯、爲上海高橋人、蒞滬數年、從未遇有同姓者、以故與余久談而去。

是日十二時、趁午潮行、船至吳淞口、風狂浪大、余以連日忙碌、意頗倦、午後、略爲休息、即作長歌一首、以志續游之跡。

天○空○海○濶○任○鳥○飛○行○未○倦○中○途○歸○林○棲○三○月○春○風○暖○綠○滿○高○枝○楊○柳○依○依○情○緒○儘○留○戀○漫○游○壯○志○悔○空○違○韶○華○忍○使○等○閒○度○未○了○游○踪○是○也○非○速○挂○征○帆○向○南○去○廈○汕○海○浪○迎○朝○暉○鼓○浪○湧○尾○前○塵○憶○過○眼○雲○煙○景○物○霏○行○經○香○港○略○休○止○扁○舟○朝○夕○蒼○梧○至○豈○柳○桂○林○次○弟○游○西○南○山○水○孰○堪○比○夙○聞○陽○朔○山○最○奇○豈○獨○秀○峰○觀○止○矣○舟○車○困○頓○雲○貴○遙○越○南○鐵○轍○自○來○去○演○黔○艱○辛○遠○且○長○託○今○攻○古○翻○新○史○苗○蠻

習俗百色殊。風物流連粘毫記。繞道海防往復回。猶堪百粵小徘徊。幾多建設亦新制。點綴歸舟亦快哉。海南羅浮擬探勝。珠江大橋聲如雷。銅壺滴漏問古器。腦海盤旋撥不開。屈指者番新豫算。較之去歲時期短。九十流光瞬息過。春去夏遠試相看。夜坐無聊聽怒濤。不平之聲耳充滿。儘使世途阻礙多。子身前進莫遲緩。

是日晚餐後，偕同艙之客，鹽城張毓麟君、字趾庭、唐乘奎君、字碧澄，談話。二君往晉江縣政府任事者。唐君謂十餘年前在鹽城成達小學時，及淮安中學學生時，均曾見余者。張君謂前二年教廳徵考教局長，與財廳徵考財局長時，亦曾見余者。

十六日，上午與同舟之客，安徽周振華談。赴非列賓參觀遠東運動會，及任童子軍事。午後與同艙之客，蔡經濟、會計師談。悉梧柳舟車往返途徑。蔡君在柳州任墾殖水利試驗區，鄉村經濟組織事務所幹事，兼審查室主管，蔡君爲川沙人。

聞賬房某君云，此船載重爲三千四百噸。本期出口貨所載貨，以棉紗、豆餅、笠衫、棉襪、鞋帽、木器、熱水瓶、鈕扣、痰盂等，家用什物爲大宗。偶登甲板四眺，天空海濶，一鳥高飛，不禁使吾人胸襟爲之爽朗。因得二十八字。

海濶方知容量大。天空益見日輪高。試看一鳥翔處任爾縱橫上九皋。

是晚同舟之客夜談，遇無錫同鄉鄧君，往廈門海關有事調查者。鄧君爲錫之全洲鄉人，在上海某洋行服務，此次以海關購買船隻機器事，往研究機器損壞與否之交涉云。

十七日，余乘船中，兩日夜有兩事足感余腦者。一茶房許姓，揚州人，語多感慨，以現時局之不良，生產力之不足，以及學商兩界青年之墮落，爲之太息不置。一船中水手及管理貨艙者，以及其他船客，均喜絃管戲曲，夜深猶繁音嘈雜，耳鼓不清，加以客有作方城戲者，尤覺劈拍之聲，擾人清夢，噫，此種娛樂，殊討人厭也。

昨晚客有贈余葡萄酒者，以夜深不寐，起而飲之。豈知海波搖盪，酒翻衣被，感而成詩一首。

酒熟葡萄三月暮。東風醞釀新詩譜。怒濤撼盪海舟顛。銀瓶迸裂唾壺破。酒痕灑布衾。紅點點桃花顏色濃。添子吟料助吟興。對酒當

歌○氣○吐○虹○自○古○豪○情○思○壯○悔○扇○底○歌○殘○風○雨○晦○離○腸○別○恨○尤○濼○河○莫○教○瓦○釜○雷○鳴○毀○有○酒○盈○樽○勿○遲○徊○會○須○一○吸○千○百○杯○痛○飲○蓬○窗○且○高○臥○夢○中○大○呼○珠○璣○咳○吐○海○天○雪○浪○浸○寒○梅○

借唐張二君在甲板小坐得二十八字

樓○船○撼○破○春○寒○峭○煙○突○高○撐○暖○意○融○海○鳥○也○知○與○人○競○隨○舟○徐○疾○逐○炎○風○

午後舟泊廈門，貨物甚多，聞今晚不及開船矣。余在船無事，作統計表。統計同舟之客：有江蘇人十之三，浙江人十之二，廣東人十之五，男性十之六，女性十之三，孩童十之一，廈門登岸者十之二，汕頭登岸者十之一，香港登岸者十之五，廣州登岸者十之二。

余偕蔡君登岸，走中山路，見上海翔文書局，知陸君晶三由木屐街移此，即往詢陸君，有華君見余，猶識余也。急告知陸君，出見，略談，約余來此晚餐，諾之。即往中山公園，入門向左行，有一亭，略憩，有三石橋，過橋行，至動物場，繞球場而北，登三峰山，過榕蔭茶座，北有通俗教育社，一禮堂甚廣，可以演電影術，有新青學校，附設夜校，閱報室等等。至陳家祠，西過一橋，登一石坡，曲折上，有石縱橫，西隅有洞，額曰宣秘，乃廁所也。蔡君曰：此太滑稽矣，登其巔，循階而上，有茶社，略坐，東望羣山擁現，塊磊爭奇，偏西有竹製迷園，入內，五花八門，曲折旋繞，欲抵一中心之竹亭而不可得，久之始循故道而出。南行數十武，曲折上一小山，山頂有樓，為無線電播音臺，位置得宜。余與蔡君由石洞穿入，一周而出，山石嶽奇，多摩厓，均清同光時人書，循級而下，至一廣場，樹陰小憩，略坐即行。自公園南門，至中山路，翔文書局，約二千三百七十餘步。蔡君先上船，余訪陸君晶三，登樓憩坐，談十六年前舊事，猶憶浮尾至木屐，每週晤聚，同鄉劇談。十二年前舊事，則開元步月，雲章避兵，泉川塵跡，如在目前。且聞陸君言：陳氏商業失敗，集美學校雖開，而學生不多，已非昔比。自君嘉祥已往呂宋，當年舊生，分散四方，去歲兵事，廈泉警信，商民驚惶，過去滄桑，不堪盡述。陸君邀余往粵館晚餐，携其兒女二人同餐，餐後，即送余上船。時已黃昏，太古碼頭浮橋已駕起，因雇小划渡上新寧，余檢行篋中食物數種，贈陸君之兒女，相與握手珍重而別。余既至船中，見余榻上被褥，均為水浸濕，因喚茶房詢之，知熱水瓶傾倒所致，即將被褥取交茶房，待明日烘曬。另取被毯填鋪而臥，是

日得詩二首

廈門訪陸君晶三

一別韶華十二年。此時握手亦前緣。開元步月中。秋話奇。樹停雲幾日。眠沽酒同歌。將進酒。烹泉共酌。舊清泉。茫茫塵海多遷變。記取今朝病馬篇。

中山公園

三度風塵鷺島游。滄桑浩劫幾春秋。六街景物非前比。百畝園林鬱古愁。榕蔭高撐堪避暑。峰巒擁現足探幽。迷園曲折真諧趣。萬壑雲根吟跡留。

十八日起較遲。早餐後補記昨日日記。

是日偕同舟之客。黃君金海談書畫。黃君出新羅山人畫帖十二頁。及金冬心畫帖示余。知黃君擅書畫。字學魏碑。畫喜花鳥草蟲。

十九日。天未明。舟抵汕頭。泊岸起貨。十時餐後。黃君金海偕其夫人陳氏。及古君漢強。與余同登岸。閒步行約三里。至中山公園。較之廈門中山公園。面積相彷彿。而建築初成。設備正在工作中。門前一河。駕以橋。有一坊。頗高大。柱有記。知為十七年提議。十九年動工。二十一年落成。乃以原有之月眉塢中央公園改成之。入門廣場。中一噴水池。上立一塞門汀製女神像。左有一石假山曲折。登其頂。約有四層。層有石几椅可休憩。旁有小亭二三。環以玲瓏之假山石。左右上下。亦見匠心。適有幼稚園保姆五人。偕幼稚生四五十人。登山循級而下。唱歌排隊。至草場圍坐。頗見天機活潑。西北有小湖。亦新鑿而成者。北有球場。西有花園。樹色湖光。眼簾爽朗。沿湖有動物園。正在建築中。鳥有鸚鵡。鸚哥。翠鳥。洋雞。鴛鴦之屬。獸有猿猴。鼠。兔。狗。獺之類。有大蛇一。大龜二。由西而北。有中山紀念塔。由北而南。有宋少東先生紀念石像。（宋名斌。潮州人。革命有功。卒于香港。年七十五歲。潮人製像以紀念之。）余等由花園穿花徑。而出公園之西。復至聯陞茶樓。飲茶用點。少憩。即返舟。途中見有私立南光中學校。立德小學校。汕頭市立師範學校。中學校。職業學校等。時方午課。放飯。見男

女大小學生，挾書出校者甚多。較之余十五年前到此，所見景象，整齊多矣。市政府濱海而居，馬路商場，均覺今非昔比。足徵粵省近年政教之進步也。

汕頭中山公園

回首前塵一度來，園林此日試低徊。山亭足見匠心巧，花圃欣看異種開。樹色碧連芳草地，湖光遙挹紫蓮臺。山頂一亭額曰紫蓮，蘭碑宋像中山塔。記取游踪亦快哉。

黃君金海示余以嵌字聯，以玉英二字，仿詩鐘鶴頂格，意似未愜，余即口占二語云：『玉宇青蓮歌月夕，英雄紅拂識風塵。』余又口占二十八字，戲嵌黃金海君四字，以贈別云：

黃河。是。否。有。澄。清。金。碧。繁。華。夢。死。生。海。上。同。舟。揮。手。別。君。鞭。先。我。着。羊。城。

四點鐘開船，離汕頭，出馬齒口，兩邊山石如馬齒，故名。行二十餘里，望水天一色，紅日西沈，登甲板遠眺，得詩二首。

一輪紅日欲西沈，返照入雲萬綫金。好趁海風向南去，帆船三五逐波心。

一縷冲宵迎面來，兩舟速度急湍催。漁舟鼓棹東西避，跨浪乘風往復回。

舟中茶房酒錢僅兩元，此外廈汕登岸及舟中零用，亦共兩元零耳。夜深無事，即眠。

第二章 香港及九龍

二十日晨光微曦，舟中之客羣起，以香港將抵矣。蓋舟中之客，以停廈門一日，停汕頭一日，行愈遲，望抵香港之心愈切，故不寐耳。抑知久待未至，十時始停輪，有醫生下船，驗病種痘，先以酒精擦臂，灌痘漿，以刀尖刺臂，而船客五六百人，約兩小時之久，始事畢。有旅館接客者來船，余與寧波毛君鳴源，上海金君文照，同將行李交東亞旅社之接客者。少頃，來言碼頭巡捕查抄行李，有無違禁物。余等告以無。答云小費半元。三人則一元有半也。諾之。隨即乘東亞小電船抵岸。登岸後，又有巡查者至，如前言。數則倍之。蓋三人行行李共十件，計

港洋三元也。按港洋三元值中鈔四元二角。然後行李乃安抵旅館矣。噫！非錢不行。到處皆然。可慨也。是日電船費，三人則兩元四角，行李運費又兩元也。

十二時，借毛金二君往漢發午餐，余往先施公司總賬房，訪孫君章。以鏡芳先生紹介函視之，與孫君畧談，即陪余往皇后大道商務印書館分館，訪程雪門君。適往廈門，未晤，將黃君警前之介紹函，交王君即行。返先施公司，孫君約余晚八時來寓，余返東亞，未幾，商務分館營業主任朱君道利來寓，謂程君未返，有失迎迓。如有委件，敬當辦理。余唯唯，謝其盛意。因告以明日往梧州，擬將不需用之物寄存貴館，俟兩月後，由滇返港，再帶歸也。朱君云：明日當遣工友來取，少坐，略談此間小學教科書，關於排斥帝國主義及宣傳吾中國三民主義等之國文、與歷史、地理、常識、社會教科書，均受當局者之審檢不用，故教科書銷路殊為阻碍云。

晚孫君來談，並言赴梧之船價，分四等，大艙二元四角，尾樓三元六角，唐餐樓四元八角，西餐房十元。兩日夜可到。余則以尾樓或唐餐樓皆可。即同往東亞賬房定船。大約明日午後五時開輪。孫君去，余寫致鏡芳先生函及家書等，即臥。

二十一日晨，收拾行李，擬將書類寄存商務。衣物寄存孫君處。孫君來謂午後派人來取寄存之物。十時，東亞賬房來云：大約今日不開。明日亦無船開梧。須候兩日，有江甯開梧。少頃，朱君函來，取余寄存之書物。午後孫君之姪曰相堯，持孫君函來取寄存之衣物。振光來同往旺角，乘小輪過海。道遇孫鏡芳先生之弟疊芳，寒暄久之。同乘輪行。此間輪渡，購票用十字轉輪，一人推過，繼以一人，絕無擁擠之虞。既登船，二等則有坐位，須加價。三等則每人二分，二等倍之。既抵旺角碼頭，登岸約半里，即往砵鄰街三五三號，齊家織造廠入門。即見李君炳南。李君云：昨往香港大東奉訪，因得超雄函，知十八九到也。繼見志公先生及其夫人畧談，詢知廠中織造棉織物及羊毛洋紗混合之衣衫絨線衫等。原料均來自英國。洋紗則一部分來自上海者。振光提及宋皇墓故跡，即由炳南振光二人陪余往游。蓋旺角即九龍租界之一部分。乘電車，由旺角登太子道，入土瓜灣，而抵宋王臺。電車費，頭等每人一毫五仙。

宋皇臺者，昔宋爲金元所敗，宋臣陸秀夫負帝昀蹈海死，宋遂亡。相傳此地爲投海之所，有大石高危，後人即指爲帝陵云。余等既至臺

下見大石高丈餘。斜欹一小山之巔。圓約二十餘丈。圍以石欄。以石欄石額大書。昃帝陵臺。旁多游客題句。皆近人筆。無佳者。余等周欄一匝。北望海涯。波濤洶湧。徘徊久之。易勝棖觸。即下山麓。有三角碑一。大書禁止樵探。此係宋王臺。中西文並列。由此北行。至九龍城之城南道。望山上城牆。隨山之高下而築之者。九龍城有侯王廟。相傳爲楊公亮節之祠。陸秀夫則未聞有祠。回至宋王臺。由宋王臺乘電車。經過土瓜灣。及紅磡。到油麻地新碼頭。電車二等。價一毫。此爲香港新建築之最大碼頭。由此到亞皆老街。還旺角。電車費五仙。李志公先生邀余晚餐。李炳南陳振光同行。乘電車到油麻地。晚餐。志公談九龍學校之事。以商業凋敝。子女讀書。均感困難。於是學生日少。遂有營業競爭之慨。致所謂教育。毫無實際。良深感喟。餐後。別志公父子。而偕振光渡海回港。

孫君疊芳借麥君本雄來寓。談久而去。孫君任香港皇家船廠工程事。麥君任義品放款銀行工程。部繪圖。孫君談及淡水錫鑛之盛。化驗後。知尚含銀質。有三分之一。然則銀錫混合之鑛。中國甚少。此則所謂新發見之含銀錫鑛也。少頃。孫麥二君別去。余記游跡。得詩三首。

宋王臺弔古

粵稽宋史未模糊。爲問金元跡有無。骸骨久沈留片石。陵臺高聳俯平蕪。波濤餘憾九龍澳。生死孤忠一秀夫。樵探禁碑文字認。夕陽憑弔海濱枯。

九龍城侯王廟楊公亮節祠

宋室孤臣蹈海餘。九龍遺恨鬱山居。荒城香火傳千古。猶仰侯王拜殿除。

九龍租界感賦

馳風掣電車行遠。倒海移山事可由。銜石永填精衛志。崩崖偶觸土花柔。主權久剝國何有。租界長期政孰謀。北望風雲蒙蔽近。掣危尤動杞人憂。

廿二日晨起整理舊稿分寄常熟虞社錢南鐵君及鎮江教廳編審室易君左主任並寄家書。午後振光來偕往香港小公園有男女銅像各一濱海風景甚佳。返東亞朱君道利携致雲南分館介紹函來謂程君明晨可到尙有晤談機會。余告以明日午後當奉訪也。

香港華字報紙有二十餘種廣州之報有分館在港者亦在內而銷路較廣者以港報誠報循環報商報香港日報循環夜報華南報等爲最。惟內容則甚簡單。週報月報則有十數種。而以華人機械會月刊內容取材頗佳。滬上各報則以申報新聞報銷港最多。晚餐後偕金君開步往蘇杭街訪毛君未遇即沿海緩步返寓。鼻芳先生電話邀余晚餐謝之。

廿三日晨託東亞賬房代購赴梧船票余以滬鈔二十元託毛君兌換港洋十七元八毫付旅館各費六元三毫五仙付船票四元八毫。此間三日出外零用亦僅兩元四毫耳。

午後振光來同往商務分館晤朱君知程君由澳門回港晤談之餘方知同一常熟籍而有同姓名之程雪門兩人一則昔爲余門下而佐余競校及水校職務者一則經理港分館十餘年矣。詢程君以香港之教育狀況知中學課程直接皇家大學其出路則爲各洋行寫字及各機關書記等。至于華人所辦之學校則正式中學可稱絕無小學則各自爲政所用教科書一方面固受港政府之干涉檢查一方面亦因辦學者以私塾態度並無一定之制度是以所謂港教育者嚴格言之小學亦可說無一好學校也。九龍方面論理應稍好然與港亦同。廣州政府更無權過問者。至于香港原爲無稅商埠自中國關稅自主後此間商業大受影響。至于民刑司法夙歸英理中國外交部去年始派一簽證委員駐港以爲由港運廣及運滬之貨物須簽字證明每紙須收手續費金洋五元現合港洋九元以委員收入之經費也。在我華民其他一切均無權過問者。今實業部長來港華代表與廣州政府共商設關收稅事以華商在港設廠自造貨物在港納起程稅後內地廣滬各處均可免稅。倘此事若成則華商事業或可稍希起色。否則由港運滬運廣皆作外國貨納稅豈非成本愈重銷路愈滯耶。至華人代表四人實爲港政府所委派而非華民自選故亦諸事無權者總之國力日弱無一事可望振興同此心理又何言耶。

偕振光同往大佛乘電車往所謂大佛者大佛洋行前有一大佛之畫像爲五十年前英名畫家所油畫者訪疊芳先生未晤即返至寧輪船定艙位返寓四點鐘收拾行李離寓金君及振光送余上船略坐別去五點半鐘開輪得詩一首旬日行踪瞬息間好風已過海南瀾廈汕香港宜人景浪擁紅霞翠點山

第二章 自香港至梧州

余自登江甯輪船後所住唐餐房以逼近鍋爐至爲炎熱因氣候本甚熱加以開船後風自西至房中並不見涼故徘徊室外久之未克安臥夜既深舟行方向稍轉涼風徐至始入睡鄉

二十四日晨起如廁窗外適洗地板余以足滑傾跌于地左股左臂左尻稍覺跌痛耳余年來腰脚雖不如前之健然心志之雄猶如昔日惟吾人行路到處危險永宜隨時自慎也得詩一首

子○身○莽○蕩○微○塵○裏○萬○種○蒼○涼○一○蹶○中○腰○脚○雖○無○前○日○健○心○胸○猶○似○昔○年○雄○漫○游○大○地○向○誰○語○縱○目○滄○溟○任○我○窮○借○問○乾○坤○太○幼○稚○孰○能○省○識○六○三○翁

上午十一時船至三水停輪客之登岸及來船者甚多計自昨晚開船至十一時抵橫門舊屬香山縣今卽中山縣也香港至橫門計海里四十二自橫門至三水計海里六十五共一百零五合中里三百十五里午後三點鐘開船按此船載重六百五十噸

同舟之客遇廣西省立第四高級中學化學教員李君熾南廣西大學事務主任李君子舒談廣西教育現狀知軍訓方面辦理最有成績教學方面有一大學四高中二十餘普通中學縣立各中學悉改爲職業學校雷廳長現擬民教五年計劃聞頗有把握師範教育則桂林有一師專其餘則附設于高中女學則普通併入于男子中學縣立女中亦均改爲女職十年教訓今僅三年已有組織有策畫有成績若是宜他省推重爲模範省矣

船過肇慶有一塔高九層聳峙河岸惟肇慶城地甚低窪河岸之水高出城堞水大時恐有其魚之慮自三水至肇慶計二十七海里合

華里八十一里。過肇慶峽時，兩岸之山峯高峙，水流甚急。舟行其間，彷彿川江道中。有此景象，惟峽不甚長，約四五里耳。過肇慶，天色已暮。晚餐後，有霧。舟行稍遲。余偕兩李君談社會複雜，所謂心理建設，果從何入手。余因以痛苦覺悟、修養、幸福八字述其概要。且有慨於今日一般之人，對於義利二字之界限，太不明瞭。對於人已二字，太覺分明。故祇知利己，不知利人。見利羣趨，見義羣退。此中國人心之所以必建設心理者。革命且先革心，方能有效也。

晚倚船欄，舟行煙霧中，見一點星火搖曳不定。知岸邊小舟，隨波漾也。得二十字云。

舟行夜漸深，霧重燈微，映人語境，迷離汽笛一聲應。

二十五日晨起，烟霧滿江。舟行殊緩。聞新灘已過，此灘水流甚急。自肇慶至新灘，計七十海里。合中里二百十里。由新灘至界首，約十五海里。合中里四十五里。界首爲廣東廣西交界處。過此則五海里。合中里十五里。卽到梧州矣。自香港至梧州，計程二百二十四海里。合中里六百七十里云。船中茶水飯食，共給兩元二角。

西江道中

曉起看山烟四籠，沙平渚淺拂微風。西江兩岸峯如畫，點綴行囊句亦工。

第四章 梧州

舟抵梧州，登岸寓大南酒店三十七號。往竹安路，接張百岸及黃警禎兩君介紹，函訪李公偉君于商務印書館，略談。知江亢虎來梧州，昨往南寧。李君囑徐君禮川，導余往河濱公園，訪馬君武校長。渡撫河，卽灘江。自北而南，西江自西而東。至梧州城西匯流，交匯處有水綫，遠望之，灘江、水清、西江、水濁，一綠一黃，俗名鴛鴦水。既渡河，先訪吾錫同鄉過昆源，見其夫人。知昆源爲校事往香港。明日可返梧州。聞馬校長卽住樓上，過君住樓下。此屋昔爲英領事署。民國十四年收回，闢作公園。余卽携金松岑、關繼章兩君介紹，函投刺入。時適馬校長午膳，待久始登樓。聞馬校長手足中風，今稍愈。又久之，乃出見客。畧談，囑李君子舒，導余參觀各院，並囑如需介紹各處者，卽令廖秘書。

作函。當即簽字也。李君偕徐君及余先至事務處。見各部主任。略詢校况。知經費開辦二百萬元。經常臨時共每年五十萬元。校產計共一百廿二萬一千六百元。校舍校具田畝圖書儀器標本等均在內。校分理工農三院。院分數學、物理、化學、生物、土木、機械、農業、森林等八系。下學期預備添鑛學系。分採鑛冶金科。粵西多鑛。故地質營首先研究也。農科主任蘇君。囑事務員楊君道觀。先往圖書館。主任李次民君。見余握手云。君爲侯鴻鑑先生乎。四年半前。中華團協會。不嘗晤于金陵乎。余曰。然。去年團協會北平年會。君未至耶。李君曰。然。因詢此間館况。知藏書四萬餘種。中籍十分之七。西籍十分之三。每年經費兩萬餘元。閱書者。平均每天四百人。參觀書庫。見康南海捐舊書二千餘部。雜誌一百五十餘種。內西文雜誌五分之一。報紙三十二種。匯訂方法。雜誌均裝成西式厚冊。排列之。價亦不昂。編目室用王雲五檢字法。杜威十種編目法。檢查書目。尙覺合用。農學院昆蟲學教授陶心治。江蘇松江人。生物系助教王儒林。浙江天台人。導觀各研究室。標本儀器室等。新式儀器多購自美國者。王君說明一切。1. 胡蝶數百種。爲本山產。惟採集未久。尙未定名。2. 研究梯蠶。在玻盒中。飼養之食楓葉。所吐之絲。可作漁網等用。余觀蠶體色綠。滿身有刺。頭部黑。以專食綠楓。故體綠。今已飼至第四期矣。余曰。蓋名楓蠶。顯示食楓與食桑之不同也。3. 生物系研究用之各器械。均歐美最新之物。且價甚昂。如溫度器。用電氣調節溫度者。爲電節爐。二具。價各一千二百元之譜。切片機。微細分析機。紫光鏡。（即醫學上用之紫光太陽鏡。用以殺體內血液中病菌者）等等。均器新而價昂者。特別珍藏之。4. 顯微鏡。有大小八十餘架。其最著之一具。二千八百倍者。價三千元。爲世界最新式及倍數最大之鏡。其次則顯微鏡。焦點放大器。一千倍者。價亦千元。電光顯微鏡。亦最新式。5. 土壤學實驗室。森林學研究室等。均不及參觀。惟見地質標本室。有近山及近縣採集之岩石鑛石標本甚多。惜尙未定名。以余觀之。硫酸銅鑛甚多。其次則錳鐵鑛。鎢銻均有之。將來鑛學系成立。廣西地質學上。當大有進步也。6. 煤氣鑛。用煤油燒煤氣。通室內燃燈。將來即預備改爲冶金之鑛。

工學院參觀機械工場。爲學生實習之用。大小引擎及各機共二十餘具。均購自德國者。潘君道觀一周。土木工程器具室。各種測量用具。及儀器表尺等。陳列一室。安徽董君道觀之。化學系教授常熟蔡君樹繁。導觀各研究室。定性分析。定量分析。各實驗室。以及普通化

學實驗室及教授準備室等均完備適用。天秤室有天秤十四架。因化學系學生分三級。二、三、七人，共十二人。尙敷實習。化學藥品及化學器具均充實。一部分爲購自歐美。一部分爲購自各省。本國所製造者。

理學院參觀物理器械標本室一周。器械多購自歐美。以時間將晚不及多觀。卽繞道下山。別楊君而返。

本日本在工場外見古墓一座。內已挖空。外舖綠草。校中圍以竹籬。保存之。楊君云。碑有永和二字。知爲晉墓也。

徐君李君邀余至洞天酒家晚餐。有梧州特產嘉魚肉嫩而味美。殊爲可口。飯罷返寓。氣候炎熱。沖涼始爽。

二十六日晨。徐君來。偕余同往省立第四高級中學。訪李熾南君。卽介晤廖競存校長。詢知經費每月五千元。學生分中學五級。師範二級。共二百二十三人。教職員四十餘人。薪工占全費百分之九十五。餘爲辦公費。臨時費在外。教務方面對於自然科學頗爲注重。學生亦感興趣。訓育方面有訓育標準三。1.組織。2.思想。3.行爲。有規律十二條。執行訓育者實施之。學生自動方面有各種研究會。班會。農藝實習。游藝娛樂。體育方面除軍訓爲全省注重外。勞作方面如鋤地。種植。球類運動。亦均尙注意。至軍訓之特殊狀況。高級中學一年級第一學期每週之課四十八小時。軍訓占三十六小時。國文算學英文各四小時。共十二小時。第二學期則增國英算三科時間。大減軍訓時間。此軍訓特別之狀況也。嗣由李秘書導觀各教室及校內一周。所見如下。1.李教員熾南。教師三。化學。講錫化三。氫及三氧化二銨。解析明瞭。又實驗氯化氫。亦見學生興味。2.尹錫駿。教中二。高等代數。楊文儒。教師三。教育測驗。講測驗的分類。徐氏本國史測驗。均見切實。3.石文質。教中三。物理。講力及運動。說明飛機之構造。重心之所在。抵抗力之如何。入射角之方向。着力點之如何。而後能進行。闡發詳盡。以折紙證明飛行之中心及推進之角度等。學生之興趣甚濃。4.學生宿舍。一律用軍隊式管理之。所謂學校軍隊化者。是也。

午往南園酒店午餐。稍憩。午後往縣立蒼梧中學。晤關祖培校長。詢知經費每月三千元。學級六。學生數四百人。訓育由班主任負責。學生勞動工作亦頗感興趣。每學期由各教員定獎懲分數。由班主任決定。後報告校長執行之。獎以免費及獎品。獎章。懲以寫字及跑步。

亦見特別之處。優點五。1. 圖藏書四千八百本。雜誌廿四種。報紙十二種。每日借書者平均四十人。編目用杜定友編目法。佈置整齊。2. 有工讀生工作室。以四人之工作。抵職員一人之職務。既省經費。又練習辦事幹材。3. 雜教員功武。講應用文。講公文程式。舉列精神飽滿。興趣橫生。4. 尹女教員。教國文。用開明國文讀本。講朱光潛談話。口齒靈清。辨別字義。亦至爲清晰。議論通暢。女教員中不易多見者。5. 壁報。各級均有。而文字方面。尙清晰可觀。其餘盧瀚光。教三甲三角。邱教員。教公民。講國家的性質等。亦尙可。

往私立培正中學。晤雷榮珂校長。彭教務長。及某教員等。詢知學生五級。二百五十人。經費年支一萬五千元。教職員薪工占百分之七十。此校在民國十二年爲教會所立。惟教會經費。今已無津貼。是以校中設備不能充實。見盧教員授三乙自然。試驗輕氣之製法。教室內秩序殊欠。蘇教員教一甲唱歌。教法尙可。歌辭有誤字。未檢。寄宿舍太不整潔。有不應貼之字條。貼在室門。負訓育之責者。視若無睹焉。他人不得進此室。即鬼亦不能進此云云。今日參觀三中學。省立四中。縣立蒼中。均有可觀處。惟此則不足觀矣。

校外有一鐵鐘。爲明製。摩讀其文。錄下。大明廣東道。韶州府。曲江縣。鄉民鄉。玉田郡。大船坊。二圖。信士。袁國義。爲母郭氏。壽命延洪。發心奉施鐵鐘一口。重五百餘斤。在于龍母慈濟夫人廟堂口。應用。祈保合家清吉。子孫昌茂。富貴興隆。五穀豐登。往來水路平安。福有所致。萬曆二十年。口冬穀旦。立鐘響。莫口龍口慶。

晚爲李徐趙三君指畫竹石。並撰聯書贈。後承李君邀往粵西樓晚餐。略飲五茄皮酒。食紙包雞。味甚佳。歸錄本日所題詩聯於左。爲李君公偉指畫竹石四幀題句。

(一) 雙竿相互葉相蔽。直上凌雲日可遮。(二) 瘦竹一竿風動處。月明合引子猷來。(三) 彈指揮餘墨。一拳自介然。雖非工瘦縞。或足拜米顛。(四) 偶然撲墨原無似。足砥狂瀾亦有神。

爲徐君禮川指畫竹題句

南國炎風裏。蕭林竹一枝。指頭聊點撇。濃淡總相宜。

又爲李君畫竹題句

一竿凌霄直上。左右個葉紛披。豫卜此君消息。平安恰報四時。

爲趙君撰書聯語

故鄉有流觴曲水。此地看蒼梧白雲。白雲山名趙君爲紹興人。

爲李君題十字

山峻。月可摘。地炎。心自涼。

爲徐君撰聯語

鄉思清道夢。作客白雲游。徐君爲慈谿人。慈谿城外西山有清道山觀。

題曠叟自述贈徐君

兩日陪余問梧俗。者番到此話塵踪。欲知病馬平生事。都在酸涼一卷中。

題曠叟自述贈李君

一卷苦行紀。贈君着意看。大寰揮手別。笑矚劍光寒。

二十七日、余借徐君、參觀梧州區立模範小學。晤校長譚偉英。詢知此校學生九百零四人。教職員三十一人。幼稚園兩級七十餘人。經費每月一千三百九十一元。教薪占全數百分之八十二。參觀各教室。教員教授各級國語算術。學生缺席者少。共十五班。教者微欠精神。學生在教室內秩序尙佳。惟教學兩方均用粵語。似失國語教育意味耳。幼稚園保姆二人。唱歌遊戲。教學均見精神。展覽學生成績。手工藝成績殊佳。而以籐工爲最適用。其次高級小學採集之昆蟲標本。植物標本數十種。甚有價值。參觀省立第一女中。校長何予淑。有病。晤事務某君。詢悉經費每月二千七百十六元。初中普通二級七十二人。簡易師範一級四十九人。高中商科一級十六人。染織科

二級四十八人。初中畢業未受軍訓者。不給文憑。補受軍事訓練。女生授以看護學。補習三月。始給憑為畢業。此為特設軍訓班十八人。晤染織主任方鏡如陶琢如二君。談悉一切。導觀工場一周。第一工場為電力機。提花織布機。兩用式機。第二工場各種各式手機。及提花機。第三染色工場。多染色之鍋。及染料等物。染織管理課。為設計圖案等用。印紋工場。染織教室。時將午餐。至膳堂參觀。學生七人一桌。而室中語言嘈雜。膳規殊欠。紡織成績尚佳。方周二君為浙江籍。詳告染織之辦法。及對於粵西染織之意見。贈余關於染織方面之校況一覽。

是日本擬離梧。以過君崑崙山。由港返。來商務分館。晤談後。李過徐二君。留余遲一日行。時余已定赴柳之船。徐君遣人退所定之船票。而大南酒店之旅費已結算。行李即寄在商務分館。午茶後。即偕過君渡撫河。參觀省立二中。晤校長李唯一。詢悉學生十班。共四百二十人。教職員四十人。經費每月三千九百元。教職員薪占全數百分之七十五。女生占全數十分之一。設女生指導員一人。導觀一周。教學方面。對於農業勞作運動。頗為注重。餘則平常。圖書有一萬餘冊。訓育方面。對於秩序及衛生等。由班主任負責。宿舍。自修室。均不見整潔。學生自修及躬自作工。如鋤地。種植等。均尙見大部分能勞動。余偕過君由三角咀。行里許。見河濱有鐵柱二。樹立河濱。高約丈餘。刻有大明成化三年六字。又前行二里許。至硫酸廠。晤河南工程師張登三。桂林梁君等。知此廠創始於民國十七年。開工數月即停。十九年又開工。至去年又停工。蓋經費由兩粵政府共籌創設。原料則硫酸鐵。產自廣東英德。硝則來自智利。所製之硫酸硝酸。專供廣東政府製火藥及炸彈等戰事用品。乃去年以積貨日多。銷路日少。故又停止。聞半年以來。貨銷將盡。修理機器。添設完備。不久將開工製酸。硫酸兩廠。當並製也。茲將參觀兩廠情形。分識於左。

硫酸廠之製酸次序。原料即用硫。鐵。置分鑛爐中。燃煤燒之。取其氣通入鐵管中。蒸為酸。須用硝酸助成之。氣體入管。一部分為濃硫酸。一部分為稀硫酸。再過一鉛室。純粹可成硫酸液體矣。其殘餘之氣。再入一塔。可分出硝酸及殘餘之硫酸。另有一塔。專吸收硝酸。將前所加入之硝酸。可吸回十分之六七云。

張君導觀機爐兩種。一爲人工分鑛。全用木炭燃燒。工多而料廢。一爲機器分鑛。先用木炭引火。繼而硫化鐵自能燃燒。工省而時速。昔用人工分鑛之爐。今已改用機器分鑛之爐。昔用人工一百五十人。而不敷。今預計開工後。祇用工人一百二十人。原料則用英德縣硫鐵鑛。今粵西已查得有多處之煤鐵鑛。且距梧州二十餘里。新發現硫鐵鑛。及硫銅鑛等。將來開採硫鐵鑛。成績如佳。既省運費。又減低成本。銷路自可暢旺也。機器分鑛之爐。旁有一電氣出塵之機。昔日製酸。少此一機。致所出硫酸。都含鑛灰。未得純潔之酸液。今有此機。則硫鐵鑛灰。隨所燃燒之氣。過此機時。被機扇壓除此灰。讓所燃燒之氣。純潔進入古老華塔。此塔有兩種作用。一能使硫酸蒸濃。一能使硫酸脫硝成爲稀硫酸。然後氣體入鉛室。此室方形。方廣數丈。即可驗硫酸之善否。及顏色之白淨與否。硫酸液體。已告成功。通入漏管。入儲槽。抽送裝罈。但有未全成功之氣。殘留而入第一反應室。此塔所以助鉛室成功之用者。又有第二反應室。即吸收一部分硝酸之用。其尚有未盡之氣體。即入解路撒塔。專爲吸收硝酸之用者。余等既觀各塔之效用。即下觀儲酸槽。蒸酸槽。濃酸罐。抽酸送酸等機。由張君一一說明。至爲感謝。

至硝酸廠。此廠機件較爲簡單。張君說明。原料既來自智利。則成本較昂。所以規模甚小。用硝酸。僅一大鍋爐。惟製硝酸亦須用硫酸。以助成之。其量譬如硝一磅。須加硫一·四之比例。與製硫酸大不相同。如製硫酸八噸。祇須用硝酸八百磅耳。製硝酸之機器。周觀其次序。自化硝。製酸。入槽。裝罈。止。本日出二十七罈。此爲開工之預算。試驗出貨之多寡也。

又至化驗室。研究室等處。張君導至一室。謂余與過君曰。此爲試製炸藥之室。現已製成炸藥數種。爲新發明者。乃吾與同學蕭君兩人最新之研究而成功者。盡爲一試驗之。

1. 芥子氣。爲粉末。其效用能造成烟霧。着人皮膚即爛。2. 氯化苦味。質亦爲粉末。其效用能使人視之。出眼淚。張君以瓶口出其汽。令過君距離一二尺視之。過君云。覺眼酸。張君云。試近之。過君稍近之。眼覺益酸。3. 白藥。能造成無烟藥。張君以棉花所製成之無烟藥一撮。托於掌中。用燐寸引火。即轟然着。火自掌上昇。而掌中完全無一些黑影。據張君云。全無痛苦。4. 黑炸藥。一塊。其質甚堅。如鐵。用一石。

在窗外擲擊之。碰然之聲震屋瓦。張君云：此製手溜彈之炸藥也。

張君贈余硫鐵鑛二。既燃燒殘餘之鐵爐二。此鐵爐尚有焦煤。尚可煉鐵。余謂粵西豈無煤鑛。將來可附設煉鐵廠。否則此爐廢棄。殊為可惜。張君謂現僅作填塞溝壑及廠基之用耳。

余與過君別。張君等而出。乘汽油船返西。大過寓。休憩。晤馬校長夫人。略談。知為上海人。余與過君渡河。至洞天酒家。李君邀余與過君晚餐。余以旅途中須戒飲。而李徐二君再三勸飲。情不可却。乃飲酒五杯。覺吟興勃發。即賦詩一。

蒼梧古跡已全刪。僅有鴛鴦水一灣。何處沉輝斑竹影。高峰詩詠白雲山。洞天兩度酒痕認。主客雙酣巧語環。勸飲不妨傳雋趣。悲歡離合此塵寰。

晚返商務分館。與趙徐兩君夜談。徐君索余環球旅行記。余即題贈之。託徐君明日代定赴柳州之船。徐君轉囑湖南劉君定之。少頃。劉君告以明晨九時啓碇。余即收拾行李。將硫鐵鑛一包。書一包。託徐君寄無錫。趙君贈余繪竹石一頁。余夜間為蚊所囓。久之不克入睡。在子末丑初時。似覺朦朧睡去。得一詩曰。

宵小環攻憤恨餘。朦朧似返白雲居。幾多客況全消盡。烏倦歸林水到渠。

二十八日晨起。徐君偕劉君來。送余至河濱。上建昌輪船。此船殊小。余登船。即往西餐廳。船票價為十二元八角。由梧直達柳州。須四日夜。遲或五日。亦可達。少頃。過君來。携贈柑柚一筐。畧談。余詢過君何日回錫。答以六月。余因託其返錫時。可否將前日在西大所見古墓中之永和古碑。帶贈一塊。過君曰：可。時已十時。尚未開船。詢之賬房。知須待航務局派人來船。方能開船賣票也。蓋航務局派人監視船客之數。及查驗客票等。非常認真。以客票之多少。捐款有關係故耳。十一時船尚未開。過君徐君劉君別去。過十二時。航務局人來船。客始購票開船。至梧州海關。報告客貨。移船至紫龍洲。又隔多時。始開行。時已午後一時矣。紫龍洲者。珠江之口一墩之名也。

余離梧埠賦詩一首

港舟一棹溯梧州。四日塵踪去復留。旅舍暗聽樓鳳曲。珠江遙扼繫龍州。炎風披拂心原定。夜月清涼水自流。回首友情感深誼難忘。燈火粵西樓。

贈過君崑源

去年衡嶽歸塵跡。今日蒼梧話夕曛。兩度惠峰空望月。一番港訊又停雲。羣空龍馬精神健。水渡鴛鴦清濁分。別後相期攜片石。歸程莫忘永和文。

第五章 自梧州至柳州

建昌輪船既開行。舟中乘客不多。住餐樓者僅四人。一馮君慶堂。柳州人。宜北縣政府建設科科員。一駱君廣。東花縣人。在柳州經商。住沙街公信號。一王君南。柳州機械局員。大艙中人數較多。是日舟行百里。晚泊藤縣城外。

二十九日。天未明。即開船。余以前晚為蚊所擾。幾至一夜未能安睡。故至舟中。一入黑甜鄉。異常甜密。酣睡未醒。舟中廚房來問要買飯否。余朦朧中搖手拒之。迨醒已午矣。起猶覺倦怠。嗣至下午。將至平南。始至船頭看山。精神漸覺恢復。昨日見水中多石堆。如尖塔狀者甚多。知為打魚者。因水流甚急。砌石于河中。以殺水勢。俾魚羣集石灘之畔。即可一網盡之。此種打魚方法。巧則巧矣。設計殊險惡也。今日見河中石灘甚多。均為漁家所砌。惟為時久。則土石為水冲倒。散漫水中。未免有礙行船。此負地方之責者。應禁止之。為是。

平南以上。石灘較少。江岸平衍。綠樹青山。彷彿江南景物。午後過大湟江口。水流急湍。客有登岸及下船者。均用小艇上下。此地昔日為廣西商埠。各貨往來。兩粵間轉運。皆經此埠。自梧州開埠後。江口商貨。即移往梧州。距此數里。即金田村。為昔日洪楊起事之策源地。惜未能登岸。一訪其遺跡也。

晚將至桂平。遠見羣峰疊起。頗覺奇異。急詢同舟之人。知為桂平之西山。余閱五五旅行團之桂游半月記。桂平西山之勝。其著者為積書巖。洗石菴。龍華寺。飛閣菴。觀乳泉。李御史祠等勝景。余即携鏡攝影兩幀。一攝西山全景。一攝桂平河岸之風景。聞駱君云。此間產米。

甚豐。其畜產雞鴨猪牛等。自梧州運輸入廣東者。產量甚廣也。四時半忽大雨。氣候頓覺涼甚。梧諺所謂四時皆似夏。一雨便成秋是也。六時船抵桂平停輪。登岸之客不多。而小販上船賣物者堆積滿船。客多環購之。桂平即潯州。距江口五十里。自梧州至此三百七十里。此去柳州尚有五百九十里。蓋梧柳相距九百六十里云。

馮君言潯州有獠。過此至武宣。即有獠山。山中數百里。皆獠所居也。獠分三種。一曰平頂。獠頭戴布一方。冬黑而夏白。一曰山谷。獠頭戴三角尖帽者。一曰金鈎。獠頭戴圓頂僧帽者。此因其所戴帽式之不同而名之耳。

夜泊潯州城外。月色滿江。遠山倒影。樹木叢雜。河濱燈火閃爍。微風中時覺氣候甚涼。余得詩一律云。

昨日炎炎今日涼。偏舟搖蕩水中央。一輪明月懸空際。幾點青山卸晚妝。樹色倒沈波隱約。漁燈遠映影蒼茫。微風拂處輕衫冷。一曲高歌落大荒。

三十日天未明。開輪行數十里。兩岸山峯作直線橫絲狀。大有雲林山水繪法。是即積書巖也。余方臥對窗飽看山色。得句云。

一雨新涼透小窗。臥看山色碧連江。奇峰不斷書巖積。應使雲林妙筆降。

上午十一時。舟行遲緩。灘流甚急。輪機開足。舟不克進。同舟中人口猶龍灘至矣。蓋自梧至柳。水即分而為二。一為南河。一為北河。南河即往貴縣。而抵南甯。北河即由武宣象縣。而至柳州。猶龍灘為灘江中第一險灘。左右峻石危崖。亂堆江中。而水勢奔騰之急。比之川江中黑石灘。老虎灘。有過之無不及。舟人用小船連繩。繩登岸。盤于岸。石輪船之首。用六人絞纜。而進輪船。加足馬力。人聲呼喚。齊聲用力。久之始過此灘。余憶昔年在江西過惶恐灘。有鐵索于舟。舟寸進之句。今日過此。亦彷彿似之。此地已過潯州境。而入武宣界。峰巒雖是平衍。兩岸沙灘橫積。石灘突兀。大小高低。確有行不得也之歎。余欲攝影。而舟行顛簸。不能攝。不得已。遂以鉛筆速寫。鈎一武宣石灘之圖。以備他日繪之。

過猶龍灘

灘水奔騰勢不支。舟行逆進總遲遲。千鈞鐵索盤旋處。百尺洪波呼吸時。如此橫流誰砥柱。全憑合力衆撐持。撥開亂石向前去。歷盡艱危任所之。

午後過靈谷灘。(舟人云靈戈或云寧高未知孰是)灘水洶湧。輪舟加足馬力。不克前進。仍縛箆繩至岸。用絞關絞之。十餘人齊聲用力。久之方前進。約歷半小時許。始渡過此危灘。聞梧柳間大小險灘數十重。惟猶龍靈谷二灘最爲危難。在洪水時尤爲難進。今在枯水時似較易也。

過靈谷灘

重重灘險橫流處。彷彿川行三峽時。塵世艱危如逆水。客途曲折合深思。豈徒靈谷猶龍過。莫使東風病馬羈。遙指柳江並黔桂。崇山峻嶺化爲夷。

夜九時抵石龍地屬象縣。此地有公路。可通汽車。客有登岸者。船稍停。即開行。是晚水較平。船行未停。

五月一日上午十二時。船抵雞臘。此地距柳州城僅十餘里。客有登岸陸行者。船繞行須八十餘里。約五小時方能到埠。聞雞臘有省辦酒精廠。機械廠等。俟到城後當來參觀也。

沿途多木筏。自上水順流而下。夙聞柳產木材甚豐。然余觀柳山多童。詢之同舟之客。知木材多自黔邊運來者。不過以柳爲集合地耳。柳多木商則然。

舟人以三聯冊。囑填姓名。年歲。籍貫。職業。何處來。有何事。來柳居住何處等等。以備彙報公安局爲入口旅客檢查之用耳。

余在船頭小立。見左岸之山多奇突。石尖峭起。崖壁聳立。有一石獨高出山頂。有一石中開一縫。如刀削然。一線天光透亮。片刻即換形矣。得句云。

一峰突起一峰峭。神斧何年斬削成。最是仰天扉。半隙須臾轉側勢縱橫。

午後五時，船至柳州城外。四面有山，三面環水。柳諺云：東是寶塔西是鵝，南是馬鞍北是鵲。蓋東門外有寶塔，在燈台山之右。盤龍山之頂，鵝山在城西，馬鞍山在城南，鵲山在城北也。

駱君在雞臘登岸者，已來船取行李，並告余曰：頃已通電話告生盛昌書局經理曾致誠君，今已到碼頭，並雇艇來接。余深感謝之。未幾，關員查驗，公安局查驗，曾君亦來，馮君招呼曾君，告以候君在此。於是握晤，並謝盛意。曾君告公安局之檢查者云：此係江蘇侯君來柳調查教育者，請發檢查證。警士等諾之。遂雇小艇，令舟人運余行李，過船登岸。雇挑夫挑至慶雲路，生盛昌書局。余欲遷至旅館，曾君挽留，住書局二樓。安置行李，即邀同往餐館。晚餐後，由柳江新街閒步一周，返書局。局友云：公安局來檢查候君行李，因外出，少頃當再來也。可見此地每日來縣之客，一人不能漏過。辦理民政，如此其嚴，人民治安，亦窺見一斑矣。

第六章 柳州

余自到柳，承曾君致誠之招待，至爲感激。柳州民政方面，以公安辦理之認真，地方新到一人，務必嚴重檢查，所以一番兩番，澈底根究。對於外省人，尤爲嚴緊。晚九時，復來一條刺，遺警士來書局，會問後經曾君再三說明，候君係江蘇人，來此調查教育者，又詢以有無證件。於是示以鈕先生致黃主席書及馬校長致莫校長函，始認可而去。

有林君來談柳州增刊，每日登載入境之客，男女若干人，分別其職業住處，無一脫漏者。有黃君來談民教館事，廣西民教事業，自四月一日起，均交鄉長任之。惟圖書館、體育場，尙由縣保留。

是晚與曾君談柳州教育，知有省中一縣中一女中，已併入中學。教育局已改屬縣政府，爲教育科。曾君贈余柳州縣志及柳州地圖。五月二日，余携馬校長介紹函，往省立四中，晤莫一庸校長。談悉此校學生共十一班，每學期招生兩班，全校共四百九十三人，內有女生四十九人。教職員全體四十三人，經費年六萬元。教職員薪占百分之八十，學生每年繳學費六元，雜費十元，寄宿者多繳宿費四元。膳食自理。對於教學方面，注重英文。三年平均每週六時。對於訓育，由班主任及生活指導員負責。分學術、社會、健康、休閒四部分之生

活指導。而休閒生活中，分話劇、音樂、旅行、電影等。勞動方面，則有鋤地、園藝。自治方面，則有班會、民衆夜校、出版物、莫校長導觀圖書館、藏書七千餘冊。編目、杜定友編目法、圖書館統計表，每月所閱書，如三月份總數爲1604。最多者文學類占1174。最少者即總類占8。藝術占9也。理化儀器、博物標木室、房屋簡樸。器物耐用。學生採集之本省鑛石化石甚好。學生成績室、圖工均佳。國文合度。寄宿舍，則未能一律整潔。軍訓則學生均赤足穿草鞋。廣西幾成習慣。即女生受看護教育時，亦有穿草鞋者。承莫校長贈余四中概覽一冊。校刊八冊。並寫介紹片往縣立中學參觀焉。

柳州縣立中學校長劉孟博、豫備初中化學試驗。教務蔣君維清、上海人兼圖工課。晤談一切。知學生四班一百六十人。教職員十四人。經費每年一萬三千二百元。校舍新建，建築費五萬元。參觀一周，校舍環境甚佳。門對龍盤山之塔，及燈台山。南有馬鞍山。西有鵝山等。均排列如几案。空氣清新。比四中位置優勝多。禮堂寬敞。可容八百人之座位。張教員教初中一年級國文。講蔣士銓饑民歎於文法字義，均詳析解釋。此班學生六十人。初中二年三年級，因已放課，不及參觀。圖書室、理化器械室，均甚簡單。寄宿舍欠整潔。偕蔣君往柳州公園。即羅池舊址。有思柳軒、柑香樓、昔柳子厚曾手植黃柑，作詩刻石。乾隆時孟端建亭于羅池之上。名柑香。謁柳侯墓。昔柳侯雖卒于柳，而厝于州治。後其櫬遷遠河東。封土則猶存焉。今更新之。聞蔣君云：前數日且地方官吏及各界公祭之。前有柳侯廟。中有石刻之像。旁有韓詩蘇字之斷碑。即俗所謂韓詩蘇字柳公碑是也。砌于東壁。後補書者，則砌于西壁。此昌黎遺柳民歌，以祀柳者。東坡書之。原刻久佚。後長沙安氏以藏本授柳州推官重刻者，然亦屢經兵燹，殘毀成斷碑矣。聞柳侯手書龍城柳一碑，聞亦在廟內。惟不知在何處耳。左有劉參軍寶祠。所謂劉賢良祠也。出祠由公園南行，有動物園。鐵籠中一豹。此外有猴、狐之屬。鳥類野禽，禽水禽數種耳。至圖書館、體育場，均不及參觀。即別蔣君返寓。余覺有微恙，腹痛痔下注。匆促至生盛昌臥榻半小時，始稍愈。曾君邀余出觀桂苑。謝之。少頃，蔣君維清來。引一客，亦江蘇同鄉。蔣秉仁君。乃柳州郵局長也。相與縱談。知蔣君秉仁，在二十餘年前任青浦英文教員時，余往視學。曾有一面。今來柳八月餘。適將告假半年返滬上。現正豫備交替。惟後任尙未到耳。三人同往街衢散步。即往福建街郵局。登樓。

坐談久之言及柳州風俗純樸。男女皆布衣服。惟足多赤。商市不旺。有馬路而無車。烟賭娼三者。現已指定西外特別區。將盡遷往。之須納稅。區外均禁止。至于軍訓。則壯丁訓練。公務人員訓練。實行以來。人人早起早睡。亦養成良好習慣。柳州婦女下等者。多苦力。從事足以自謀生活。中等者亦能助理家庭。上等者聽戲吃館子看電影。亦屬少數。既而蔣君欲邀余聽桂劇。余婉謝之。又邀余往安樂茶居飲茶。因往茗談久之而別。

羅池懷古四首

草木葱蘢步晚涼。新園猶說舊池塘。柑香櫻畔湖前舊。思柳軒前話夕陽。綽有古歡尋跡象。幾多塵劫盡蒼茫。今朝攬勝偶然事。難得同鄉遇異鄉。指蔣君維清同游言也。

崇隆封土舊時墟。遺榭當年此厝居。設想衣冠葬州治。遷移骸骨返鄉廬。千秋祠宇同留念。百步荆榛盡剷除。前日恰逢春祭後。墓門綠

草尙扶疎。有常綠花圈存在。

祠廟猶傳古。香火文章不朽。舊春秋。清高遺像刊貞石。祀享迎神拜柳州。丹荔黃蕉醴酒饗。韓詩蕪字斷碑留。賢良左配幾灰燼。憑弔歌吟孰唱酬。

從來西粵稱山國。爲訪東亭鬱古愁。垂老投荒韓媿柳。平生知己裴先劉。謂裴度劉禹錫。驛亭置酒戲言耳。立廟題珉足信不。生死精神光日月。先民靈爽自千秋。

三日曾君導余往距柳州四十里之沙塘墾殖水利試辦區參觀新事業。乘汽車每人四角。至沙塘余以黃警頑君之介紹片往訪黃明君子寓處。黃君爲湖南人留學日本農科畢業。爲伍廷巖主任邀來辦理農村經濟及開墾事宜。黃君因蔡君經濟先數日來此。已將余之來歷明瞭。故招待周至。備自作之麪餉。余先參觀其私人經營之明園。其駐宅昔爲鄉人所不敢居者。因盜匪孔多。故開墾後多無慮矣。然防禦之門閭均用木柵。旁置槍洞以備警。園中爲黃君種植園藝及穀類。然先種除蟲菊。草麻子兩種。所以除害蟲者。此間害蟲有

二。一曰椿象。一曰金龜子。惟菊與草麻可除之耳。黃君導觀墾殖辦事處及小學校、公店、開墾田畝及移民之屋舍、工作等。並告余以墾殖區之組織及歷史並現狀分述如左。

主任伍廷慶原為一師長。有鑒于農村經濟之破產。故向政府籌款十萬元。創辦此新事業。內容分總務部、伍廷琛為科長。主管會計、庶務等事。工程部、主管水利、計劃、測量、田畝等事。今此項測量事宜兩年以來。已告完成。農務部、主管試驗移民。現已移有五百餘家。均由容縣、北流、岑溪、移來。此三縣人口最密。故來者已有二千餘人。經濟部、主管農村調查。已有一部分完畢。農村經營經濟。則豫備甘蔗、製糖、木薯、製澱粉。此項木薯。西名 Cassava。澱粉原料最富。此間面積有兩千一百餘方里。屬于柳州、柳城、雒縣、共三縣之地。所以土地、利用、公地亦屬一種頗多周折之事。經濟組織現黃明君即主管其事。名為囑託。其他部均稱幹事。此部則不稱幹事而稱囑託者。黃明君自言日本名詞。可以借用。農村社會現正組織一切。小學校舍正在建築。農村經濟。有農業、金融、農業倉庫、合作社之三種。貸金一層。已貸過兩年。第一年按期來償者百分之八十五。第二年按期來償者百分之九十四。五年今第三年經費不敷。尙未發貸。小學校現有學生僅二十人。試驗動的教育。有藝林及遊戲兩處。將來豫備擴充至四百為限。現在大概分原始館、職業館、移民住所三部分辦事。至墾殖之事。又當以水利為要事。現分沙塘、墾區、石碑、墾區、無愛、墾區三處。人口約一萬家。五萬人。種族分湖南、江西、撞族。此種字。其音讀為撞音。似雞為苗裔之一種。女多招婿。不出嫁。蓋重女權之民族也。今以開辦費十萬元。早已用罄。三年以來。已用八十餘萬。向政府代辦之事業款。三十餘萬元。借款三十餘萬元。伍主任因費絀而設法裁員。擬一人兼數人之職。一職兼數職之事。努力做去。兩年以後。移民可自食其力。然後再事擴充。伍主任此次赴南寧。亦以籌款之故。對於政府有所陳述耳。蔡君經濟適今日往柳州。故未晤面。午後三時。即乘車返柳州。余與曾君既至柳州。適遇蔡君。因相約至安樂酒家晚餐。座有伍君兆慶、伍君廷璜等數人。余告以明日赴桂林。五六日即可往還。內聞墾殖區姚壽齡秘書欲返貴陽。須五日後可同行故也。

四日天未明。聞炮聲即起。曾君致誠囑曾君蒸雲。遂余渡河上車。囑學徒為余攜行李。余往郵局訪蔣局長。時蔣君已囑郵差送郵包。姓

雷者來呼余。見余至。奔告蔣君曰來矣。蔣君方盥洗。即送余行。同乘船渡河。至河南路。有小篷車夫。途中攬余生意。由雷姓說明車價十二元。余即上小汽車。開行。豈知行僅兩箭之地。車忽止。將余行李送往商車之公共大車中。余詢以故。則曰無客。僅汝一人。小篷車不能開也。余與之齟齬久之。而曾君遠見。余車停止。且搬行李過大車。即追來詢問。余告之故。乃交涉久之。仍未解決。後乃還錢。重購票行。會君別去。余附公共汽車開行。乃行約百步外。余忽思及瑞士藤手杖一枝。忘却在小篷車中矣。即告諸開車者。折回取之。幸杖在車。余喜欲狂。乃得句云。

瑞士歸來後。扶持已十年。即今失而得。把玩益欣然。

七點鐘開車。車中客多往荔浦者。欲直達桂林之客。僅余與毛姓及一陳姓三人耳。車行甚顛簸。余以痔故。尤覺困疲。且痛甚。行三十里。至沙門江。汽車渡河。又行三十里。至雒容。渡河三十五里。至脚板洲。十五里。至鹿寨。停車。客皆下車。就小店餐。餐後開車。行六十里。至榴江。途中微雨。山路上下。曲折高低。顛簸不平。自南河路至此。共行一百七十里。爲時已兩小時矣。途中所見之山。以馬鹿山最爲奇觀。過榴江。至四牌行四十里。至頭碑。二十五里。至三江。二十里。經過之山。多石灰岩及礫岩。有開山燒灰者。有開山運往他處作舖路用者。行三十里。至修仁舊縣。余在車中望之。見兩山高接。凹中有一隙。狀爲橢圓。天光朗然。此爲舊縣之門。風馳電掣。余車已過。又十五里。即修仁新縣。有市集。停車須臾。即行。但見奇峰突起。蜿蜒十數里。有突出者。有峭立者。山頂皆作尖錐狀。若筍然。若柱然。若紗帽然。若釜甑然。形不一。而獨立者多。峰不高。而奇形者不鮮。至可觀也。四十里。至荔江。過此河。則峰巒排列。如劍拔弩張。如畫戟關刀。如昂首之鷹。隼。撲翅之鶴。種種奇突狀態。非但筆墨不克形容。即畫工亦難描寫。汽車馳過。即欲攝影。而又不可能。祇能默識。心通以備他日作回憶之想像。畫而已。行四十里。至荔浦。停車。檢查者幾經搜查。糾纏不已。開車行三十五里。至馬嶺。渡河。余攝影一張。行五十里。至青厄渡。一路看山。忙。不。了。瞻。前。顧。後。震。時。過。聊。留。印。象。存。吾。腦。閉。目。沉。思。奇。景。多。古。諺。云。桂。林。山。水。甲。天。下。還。有。陽。朔。甲。桂。林。又。云。桂。林。山。水。甲。天。下。還。有。陽。朔。春。過。他。天。下。名。山。以。桂。林。陽。朔。爲。最。是。游。者。所。公。認。余。今。置。身。最。優。勝。之。佳。境。中。眼。底。羣。峰。或。迎。或。拒。或。進。或。退。俯。仰。揖。讓。吾。

車之前後左右而繼。繼不已。吾之眼福與樂境。真有南面帝王無易此榮異之象矣。過陽朔九十里。至良豐。過一村墟。道窄而市廛左右。列一小橋。客皆下車。過橋。客皆上車。行五十里。而桂林至矣。於是屈指統計。共行九小時。五百九十里。桂林之行程已達目的地。仰首四望。則鬪雞山頂之一塔。高聳于車石象鼻山俯伏于其左。虞山風洞山等。各峙于東北。而獨秀一峰。則居於羣山之間。為最小而最雋。又為羣峰四壓。而逼仄於城中也。時警察來車中查檢。並境來客之蹤跡。余既書告之。旁有一秦君道璋者。曰。君欲往訪俞詡菴局長乎。余曰。然。乃陪余往水東門。訪俞局長于桂林郵局。出柳州蔣局長之介紹函。晤談一切。並留余下榻焉。

第七章 桂林

余既抵桂林。寓郵政局俞詡菴局長心敬處。午後四時。即同入皇城。往中山公園。即明故桂王宮遺址。今劃分為二。前為省立第三高級中學校。後為公園。前有正陽門。東有東華門。西有西華門。由省中東邊。行抵公園。現正修理。並改建亭臺。獨秀峰。魁然獨立於園。高五十餘丈。周約半里。一泓清水。繞峰西北流。而東隔水為宮後門。余借俞君先觀小謝岩。又有一岩。即劉宋顏延年讀書岩。次即登山。古傳三百有六級。有亭三。在修築中。余登石階。造獨秀峰之頂。共計三百二十四級。俞君指示城中之山。則有風洞山。城外之山。東有老人風洞之山。南有雉象山。鼻之勝。西有花橋龍隱之岩。北有七星隱真之洞。歷歷在目。其他群峰環抱。一水前橫。風景之佳。悉憑几案。俞君曰。登山不可以無詩。余即賦七律一首。以志獨秀游踪。

頻年渴慕桂林勝。今日方登獨秀峯。劫後殘山攜片石。山為石。眼前羣嶺俯孤松。伯牙幸遇感游侶。壯晦應慚寄客踪。猶是朱明舊城郭。故宮閒話步從容。

下山又登一樓。空無所有。即繞西麓而下。此峯名人題詠。有明清兩代所題。厓及刻石。詩歌甚多。惟宋跡則甚少。唐李渤之題。厓尤無遺跡可尋矣。

按明忠靖王宮。即今之皇城。昔徐霞客。凡四入宮後門。欲登獨秀峯。而為寺僧所誤。以致不克登山。今余第一次來游。竟得登臨感賦。不

甚幸哉。因得句云。

古跡已無唐李渤游踪。足俶徐鶴客三百廿級。往復同此行。聊以慰飢渴。

余携張伯岸先生及商務書館介紹函。往十字街桂海書局訪黃道成君晤談。允翌晨陪余參觀各學校。

五日晨起。即往省立第三高級中學校參觀。晤校長郭任吾。詢知爲莫斯科孫逸仙大學畢業。按民國四年。由第三國際所創辦。分政治、經濟、文科三系。而農村經濟研究。分東方問題研究。西歐問題研究。均附設之。學生五百餘人。內中國學生百餘人。學政治者多。民國十八年此校停辦。所參觀之高中。略述如左。

1. 經費。每月一千二百八十一元一角。2. 學費。每年十六元。3. 全體教職員。專任教員十人。辦事員四人。股主任二人。女生指導員一人。體育指導員一人。共十八人。4. 學生五級。師範一級。共一百五十人。5. 教職薪俸。每人以二十小時爲限。以一百十元爲度。聯任教員。以一百二十元爲度。6. 大隊部長一人。部副一人。副官一人。隊長及隊副三人。此爲軍訓教官。其薪從總司令部發給。7. 圖書館。藏書一萬餘冊。編目用王雲五分類法。雜誌三十餘種。管理由學生輪值。8. 寄宿全體。每一學期收費三十三元。9. 女生十人。由軍訓院派人來校。教授軍事看護。10. 理化儀器。分有機化學室。無機化學室。生物實驗室。設備均敷用。11. 各級教室。所見教學概況。分述如下。甲。周教員石甫。教授第二年級物理。講授電導體。試驗電僅存於導體之外表面。乙。吳教員振民。教授第三年級英文。板書中文。令學生譯爲英文。丙。魏教員道昌。教師範班第三年級國文。文典。連詞。荷字舉例。使字舉例。今字舉例。丁。張教員先辰。教第一年級國文。講仲長統理亂篇。已畢。指令學生還講。蔡子民之現代思潮論。戊。常教員伯華。教第二學年代數。12. 宿舍。整潔。純樸。爲軍隊化。3. 梧柳。各中學之冠。參觀省立實驗小學。晤蕭承培主任。學生十一班。共五百四十五人。教員二十人。內有女教員一人。經費每月一千二百餘元。教薪占全費百分之七十八。蕭主任述訓育及教學之宗旨及辦法。1. 供師範生之實習。2. 受政府之指定條規。3. 代一般研究教育者。解決種種疑難問題。是以有教學研究會。解決一切問題。而每月開會一次。4. 對於學生家庭聯絡方面。每一學期。有二十天至四十天。請家長來

校談話如有不到者。則通信詢問。如置不理者。則暫行家庭訪問。5. 課外有園藝、勞作、音樂、娛樂等等。6. 成績室中之成績。注重自然科學及美術兩種。7. 社會作業室及美術作業室。佈置甚佳。8. 學生自製漿糊、墨汁兩種小工藝。頗合應用必需之品。

參觀省立第三初中學校。晤校長戴少英。詢知教職員五十六人。學生十四班。共六百四十六人。內有女生五十人。經費每月五千元。教員薪俸占百分之九十。圖書館藏書一萬餘冊。用杜定友編目法。學生閱書興趣。偏于文科。觀張教員樵珍教第二學期圖畫。靜物寫生。李教員長壘。教第二學期勞作。劉教員自鳴。教第五學期應用文。參觀舉例。板示說明。周教員石甫。教第三學期代數。林教員新堉。教第三學期勞作。黃教員顯圖。教第二學期地理。講授山東膠州灣及膠濟鐵路之贖回。鑛產之中日合辦。並農產鑛產之經過。李教員連南。教第五學期英文。希臘人民熱帶地方之生活。宿舍佈置。分童訓營房組織。普通宿舍組織。營房組織。頗見整潔。

參觀省立第二女初中學校。校長馬懷瑜。有病未晤。晤易教長。導觀一切。此校中學生二百三十人。幼師二級。簡師二級。家政班一級。小學生二級。幼稚生三級。經費每月五千元。女教員八人。男教員十二人。張教員教簡師植物。江教員教家政班圖畫。某教員教軍事看護。實習肩下扎入字行之繩帶。鄭教員教小學第四學年三學年複式手工（折紙）。圖書館藏書八千餘冊。每日閱書者平均約三十人。興趣亦偏于文學類者多。編目用王雲五分類法。儀器室、物理器械較多。敷用。

是時在女初中。遇江蘇同鄉在此任教者二人。一阜寧劉大德。一江陰沙勤業。二女士。劉為蘇女師學生時。曾聽余演講寰球考察教育。及前年在徐女師任教時。適余往視察休女師之教課。曾又晤面者。沙為沙生嘯宇之族女弟。異鄉忽遇同鄉。因詢及來桂之狀況者久之。

參觀桂林縣立第一小學校。晤秦昌岐校長。談悉經費每年四千八百元。教員十一人。學生六級三百八十八人。學費不收。對於訓育。有生活指導員負責。課外活動。在遊戲勞作圖書等。均由教員分任指導。及最近行生活週等事。均實施之。校舍為張南軒講學宣成書院之遺址。時正放早餐。不及參觀上課。僅由秦校長導觀一周。

參觀桂林民衆教育館。館長龍泉。未晤。晤許教員。詢悉館分1.生計兼教育。2.講演兼健康。3.娛樂兼閱覽。共六部。以三人任之。其事業則分1.中心信用合作社。民衆墾殖模範場。夜校。問字處。代筆。講演。(每天三時)診醫處。國術研究所。嬰兒健康比賽會。訓練班。音樂。弈棋。閱報。閱書。巡迴文庫等。經費縣撥三分之一。省助四分之一。每月八百元。夜校學生約八十人。分甲乙兩組。教授分一三五。及二四六組別教授。本日所見學生不滿三十人。

參觀省立第一圖書館。館長李濟安。未晤。晤館員朱建轟。詢悉分編目。參考。普通。兒童。總務。五部。經費每月九百元。購書費每年三千元。編目參用杜定友分類法。藏書十萬冊。舊籍占百分之七十。西籍占百分之三。新書占百分之二十七。閱書者平均每日百人左右。而以學生占百分之八十。商界占百分之十五。其他占百分之五。所藏之書。明板書聞有十數種。余擬借觀。一時未能檢出。殿板武英殿聚珍板及金陵局板約有十數種。是日余見一書。爲倪雲林年譜。乃番禺沈世良伯眉編。沈氏手編此年譜。稿凡七易。同治丁卯。南海伍紀棠跋。宣統元年子澤棠識刊。

六日晨劉大德沙勤業二女士。以同鄉之誼。來約往風洞山游。余作游風洞山記錄左。

風洞山記

江蘇同鄉沙劉二女士。導游風洞山。出皇城北後門。里許。卽登山四十二級。左有一峯突起。新建一亭。功未竣。遙望一峯高聳。虞山也。上有亭。曰南薰。有岩。曰韶音。相傳爲虞舜有遺跡。故名。登七十餘級。有祠宇一。豐碑志跡。大書常。鞅。瞿。忠。宣。江。陵。張。忠。烈。二。公。成。仁。處。十五字。知此爲二公當年城亡與亡之地也。爲之想像孤忠。千秋碧血。俎豆名山。有令人憑弔感歎不置者。拾級而登。厓洞寬廣。仰首鐘乳。離離四垂。入洞北行。覺颼颼之風。迎面涼爽。爲之塵襟一洗。洞壁造象。及古人碑題甚多。洞深十餘丈。再進豁然開朗。爲一北出大厓。厓前有屋數椽。可以飲茶稍憩。卽由洞隙。拾級登黑暗之路。轉折三四。奧邃幽深。道滑泥滓。行殊艱。至太極洞口。有一亭。新建。西行數十步。又一亭。折而南下。仍繞出風洞。而循原路。至瞿張二公祠。東行。折而下。數十級。卽披雲樓。背臨灘江。竹木森秀。左爲一亭。曰迎月。右拾級而

登即爲景。閣壁有碑記題詠之石屏十二讀之。知風洞山即巒綵山也。惜碑題多剝蝕。尙能讀終篇。余等小憩久之。沙劉二女士遙指某山某水爲何名。余憑欄四望。東向則羣峰如笏尖錯列於烟雲之中。南面則城垣繚繞依山而絡近城之峯。仰而觀則雲彩幢幢。雨後晴陽若隱若現。俯而察則樹色蒼蒼掩映于江流左右。劉女士遙指對面一山中有一洞。透明如圓鏡者曰：此穿山也。其右則一塔高撐者。門雞山也。高低遠近諸山。朗若列眉。西望則紫金獨秀於一隅。斜陽之嬌小玲瓏。一若尙余點首者。然時沙劉二女士爲余指導風景。頃刻間風雨驟至。襟袖爲濕。於是縱談旅行之艱困及游山之愉快。復及異鄉忽遇同鄉之樂。不禁悲歡交集。感歎不置。未幾天晴。即下山。噫。桂林山水佳則佳矣。惜陰晴不常。雲時陰。雨時晴。一日之間。氣候變幻數十次。不等。是殆山林盤鬱之氣。欲宣不宣。欲秘難秘。其亦有所醞釀于其間。而將有待耶。抑故作此萬千變幻之態度。以留戀游客之塵踪耶。願山靈有以語我來。

余返郵局早餐後。即往桂海書局訪黃君道成。並往良豐師專辦事處接洽。明日參觀師校事。蓋良豐距桂林五十里。往返須汽車。非預爲接洽。不克往也。沙劉二女士爲余寫介紹函。致教務馮光書君。約其以汽車來接。可否俟晚覆函到。再定行止。

是日午。黃君道成邀陪客多人。同游月牙山寺。作素餐餉客。蓋月牙豆腐薯譽一時者。十二時。即出水東門。過浮橋。以繩索連五十艘。爲之里許。即至花橋。亦勝地也。花橋下有九巨洞。長三十丈。皆平地。有售馬蹄者。排列之爲花橋馬蹄墟。市馬蹄。即李齊味甚美。橋頭小立。俞君遙指一山。山麓外衝一洞。俯水者曰：此象鼻山也。東指排列之七峰。曰：此七星岩也。南指一峯。下有一洞者。曰：此龍隱洞也。唐平蠻頌碑。即在此。過橋二里許。有一亭。曰：小濠亭。又數十級。曰：南山勝景。左倚山石磊磊。右俯河流潺潺。入門。即月牙山寺。高樾數層。曰：飛霞閣。曰：叢桂樓。曰：襟江閣。倚虹樓。有殿曰：水月宮。石香爐一。爲紅白之石。雕刻所成。余等茶點于倚虹樓。久之。時黃君請俞君及沙劉二女士。陪余游普陀七星之勝。於是下山行三里許。入峰迴路轉之坊。而登普陀山。轉入七星岩洞。約二時許。往返約十里。惜龍隱洞伏波山在咫尺間。乃以水大沒洞口。不克掉舟。徒撫韓秀寶所書之平蠻碑。及望馬援之廟宇等。爲遺憾耳。重來訪古。且待他年。洪水爲災。偶逢此日。作普陀七星岩游記。

普陀山不高而幽。拾級五十餘級。有亭一。土人名八角。折而右。曰迎月亭。登十餘級。就厓建屋。曰碧雲軒。折而上。曰碧虛樓。曰延霞臺。昔人謂此間別有天地。東則霞飛閣。西則四仙巖。由北折西。而南登四仙巖。題厓甚多。皆清代人題詠。無宋明者。惟一石。署弘治口年辛卯。姓名皆漫滅。題字皆不可讀。再前行。則棲霞洞矣。土人持煤油火炬。導行在黑暗中。折而右。俯仰甚寬。鐘乳纍纍。有大鐘乳。上下聯爲柱。形者三四。似老樹之根。似白石之柱。地滑行艱。導者挾余肘而前。轉折出洞。有大石曰餐霞。旁登一臺。碑題有棲霞古洞。及棲霞古寺。惜文皆剝蝕不克讀。一亭曰壁立。過此而南。則上下數十級。七星巖洞至矣。此洞深而黝。下石級數十餘。幽奧甚。仰而觀。土人指示余曰。此鯉躍龍門也。蓋巖頂之右。有石一。狀似魚。色鱗翠。首昂尾掉。長約七八尺。向東一石窟。似門狀。高數丈。遠距四五丈。作躍躍欲跳狀。此石類之象形。而名不足奇。所奇者魚之首尾。及身體之鱗甲。均閃爍特有光采。此所含質。大抵鐘乳結晶之石英。年代久遠。受雨水濕暈。苔泥鬱擬。而借天光之返映。始成此景象。歟。惜懸空高峻。不克捫而觀之耳。右有一洞。尤爲深邃黑暗。導者不敢行。乃止。不得已手攝一影。速寫二圖而出。南行下山。別一門出。回顧門額。則七星岩也。自普陀山門入。七星岩洞出。往返未二時。游勝境二。不能不有所記。同游者俞沙劉三人。及桂海局友二人也。系以二十字以終是篇。曰造物幻奇。境示人耐深。思此中蘊靈巧。自在會心時。

返月牙山素餐。座客有譚君偉才。桂山中學英文教員。上海王培蓀同學之門下也。語言爽朗。談桂教育頗詳。劉女士談廣西女學。及教育行政視察。並二女中之概況。頗多見解。餐後。憑窗四望。吟興忽來。得詩二首。

月牙素餐

倏忽陰晴裏。清游病馬羈。叨陪山谷宴。愧賦桂林詩。眼底好風景。淮南足繫思。豆腐創於老人山。巧相對一笑點頭時。余號病驥。老人因倚虹樓遠眺。

倚虹小坐憑欄望。江水淪漣風動微。樹色倒沈青影染。澗聲細滴碧煙霏。無情陰雨炎涼幻。不盡新吟意想非。俯仰冥思爭一瞬。如何毋負此斜暉。

天將暮即返。過浮橋。水漲尺許。遙望龍隱洞。更水沒不能舟往矣。得詩一首。

片時來往江流異。百尺浮橋漲又高。遙望洞天龍隱處。平巒碑頌隔江濤。龍隱洞不克去。平巒碑不能讀。咫尺之隔。想望悵然。

東望伏波山。山下一洞。即還珠洞也。西望一峯。盡起狀若扁方石柱。此劍山也。

俞君借余繞定桂門而南行。訪侯景陶同宗。觀古籍磁器。所見如左。

一、勉齋先生黃文肅公全集。三十五卷。二十四冊。頁十行。行二十字。黑口。竹紙。惟雜有三、四種紙色。不同板式。不同之補刊頁數。及缺頁。缺行缺字者甚多。非完全宋本也。如缺字缺半頁之殘者。均真本。延祐二年補刊之頁。即字跡漫糊者多。

二、六子書。嘉靖本。山陰周洞刻。綿紙。色白。字清晰。頁十行。行二十字。此本甚佳。可觀也。

三、淵雅堂全集。此為自校本。朱墨琳瑯。為水漬所污。侯君自以石花采漿裱背裝訂。頗見古色古香。內有著者畫像。為吾錫鄉先哲華冠所繪。錢泳所題集中。又有與小峴山人唱和詩。頃刻間。如晤鄉先輩三人於此。紙中故特志之。

四、磁器數件。一明哥窯碗。一元磁小花瓶。一色澤質地均可。

晚歸已十一時。復記以上數頁。倦甚。即臥得句云。

游山之興。勝于昔。倦眼更深。老未花一笑。推燈擁衾臥。夢中猶是說餐霞。(山名)

七日晨起。因昨晚沙劉二女士來信。謂良豐師專。已有覆函。至准九時。由良豐開車來。迨十時。由桂林開車。王公度處長亦附此車行。並來馮克書教務主任來片。是以余八時略食點心。九時即往師專辦事處待車。九點半鐘到辦事處。車已到。惟須待王處長。須十二時方能到耳。余既待久。飢腸歷轉。因問朱君。王處長者何人也。答以省府委員王公度先生也。因告以余今日尚欲還桂林。明晨即欲返柳州。故急欲往良豐。參觀師專耳。王處長不到。奈何。朱君答以惟有靜待耳。黃道成君來。邀余往廣東館茶點充飢。返辦事處。王處長仍未到。余焦灼甚。得詩一首。

耗廢光景三小時。待人焦灼益遲。黃金難買寸分秒。一為躊躇默爾思。

一點鐘。王公度處長始到。一點十分開車。二點鐘到良豐。入師專學校。晤羅爾校長。談悉此校昔為唐子宜之花園。岑西林購之。改爲西林公園。民十八。西林捐贈公家。辦理師專。二十一年始開辦。成立兩年。招生四班。又招鄉村師範兩班。現在學生共有二百二十七人。女生八人。經費每月九千餘元。教職員三十三人。內有女教員二人。教職員薪占全費百分之七十。外加學生津貼膳費每人六元。書籍費每學期津貼五元。優待學生。可爲詳盡。訓育方面。班主任負責。有生活指導委員會。商量實施訓育。以及指導方法。教學方面。師專普通各科。鐘點爲三十三小時。加軍訓九時。每週四十二小時。鄉師少軍訓二時。每週四十時之課。至於此校開始。頗思根據陶知行教做合一之主旨實施。既而不易實行。今正在研究改良中。羅校長導余至教務處。晤馮克書君。即由馮君導觀各處。並談及校內一切。馮君爲浙江慈谿人。曾任浙省督學。有年來。此僅任教育課。今任教務。方思改革一切。養成良好師資。惟訓育方面。頗思純潔。青年思想。以科學興趣引起。學生研究。心挽回其以前之錯誤。漸入於正軌也。教室。學生桌椅皆對坐。寢室內。一律整齊。清潔。盥洗室。亦整齊。學生生活方面。均能入于軍隊化。佈置可爲桂。梧。柳。三處所見。學校之冠。鄉師兩級。正在集隊。預備野外實習。未十分鐘。均集隊成列。軍容甚肅。排隊出校。步伐亦整。師專正在午飯後休息之時。有閱書報者。有遊戲者。有散步者。均尙無越軌之動作。圖書館藏書一萬餘冊。用杜定友編目法。閱書統計。一月二月之佈告。均以社會科學書。閱者最多。文學及自然科學。閱者甚少。三月統計。閱文學增多。閱社會科學之書。仍居首。四五六之三月。自然科學書閱者尤少。儀器標本室。理化器械較多。生物礦物標本不多。製造器物。教授爲常州沈望之君。擬小學應用之儀器。均由自己製造。此種辦法。最佳。醫院苗圃。運動場等。設備周備。校舍之清佳。面積廣闊。崇隆長橋。臥波迴廊。鏡水樹木。葱蘢洞天。幽邃園林。風景具有天然之山水者。此地真僅見矣。山名雁山。又分南北二山。南山之洞深。邃。北山之樹葱鬱。余探南山之洞。窳透境。人工之建築。亦畧有輔助。總之雁山勝境。不獨岩洞爲勝。余周歷園中。贊賞稱歎。爲之流連不置。

馮君告余曰。此園設計。純粹根據大觀園之佈置。構造而成。所以入門。即見一山。此南山之南面也。向東行。即水流聲潺潺。溪水潑於右。

樹陰連蔽。可以垂綸。蓋見校中教員某君位儷。一立一坐。時正在釣魚也。折而東。爲桂廳。折而北。爲梅廳。今爲教務處。紅廊三折如長虹。即通一崇樓。曰咸通。即校長室也。此樓之位置。即大觀園之瀟湘觀也。過此而北。即穿小徑而過一樓。爲圖書館。樓下爲四教室。樓上爲書庫。分參考、普通、雜誌、報章等室。折而東。爲宿舍。折而北。即北山。拾級而登。穿洞而過。幽邃之景。蘊蓄於此。出洞俯觀。下有深洞。旁有石徑。均學生自砌。此間寓兵工農於學。勞作軍訓。新舊科學。均見精神之所在也。雁山之石皆石灰。岩園中植物甚多。有相思樹數株。所結實。剖而視之。即紅豆也。此與江陰顧山之紅豆同。距園數里有水曰相思江。沈君望之。贈余紅豆數種。一嶺南紅豆粒細而艷。嬌二本園紅豆。二粒較大而色殷。三普通紅豆。及有莢之紅豆。共十餘粒。沈君曰。相思江上相思豆。馮君亦贈余紅豆十數顆。曰紅豆生南國。聊以寄相思。余笑應之曰。梅廳位置。正恰紅館。二君贈余紅豆。足爲多情人之紀念矣。彼此大笑。余得詩四首。寫贈馮沈二君。

多情紅豆寄相思。豔色嬌鮮永寶之。有客異鄉贈此物。吟情祇許箇人知。

此是良豐良植物。咸通樓下影婆娑。相思江上相思豆。一語爲君細詠歌。

況是名園仿大觀。幾多山水眼前看。梅廳作恰紅館開。到冰花骨透寒。

馮君面龐骨瘦神寒

嶺南佳種最嬌小。雁麓高枝摘絳霞。且待秋來花放後。製成順序感無涯。沈君研究生物學許余他日贈余紅豆順序標本

陳君邦彥亦爲江蘇同鄉。任小學實習指導。來梅廳晤談。知小學分組實習。有第一中心小學。第二中心小學。學生八十人。一二複式。三四複式。五年級在第二中心。六年級在第一中心。兩中心各有一二三四級。無其他教員。完全爲三四學期之師專學生。輪流實習者。此法甚佳。教即學。學即教也。

羅校長邀余晚餐。餐後偕王處長羅校長馮教務諸君略談即行。良豐往來桂良間之汽車。此時本已無車。羅校長特派校中汽車。送余回桂林。至可感謝。途中惟有鄭君七襄亦返辦事處。故同車行。車中看山。並與鄭君談話。頗不寂寞。五十里行四十分鐘。至桂林。已六時半。即至桂海書局。爲黃君指畫竹石。書月牙素餐詩。共三張。復爲書局同人畫竹石三張。余更爲俞君詠菴指畫竹石。及寫詩贈俞君。並

贈侯景陶共四紙。又指畫竹二紙。贈沙劉二女士。遂偕俞君返郵局。晚餐黃君來。余取圖章借黃君。再至桂海書局。將所畫各紙。用印泥蓋章。即返。整理行裝。將所購元祐黨人碑。吳道子佛像。風洞山圖等四種。石刻。交俞君代付郵。寄錫。將寫贈各人之詩錄左。

桂林陽朔好山水。我已一斑窺管中。最是難忘烟景。群峰翠夕陽紅。贈俞君

五百年前第一家。粵西江左派分誇。摩訶金石開中趣。古色古香夜話餘。贈宗人景陶

沙劉二女士於七時來。送罐詰食物等。爲贈行。以明晨有課。不及來送。故也。待久。余未返。乃留字以去。余返。俞君夫人告余。即寫回信謝之。復寫致省立圖書館函。送去旅行記等十種。是晚補記日間游記。至午夜。將一點鐘。始就寢。

八日。天微明。聞炮聲。即起。時正五時。俞君亦起。即由郵夫送郵者。爲余攜行李。送南門公務局。俞君送余上車。此爲郵車。較之商車。人少。余即購票上車。票爲三聯。甲留局。乙備車中。接站查驗。丙爲搭客對號。法至密也。俞君別去。余在車中。待七時開車。得句云。

一路看山左右顧。奇峰尖嶺迓朝陽。桂林不忍卽言別。倒坐貪觀好景忙。

過良豐。入陽朔境。群山連接。出奇門勝。眼底奔忙。其最奇者。有一二處。非夷所思之景象。如有一山。從旁或又出一石。尖而瘦。下有一縫。似兩足。上有一圓頭。似人首。遠望之。如人之獨立也。又見一山。有一大圓孔。如圭竇。然同車之人。謂此陽朔之城門山也。更見一峰。較高大。如紗帽。然高坐穩健。下有較大之山。三四如太師椅。周圍排列小峰。不知若干。環繞於前後左右。所謂諸峰羅列。僊兒孫者。然旣至陽朔。又以車中脫去螺釘。復將車駛回原路十餘里。尋所脫螺釘。久之未着。復駛回陽朔。余得從容下車。大觀陽朔之山。有一石峯。完全紅色。下插蒼綠之山。羣樹滿山。碧陰遙遠。望之如一人面。故名紅面山。又有一獅狀之山。如仰首空中者。然有又一鹿角之山。兩牛角之山。所謂隨地變形。正反側背。各具一形者。甚多。往返十數里。又見奇峰不少。至荔浦。車不能行。即易一車。而顛簸甚於前車。致勞頓困倦。特甚至鹿寨下車。午餐再行。至柳州。時已午後四時。照例公安局登記旅客行踪。下車雇挑夫。渡河至慶雲路。生盛昌書局。氣候炎熱。卽沐浴休憩。晚餐後。忽大風雨。氣候轉涼爽。略記日記。卽就寢。

第八章 重到柳州

九日晨起。蔣君維清來。知蔣君秉仁已行。余亦閱悉秉仁君來信。蓋于昨午乘輪往梧州矣。蔣君曾君約同游立魚峰。遂渡河而南。登峰游其半。再上則石級狹隘。不克行。蔣君以有課別去。余乃登峯頂。作立魚峯記。

立魚峯者。以其狀似魚。昂首仰空。中然故名。下有小龍潭。水清激。終年不竭。雖旱不枯。蓋下有泉穴。時聞汨汨清泉。來有源也。立魚峯不高。約五十丈。與桂林紫金峯相似。惟一則魚頭上仰。一則獨秀城隅耳。是日。余偕曾蔣二君先登山麓。入石洞。外視之一崖耳。深不過。縱橫十丈左右。有石刻曰重踏金鰲。乃東有一石門。入門則鐘乳四垂。又一岩洞。縱橫亦十餘丈。匡額曰太極洞。旁有四字。曰金鰲古洞。拾級而登。有一大石墮于厓前。上有大樹倒下。致將山石折斷。旁通一路。即又有一洞。可通前厓岩洞。左折。又一小岩洞。一警士握刀立詢。余等何往。答以游山。曾君指一洞曰。此洞深遠。相傳下通某處。數十里外之洞。年久氣鬱。多神話。故塞石不許人行。余等至洞口。則白蝙蝠成羣而出。飛翔上下。出入甚多。蓋此洞既無人入。故蝙蝠據爲巢穴也。宜然。爰另尋一路登山。則亭閣廟宇。迴闌憑眺。雖可俯觀。竹木森鬱。然尙不足以盡各種景物。曾蔣二君以爲再上路狹。至爲危險。不易登也。蔣君先別去。余欲上。曾君阻之不聽。乃僱警士扶護而上。曾君亦在。余後時。以謹慎二字警告。余始向前奮勇。繼則道狹難行。石級至淺。僅占足之半。幸警士田桂森扶而登。凡百數十級。始至頂。小坐石上。俯視柳州。一水繞東西南三面。千門萬戶。排列如蜂窩。可觀也。余得詩一首。憩息久之。遂下。自頂至麓。凡三百三十二級。較之獨秀峰。多十二級。兩峯相距五百九十里。其爲名勝也。同其爲石級也。高下相彷彿。知游客至柳。必登立魚。至桂。必登獨秀。二者各極天然之妙。各著其譽也。由來久矣。獨秀以上。下樹木蓊鬱。石骨嵌綠。樹中其狀殊秀。立魚以下。半多濃郁之樹。上半則石多。而聚首向。右側石隙間。僅有綠草。紛披點綴。其隙與獨秀迥異。此外觀之不同者一也。至岩洞。則獨秀僅有至淺之二洞。立魚則有至邃之洞。且山麓完全爲三洞所撐持。石骨嶙峋。在內而不在外。此內容之不同者又其一也。余登立魚峰。而兼及獨秀。以人皆知獨秀之秀。而不知立魚之奇也。故綴拾成此。以告游粵西者。不僅眩獨秀。而應詳覽立魚。故述之如此。

立魚峯頂俯視卽景

舉目縱觀氣鬱。柳江水繞城垣。羣峰峙鼎然立。左有鵝山右馬鞍。

參觀柳州縣立屏山小學校。校長李瑞垣。經費每月三百一十五元。學費高小年收四元。初小年收兩元。此項學費收作辦公費用。教員十二人。教室七。學生約三百人。見趙教員授高二年國語。板示符點記號。高教員授高一唱歌。教送別歌。伍教員授初小三年體操。鄭教員上初小四年國語。以本日爲五九紀念。故講國恥小史。蔣教員授初小一年國畫。曾教員授初小一年衛生。均大致可觀。而以體操最有精神。周視校內環境亦佳。操場即在馬鞍山麓。樹色葱鬱。山光掩映。長廊下見有八角石礎。質堅而花紋頗大。宋明物也。詢之李校長。知爲他寺中移來者。余謂此古物須寶存之。

是晚蔣君維清來約往柳侯公園一周。又往圖書館。晤莫館長及民報館林君。略談卽出。以天將薄暮。約明日再往參觀。蔣君約往戲園觀粵西戲劇。蓋桂戲多仿京劇而未成。乃另爲一種腔調也。

十日蔡君伍君來自墾殖試辦區。告以姚君因兒病不克偕余同行。伍廷廳主任傳語。邀余再往試辦區一談。少頃以小蓬汽車來接余。諾之。蔡君去。余卽往試辦區候車。處約十點半鐘來。卽行。十一點鐘至沙塘。晤伍主任。先詢余以來廣西所見之感想。余告以軍政民團公安等均辦理認真。而有種種特殊訓練之方。殊爲可佩。如在吾江浙等省。萬難企及者。惟教育方面。除西大有特殊成績外。則以桂林良豐帥專省立第三高中。均有特殊成績。此外則尚有研究之餘地。伍主任告余墾殖水利之起源及歷史。兩年來辛苦經營。僅有此區區之策畫及實施。尙待兩三年後。略可有希望。惟所以吾之如此辦理者。以勘透今日民生第一。求自存。欲求自存。非從農業做起不可。農業尤以經濟之組織爲要。需今此間雖有此一部分之辦理。想黃明先生已詳告之。惟吾則以爲無論何事。必須要有組織。況農村經濟破產。今無不深感其痛苦。無組織。故銀行借貸。倉庫設置。放款實施。均覺非根本辦法。是以此間五年計畫。今已兩年有半。移民五百戶。約二千人。分區三。而以沙塘區爲第一試辦區。水利方面。亦已有相當之建設。雖經濟缺乏。然農村組織。略有頭緒。將來效驗之有。

無總在。看人爲之如何耳。伍主任所言甚長。而詳細縝密。其計畫至爲可佩。實爲粵西退職軍人中之一奇人也。留余午餐。又談久之。以時促不及多談。即以汽車送余返柳。

午後余偕曾君訪一黃姓者。以其欲往南丹。豈知尙有旬日。故余決計獨行。整理一切。明日准乘往慶遠之車。

五時。蔣曾二君偕余同往中山公園柳侯祠。訪侯親筆所書劍銘。豈知前年大火。已焚毀。惟留一重刻之殘石。現嵌祠壁中。其文曰：『龍城柳神所守。驅魔鬼。出七首。福四民。制九醜。元和十二年。柳宗元。』下有宋某臨書一碑。較大嗣曾君偕余往揭碑處。購得朱拓柳殘碑一紙。宋墨拓一紙。蘇書韓詩一紙。計洋一元六角。

後往圖書館。詢知每月經費四十元。藏書六千餘冊。閱書者。平均每日二十餘人。館屋甚寬宏。今初改組。無綫電台附設於此。

觀體育場。兵士練習跳欄技術。一竹欄。二磚垣。三跳壕。四越牆。五爬高木欄。（木欄約高一丈。）

十一日晨五點鐘。曾君蒸雲送余渡河。至合作社。以姚壽齡紹介片。晤楊經理。購慶遠車票。計六元六角。上車蒸雲別去。七時開車。二十里。至拉堡。一名鳳凰村。三十里。杜村。二十里。至大道。二十里。至三都。四十里。至里高。四十里。至大塘。客皆下車午餐。余以雙銅元三枚。僅食粥一碗。即上車。以阮囊羞澀故也。車行五十里。至歐洞。五十里。至里苗。六十里。至慶遠。一路山多峯巒。與柳桂相似。惟以不克下車。一探究竟耳。

第九章 慶遠

余既抵慶遠。以曾君子誠函。至東門街福泰慶。訪謝茂青張元球二君。先晤張君。繼晤謝君。即由謝君導往參觀慶遠縣立民衆教育館。晤申君畢成。談詢一切。知館長覃慶蘇。館員三人。經費每月二百四十四元。組織分五部。一生計。二閱覽。三康樂。四教育。五演講。在生計一部。則有工讀學校。一。學生有六十餘人。在閱覽部分。有民衆圖書四千餘冊。每日平均閱書者。約七八十人。軍學兩界之人來閱者。占百分之八十。其他各界占百分之二十。至閱書種類。則以閱文藝兩類者爲較多。在康樂部分。有體育場一所。娛樂室一處。而以音樂弈

棋二者喜嗜者爲多。在教育部分，有民衆夜學校二所。共百人左右。講演部分，豫備下學期設定期演講。及下鄉設立巡迴文庫。即以爲勸導鄉人閱書爲旨。申君事理明白。夙有研究民衆教育之辦法。故其言多中肯綮。余贈以修身傳言一冊。覺邊遠人才缺乏。而於民衆教育有研究者尤鮮。故甚佩之。

申君導余往觀省立十一中學校。校長何杞他往。晤訓育黎宏瑞。略談校況。諸多推諉。以何校長不在校中。請晚五點鐘再來。余告以匆過此。刻正上課時間。擬以個人名義參觀之。至於行政方面。以校長不在。不易明瞭。不妨即以訓育一部分之狀況說明。此亦任訓學者所應爲之事。黎君亦言而不詳。惟導余參觀教室一周。見黎教員上地理課。初中一年級問答淮河流域。及安徽省住民之生活等。後講江西省。對於贛江之贛字。並不說明章貢二水之合流。所以成贛字之來由。未免疏忽。何教員教第二年級公民課。講直接政治之罷免權選舉權。蘇教員教農學課。講造林之種子核定法。口講指畫。板畫板書。均見精神。圖書館藏書數千種。此校教員二十餘人。學生六班。共二百五十人。經費每月約二千餘元。

謝君茂青、袁君某同往中山公園。有中山紀念亭。小坐片時。即往謁黃山谷衣冠墓。在公園之西。里許。黃山谷先生祠後。周墓皆小石峯。數尺高者有五六小峯。墓前石碑。題曰。宋黃山谷先生衣冠墓九字。欸署慶遠郡守宋慶勤石。徘徊久之。得詩一。

山谷文章與氣節。千秋自足樹人模。石峯三五天然穴。何必衣冠問有無。

參觀民團實習用之兵工防禦壕溝。一。立射用掘開散兵壕。二。掘開式輕掩蔽部掩壕。三。輕機關槍掩體。四。橫牆。五。障礙物。1。鐵條網。2。鹿砦。3。拒馬。4。觸發地雷。視發地雷。5。氾濫。6。陷阱。7。壕。8。軌道砦。9。係蹄。

復至公園。登一石山之頂。有一樓。樓前後左右。皆天然山石。錯雜其間。風景甚佳。遠望羣峯環視。尤得天然好景。此間郊野。到處皆山石。嶙峋。錯於田野。可觀也。下樓至一天然山石縱橫處。題字甚多。大抵皆元明間石刻。削苔撫石。讀之知爲宜陽城外西郊。宋有香山寺。後建觀音閣。至正三年。歲次癸亥。二月記。按慶遠昔爲府城。宜山首縣名。古名宜陽。今石刻均稱宜陽者。昔宋建香山寺於此。寺甚甚宏廣。

地適當宜山之陽也。山石縱橫。有一門。石額曰雲峯。又曰梵天。均尺許字。惜無款。均已剝蝕。見一石刻。其款署『永樂庚寅年。文淵閣楷書生。無錫謝鈞玉』十六字。此亦於無意中得見。一吾錫鄉先輩之遺刻。但不知楷書生。在明代爲何職。以意度之。卽清之謄錄。今之書記官也。石旁有小洞二三。可以出入。中可休憩。余徘徊久之。得詩一。

慶遠城西數百步。石峯錯雜。聳田疇。樓臺高處。斜陽晚景物天然。一雨秋洞壑。徘徊林蔭蔽。蘚苔剝認字。痕留摩娑。石刻鄉先跡。手拓未遑。願未酬。

謝君留余多住一天。明日作北山之游。余謝之。姑待回車過此。當留游未遲也。謝君指山北之峯。告余曰。此北山也。頂有廟。下有白龍洞。至深邃。西有魚山廟。山不高而秀。下有宜山公醫院。余過醫院門。仰視魚山。雖不高遠。而以時將薄暮。不克登山矣。卽由南門入。蓋入東門行。街路較近故耳。

十二日晨五點鐘卽起。盥漱後卽行。有李君者。柳人。來慶遠收賬。此時亦行。謝君既送余上六寨車。又送李君上柳州車。余向公路管理局購車票。價十三元二毫。既購票。遇周君吉人。謂明日有小蓬車赴貴陽。可留一日也。余答以既購票不能退。周君卽用鉛筆寫余之日記簿上。謂到六寨峻隆莊。訪都竣鸞君。可留住一二日。待明晚。蔡棟伯莫體全兩君之車到。卽可同赴貴陽也。余感謝之。卽別謝君。登車時。車中客多。行李貨物。堆積幾無容足地。不得已。據一隅。兩足蜷倚。坐久始開車。行五十里。至懷遠。渡河下車。客皆早餐。余則未下。以客去。而一人獨坐車中。較爲舒適。少頃。客皆來。車行百餘里。左右皆石峯。車行顛簸甚。又數十里。至河池。停車久之。車中一客劉姓。爲河池師範學校教員。談悉河池簡易師範。兩年畢業。學生六十人。小學不發達。師範教育。非常重要。宜早培植也。

自河池開車。山路曲折。顛簸較好。蓋最近新造之路。河池至南丹。築路工程。較爲堅固故也。此間羣山綿亘。其形式。雖與柳桂相似。而樹色。苔痕。較爲濃郁。似麓臺山水中。濃點深襯之筆。將至南丹。車忽停止。則見前車四五。以山雨衝壞路線。路工均舂石塊填路。待三刻鐘始過此。不十里。卽至南丹。停車久之。始行。余頗覺腹饑。卽略食糖蓮以充之。蓋見途中雨後泥濘遍地。不能下車也。又行久之。至呂南圩。

稍停即行。至六寨時已四點半鐘矣。蓋自慶遠之河池爲三百二十里。河池至南丹爲二百四十里。南丹至帆場四十里。帆場至六寨六十里。共六百六十里。途中經過宜山河池南丹三縣。渡河凡二。一爲車河。一爲三江口。山則羣峰尖聳。或如筍狀。或如紗帽狀。或如鳥首。仰瞻兩翼下撲。不可名狀。岩則石灰砂礫。有鑛則南丹有煤及錳鑛。河池有銻錫等鑛。

第十章 六寨

六寨一墟市也。地屬南丹。西北連貴州。距六寨三里許。有一山如魚尾。然曰魚尾山下曰魚尾坡。出此山則貴省境矣。按廣西所謂墟期者三日一墟市。各村人民買賣。多來墟市。是以余昨在慶遠剛逢墟期。故人烟繁多。商業喧盛。今日來六寨。雖非墟期。然地屬桂貴交界處。建築新式房屋。及中山公園等。均見新氣象也。有六寨飯店之屋宇崇隆。茲暫借與公路管理局用之。俟丹池公路建築完成。即開設完美之旅館矣。市街亦熱鬧。有中山公園尙未完工。

余以周君吉卿之介紹函。至峻隆莊訪都君峻巒。有康姓夥友出應客。招待入室。按置行李。少頃。都君來。傾談久之。即偕余往中山公園游覽一周。登一亭可望魚尾山。亭尙無名。余曰。盍名望魚亭。又觀一塔。曰丹池公路工友殉職題名塔。有文爲路局莫局長樹杰所題碑記。下署因公而死之工友姓名。凡二百五十餘人。此山原名蛇山。山頂有一亭。爲中山紀念亭。時將薄暮。即返。得詩一首。

四圍山色鬱蒼蒼。一塔雙亭聳夕陽。遙指雙峯高插處。坡名魚尾粵西疆。

夜與都君談詩。都君示余一冊。曰京江日記。乃其伯父滬之先生。昔日侍其尊人於馮子材將軍。駐節鎮江。半載之所記。滬之先生。無日不吟詠。凡見古今人詩文。無不詳錄。故所記厚寸許。燈下展覽。可誦也。補錄日間途中所作詩二首。

慶遠早發

山氣迷濛籠曉陽。綿延峻嶺送迎忙。雲峰高遠插天外。石骨嶙峋列道旁。二水澄清潑束帶。一舟容與渡河梁。早餐聊足充飢腹。黍粥權稱瓊玉漿。

池丹途中

山多不礙車行速。厓峻方知路築堅。冒雨疾馳百餘里。千峰蒼翠墮窗前。

十三日晨起早餐後。覺天氣寒峭。大有二月春寒透敵袍景象。余得詩一首。

此間一雨似深秋。地僻山多蓋少留。祇爲前途車輻滯。遲遲行役迫吟愁。

今日獨山無車來。故須遲待一日矣。六寨爲廣西貴州交界地。廣西之汽車。不過六寨。貴州之汽車。至六寨爲止。明日須待貴州方面有車來始克行也。因爲之躊躇久之。作家書及報告等。以消客中沈悶。

晚獨登中山紀念亭。遇衡陽王君佐。字鴻廣。畧談卽下山。王君同至寓久談。王君嗜詠詩。自述昔讀書。曾入船政大學。今任丹池公路局六寨辦事處辦事員。因寫視舊作數首。囑余改正。余覺其中寄蕪湖某之一詩。似有可商處。爰爲之改。『北湖江雲掩日寒』一語。王君爲之首肯。因爲余寫介紹南寨莫氏昆仲鳳樓指揮。蔭三局長函。並言過南寨。必留住彼處。有程楊甘君等。均以詩著譽。不可交臂失之者。余思過南寨十里。再至獨山百五十里。中途下車。是否便利。尙不可知。姑待明晨決定可也。王君欲送余至南寨。余謝之。王君夜深別去。余得二詩。

落落風塵一面中。馬周何處識英雄。人生離合悲歡處。揮手大寰俯仰空。

難得逢君話夕陽。談詩媿媿已昏黃。夜深別去吟情暢。起剔燈花寫短章。

都君峻鬱寫視感懷舊作云。『年來年去竟如何。一事無成感逝波。身賤莫嫌知己少。途窮翻覺累人多。請纓有願甘磨盾。投筆無聊欲舞戈。壯志如虹誰共語。撫躬太息發高歌』。余卽口占一首。步其原韻贈之。

家國艱難感若何。漫游江海砥風波。西南山水中原少。客子舟車良友多。幸得萍踪欣借榻。矧逢荆局擬揮戈。休將時事杞人慮。且向燈前作短歌。

十四日晨王君來。謂六寨區莫樹風區長采成。邀往早餐。余謝之。少頃。莫區長刺來。邀。即偕王君都君同往。晤談之下。詢悉本區面積甚廣。縱二百餘里。橫八九十里。居戶八千餘戶。人口八萬人。最古之民族。即苗。獠之民。占十分之一。其次即唐代隨狄青征西之部族。及宋元歷代之遷居來此者。學齡兒童。雖無確實之調查。然萬人以上。必有之。本墟小學。有一校。初高六級。分三教室。校長即莫區長之子。相業任之。教員四人。內女教員一人。學生男女兼收。高級三十人。初級六十餘人。共九十餘人。不收學費。莫區長提倡頗力。校名大志。其額即王君書也。餐後即返寓。爲王君都君指畫墨竹。並題詩四首。

爲王君鴻廚畫石及竹

橫觀似疊石。側看亦成峰。撥墨燈前話。心堅興自濃。

一竿隨意撇。萬個着痕多。爲問子猷興。新吟近若何。

爲都君峻巒題竹石

下榻感君意。攤箋笑我狂。一枝相贈處。濃淡襯斜陽。

指上疑雲濕。胸中着墨多。苔痕深淺別。縹處足揣摩。

十點半鐘。別王都二君而行。二君送余上車後。車行未里許。忽憶日記一包。及零星函件。當時以收拾皮夾時。抽出置于都君藥廚邊。而畫竹石時。匆匆上車。竟忘裝入簾籃中也。車既開行。萬不能驅車回六寨矣。不得已而待至南寨。再設法取之。車過魚尾山。即出廣西境。在交界處。豐碑高峙。車行甚疾。不克見碑題何字。匆匆過此。片刻車停。即至南寨。下車。携王君介紹函。訪莫鳳樓指揮。蔭三局長。晤談一切。承留一日。並介紹金甘諸君談話。鳳樓爲獨山縣民團指揮官。蔭三爲貴南公路管理局局長。金君緘三爲西席。甘君爲公路局主任。又有朱君印生。爲貴陽公路局辦事員。因日前黔貴兩車相撞案來此。向君念初。省府公務員。余以日記一包。遺在峻隆莊。即打電話與都王兩君。請其設法送來。二君已知之。允即派急足。鄭重送南寨也。隔一小時。果見康姓夥友。携余日記一包。送來南寨矣。余爲之感謝。

不置。並留其少坐休憩。飲以茶。許其回車過六寨時。當指畫竹石以酬謝之。蓋往返二十里。驕陽灼背。其行甚勞。少頃別去。余即休息。朱君談及彼之尊翁在王幼農處任事。故住蘇寓錫。詢余識否。余答以幼農先生爲多年老友。尊翁則未識也。時朱君約余出游。即同往黔貴交界處參觀界碑。及攝鏡山之影。蓋余下車時。偶一回顧。即見一山。穿一大洞。透明如圓鏡。甚覺奇特。故帶攝影器出游時。遙爲攝影。並得詩一首。

笑吾初入貴州境。訝見鏡山第一奇。匆促下車回首處。大寰攝取小圓時。

續西南漫游記卷二

第一章 南寨

余自六寨過魚尾坡營下村。即出廣西界。而入貴州境。至南寨。莫君鳳樓。蔭三昆仲招待殷勤。縱談一切。偕朱君印生同往黔桂交界。行四里許。見有兩碑高峙。一題西南動脈四大字。胡畏之有跋語。袁慧楨書。一爲公路局長熊冠英傑題記築路之史蹟。又有一木牌書明自貴南入境。至貴陽里數。麻尾三公里。獨山六十五公里。都勻百二十五公里。陸家橋百五十二公里。馬場坪百七十八公里。貴定二百零七公里。龍里二百四十公里。貴陽二百六十公里。按陸家橋屬麻江縣。馬場坪屬平越縣。是由貴南入貴境。須歷六縣之境。而抵貴陽省垣也。

貴境第一奇山。即鏡山。余故攝一影。以志其奇。蓋遠望之。如一大圓鏡。位置於高山之上者然。余既題詩。以爲紀念。因思廣西之奇峰怪石。到處皆然。猶憶有一山上如半月形。下如人之兩腿。中間跨隙。可以穿過。名半月峰。以及鹿角峰。紗帽山等。余均有詩紀之。

半月峰

粵西山石多奇突。車過遙觀半月峯。兩足支撐雙峭壁。屹然獨立墨芙蓉。

鹿角峯

忽見杈枒峭向空。車行瞥見萬山中。行人笑指山峰狀。左右奇撐鹿角同。

紗帽山

峭石高撐冠正戴。層岩環托首重回。行人笑指峰巒狀。影落龍山是也。

不
余寄寓南寨莫家。與莫氏昆仲。既承招待之勤。又與朱君等出游。晚歸後。即與金君緘三。唱酬錄左。

和金君緘三龍岩原韻

頻年車馬逐東西。覽勝名山尙未齊。驥愧秦南舒倦足。鳥飛黔北忍空啼。雪泥鴻爪情堪戀。咫尺龍岩路欲迷。正是夕陽無限好。聊將晚景眼前提。

再疊前韻贈鳳樓指揮蔭三局長賢昆玉

勞勞轍跡我方西。遙聆賢聲昆玉齊。比擬蕭曹籌策定。交通黔桂救飢啼。鴻飛山國林堪宿。馬老風塵道不迷。還望車停燈火裏。吟情絡繹示携提。

緘三贈余二十八字末句有何時雲裏倦飛回余答以二十八字

萬山層疊碧連開。一綫奇緣此地來。酬唱豪情猶未畢。半輪明月送車回。蓋今日爲夏曆初二日屈指計之初九後可以回南寨也

偕緘三散步南寨山中

晚來閒步萬山中。四面田疇一徑通。左嶺高瞻馬首仰。右峰橫據虎頭雄。夕陽欲下雲疑托。暮景難描煙淡籠。且上小阜聊攬勝。縱橫民俗笑臨風。

余偕金君登一小阜。左爲天馬山。右爲虎頭山。四環山嶺中。田疇交錯。多種鴛粟。本年苦旱。故收成欠佳。此種害人之物。而遍地皆是。可慨之至。

夜談久之爲莫君昆指畫墨竹及石並各題詩

南國植嘉竹。微風生夏涼。一竿寫贈蒼翠蔽斜陽。一竿雲直上。萬個雨含滋。指上墨輕灑。他年或繫思。指墨作拳石。相看氣尙雄。米顛倘到此。應笑寸方中。

橫嶺似書卷。側觀成石峰。須知蘊方寸。揮寫淡兼濃。

莫君蔭三贈余七律一首和龍岩韻云：『想像鴻飛山國中。雲泥相隔竟相通。愧無徐孺迎賓榻。驚見元龍再世雄。境僻幸叨佳句和。荒村猶有晚煙籠。半輪明月何時照。貯候車回拜下風。』

金君絨三贈余詩云：『三年雌伏愧村中。雲路飛鴻志未通。天假緣奇南徼會。君應文擅北方雄。荒陬聯步斜陽外。絕頂難登暮靄籠。莫負半輪明月約。重來酬唱趁薰風。』

是日有貴州省政府駐廣東辦事處代表張君蘊良。由柳來南寨。晤談。約明晨附車同行。一日可達貴陽。蓋張君包一小篷車。故由柳州至貴陽。兩日可達也。聞黔桂兩省之汽車。各至邊界。交換乘客及貨物。而以六寨爲中心交換點。惟包車則可直達云。

向君念初贈余詩云：『吾黔僻處萬山中。幸闢羊腸鳥道通。泮水相逢緣不淺。車塵苦歷意何雄。深慚附驥雲歸晚。勉學塗鴉霧似籠。太息明朝揮手去。何時始獲坐春風。』

時已夜深余又口占一律留別莫金朱向諸君仍三疊前韻

過去雲山想像中。者番黔桂幸交通。荒雞四唱劍堪舞。病馬孤行心尙雄。惆悵明朝歌柳折。推敲他日待紗籠。愧留甌覆塵封後。夜月笑人玷雅風。

十五日晨。天微明。張君蘊良促余起。余以昨晚爲臭虫所擾。幾至終夜不寐。至三點鐘始入睡鄉。此時張君呼余。不得已而起盥漱。即收拾行李。預備上車。金君起以爲尙早。漫應之。待半小時。即附張君所包汽車而行。頃刻卽過麻尾。時細雨迷濛。行李略濕。車行萬山中。重巒疊障。絡繹不絕於眼前。覺貴州之山與廣西之山大不同矣。桂山皆尖形。而各個自立者多。黔山皆圓形。而連亘綿延者一望無際。至岩質則水成層積。兩省石灰岩多。而石英斑岩亦同。惟花岡片麻岩省較多耳。

南寨曉發

迷濛細雨曉驅車。好景無涯思有餘。似霧非煙蒼翠濕。微雲淡日太空虛。四圍環繞山咸阻。一路盤旋境又舒。多少峰巒呈異象。桂黔此擬果何如。

車至獨山。張君約同下車。至餉捐局。訪王同讓局長。晤談。早餐。即行。時有楊君金谷附車同行。自獨山車行。見兩旁山厓。煤露甚多。知此間產煤甚盛也。獨山之南。有地名鐵坑。獨山之北。有地名黑石關。此皆古時曾開鐵鑛煤鑛之證也。自獨山至都勻。見獨山境內。田疇苦旱。所種罌粟。均枯槁欲死。一入都勻之境。則田疇皆水。已見綠秧。簇簇到處。皆然。豈天厭罌粟爲害人之物。故欲枯槁之耶。都勻雨水。都能調勻。豈因罌粟種者較少。故耶。

途中書所見

獨山苦旱。將三月。太息田疇滴水無。豈是天公厭罌粟。故教枝葉已全枯。都勻一邑陰晴順。雨水都教調。且勻百里民情有同異。如何毋負宰官身。

過都勻後。見山坡之罌粟。花開正盛。以白色者爲多。以水紅花瓣者爲次。以黑色花瓣者爲最少。遠望之。千百株白罌粟。中有黑罌粟。兩株花瓣爲風吹動。彷彿蝴蝶飛於花間。得詩一首。

一片白痕疑雪映。數枝絳色襯霞烘。偶然雙影黑蝴蝶。遙見飛翔陌隴中。

過馬家坪。因思今日在王同讓局中早餐時。有一菜曰龍爪菜。以之對馬家坪。未嘗不可也。得句云『貴種初嘗龍爪菜。苦行纔過馬家坪』。又思及廣西葶薺名馬蹄。又得句云『南黔鹹菜嘗龍爪。西粵葶薺名馬蹄』。

午後六時抵貴陽。先至省政府招待所。因來賓有人滿之患。遂由張君蘊良同至中華路松記商號。介紹甘陳兩君處。可以暫寓。甘君希文。名嘉彬。省政府參議。爲甘代表煥章之兄。陳君錦階。均張君至友。即同晚餐。張君他往。甘陳二君設余榻於廂室。同室者有潘保如。李立軒兩君。均柳州籍。在此經商。來黔僅二十餘天耳。余將榻位按置妥貼。不禁有感行旅之艱困。而感此次與張君結伴來貴陽之便利。

而得安居行旅之所也。得詩一首，以贈張君蘊良云。

驅車五百卅餘里。屈指晨昏十一時。轅下不嫌駒影促。黔南足感燕巢思。客中片席已安暖。意外高談恨見遲。問俗還應承教處。充吾知橐佐新詞。

今日車行。所過大山凡五。均可與成都鴉雀口相似。余詢張君。知一爲江西坡。二爲石門檻。三爲沿山堡。四爲觀音山。五爲鬪雲關。所過要地。有甕城橋。爲居民叢集之地。所過古蹟。與名勝。有牟尼峯。牟尼洞。牟尼殿。車行山上。俯視谷中。崇樓弘宇。綠樹叢林。掩映在山下。舊時大路。風景亦佳。所過城邑。則以獨山較爲繁盛。貴定。斗大荒城。人民殊覺瘠陋。龍里稍佳。一過五里橋。卽繁盛之貴陽街市。在目前矣。惟尙有岡嶺耳。街車由南而西。入西門。則見市繁人喧矣。

第二章 貴陽

貴州八十一縣分縣三。今尙未實行分治。故八十四縣之名。仍虛設。而行政區域。仍照八十一縣分治之。貴陽地處全省適中之區。分東南西北四路。東路通湖南。西路通雲南。北路通四川。南路通廣西。余去年在重慶時。本擬由重慶至松坎。須七日。自松坎至桐梓三日。自桐梓至遵義。而貴陽須三日。共須十四日。今余自柳州至貴陽。汽車五日始到。余既到貴陽。寓松記旅棧。室小地窄。幸與潘李二君同室。談話頗不寂寞。又以前夕在南寨。未能多睡。故卽早眠。

十六日晨起。大雨如注。自向櫥房取水盥漱畢。卽補記日記。李君聞余起。卽曰盍再睡。余曰時已八時。李君曰貴省習俗。晚睡晚起。夜必十二時。早且九十時也。余詢以故。則曰吸煙之人多。故如是。余詢以學校及行政方面如何。李君曰學校則八時至十時。爲上午受課時。十時至十二時。爲早餐及休息之時。一時至五時。則上課時也。至於行政官廳。爲課員九時。到機關辦事者少。至早亦須早飯後十時起。是亦習俗使然歟。

九時早餐甫畢。商務書館經理張君士美來談。知張君前任遼陽商務分館經理有年。今來貴州。亦二年餘矣。談次。邀余移往店中。謝之。

同往商務書館。坐談久之。即同往復旦女學參觀所得如左。

私立復旦女學。徐孟起校長。經費省款補助。每年一千八百元。收學費。高級年七元。初級年五元。幼稚年三元。不敷。由校董私人擔任。蓋此校在民國三年開辦。由模範小學同人發起。集款籌設。繼而以私人之力有限。即向公家請補助。今則勉強支持。補助款尙不能照數領到。教員十四人。學生四百四十人。教科高級注重文言。高二文言課本。校長自編。學校以經費不敷。故設備方面。圖書儀器標本等。均感缺乏。訓育方面。注重家事上之裁縫烹飪等事。徐校長導觀一周。見劉教員教初四公民。蔡教員教初三乙書法。周教員教高二算術。指名板演。尹教員教高一甲算術。張教員教高一乙圖畫。臨摹荷花。先鈎輪廓。楊教員教初三甲算術。韓教員教初四甲國語。令學生抄烏賊和海參解釋之表。彭教員教初一衛生。吳教員教初二公民。熊女士在幼稚班談話。共歷十教室。覺彭女士教衛生最有精神。問答及教授。均能引起學生興趣。熊女士亦有精采。惟兒童年齡不齊。深難得全體有反應之感耳。

午後一時。偕張君士美。同往貴州教育廳。晤譚星閣廳長。談悉貴州全省教育行政概況。並晤秘書劉陳二君。第一科長李稚麟。第三科代第二科長彭明志。余與二君。問答各項彙誌如左。

一貴州教育廳之組織。秘書三人。科長三人。督學四人。科員二十人。辦事員十五人。書記九人。全體共五十四人。附設教育經費保管委員會。

一貴州教育廳之行政。經費每月二千七百元。年共三萬二千四百元。

一教育經費保管委員會之組織。委員十一人。秘書一人。會計一人。幹事四人。書記二人。

一貴州省教育經費之來源及支出數。以全省屠宰稅。每年三十餘萬元。為教育經費之專款。支出之數。即以此三十餘萬元支配之。

一省立學校。中學四校。師範一校。小學一校。均由省費支辦。外縣有數縣聯合辦理之公立中學七校。其原有款為各縣聯合籌定。其不敷之款。由省經費項下補助之。每年每班補助二百元。每校以五班為標準。其有班次過五班者。呈報核定後。照例增補之。惟鎮遠第

八中學。有特別情形。補助六千元。

一貴州地方教育概況。以全省八十一縣而言。小學最爲發達地方。以遵義爲第一。全邑小學有二百四十餘校。其次則安順、都勻、貴平、甕安、畢節、五縣。小學均在二百三十校至一百七十八校。關嶺、新義、兩縣。小學亦均有百校左右。獨山、全邑。小學亦在八十校以上。其餘各縣。地方小學。多者五六十校。少者一二十學校。蓋自去年軍事發生後。各種事業及計畫。均受其影響。不能實現。且因之而停頓。

一各省校教職員月薪之規定。中學校長一百元。高中教員授課一小時一元二角。初中教員授課一小時九角。此爲規定之數。實際無論教職員大小。一律以六折發給。完全小學十二班。經費一千四百元。

一留學生之經費及人數。留學經費。分國內國外兩種。國內額定六十人。每人每年二百元。國外額定二人。每人每年一千元。爲津貼費。現今新爲修改留學歐美各國者。每人每年津貼二千元。留學日本者。每人每年津貼七百元。留學國內各省者。今亦改爲四百元矣。一社會教育方面。關於省立之圖書館、民教館等。去年曾有計畫。規定驗契稅附加。擬先辦圖書館一所。以原有之桂山書院舊書爲基礎。再添購科學書若干。以爲之倡。乃年餘未能辦成。因附加稅未能辦理妥當。致徵收無從着手。至於各縣之社教方面。有已成立之圖書館。僅有安順、遵義、桐梓、數縣耳。其餘各縣。有中學所在者。各設夜校一所。普通有閱報所。及設夜校者。尙不少。而教育廳有藏書樓。一蓋保存書院舊籍。以備他日省立圖書館用。總之社教經費無着。故各種關於社教之事業。不易籌辦。

自教育廳出。即往螺螄山游。山在西門外二里許。爲貴陽八景之一。爲游人最多之地。山曷爲以螺螄名。遠望之。其山尖如螺螄然。故名。按古名扶風山。有扶風寺。東有王陽明先生祠。蓋昔日陽明先生創建書院。講學讀書於此。故後人立祠祀之。余偕張君士美。登扶風山。入扶風寺。折而右。有尹道真先生祠。額曰「學開南服」。聯云。「傳志徵范常。爵里姓名幾有述。圖經討論許。師生授受永相承。」北江洪亮吉篆書「德兼教養」四字之額。中設尹先生神位。左右配饗。有洪稚存、黎簡堂、黎純齋、田西農、莫子愚、孫淮海、艾鳳巖、申天錫、諸先生。

神位。饗堂之前有一樓。三面凌空。廊寬欄濶。徙倚遠望。貴陽城垣。市廛居戶。無不羅列當前。風景亦殊可觀也。

按尹道真名珍。梓柯人。少從許慎。應奉受經書圖緯。學成。還鄉里教授。南城知學。自珍始。申天錫名祐。婺川人。父爲虎鬪。祐持挺擊之。得免。正統中。以舉人入國學。率諸生救祭酒李時勉。旋登進士。拜四川監察御史。以謇諤聞。死。土木之難。其餘如洪稚存。黎純齋。兩人之歷史。吾人皆知之。孫淮海。艾鳳巖。諸人待考。

倚欄東望。有一塔高聳。張君指塔告余曰。此華氏閭渠問春。昆仲之大覺精舍也。塔爲藏經閣。蓋貴陽首富。推華氏。而信仰釋氏之學。尤爲難得。時夕陽在山。晚風徐來。小憩樓頭。頗清塵俗。謁陽明先生祠。額曰。性本善。曰。左宮化俗。與北江篆書。西有惜字院。亦北江書。東入陽明先生饗堂。塑像巍然。令人起敬。堂前有唐炯撰重修王陽明先生祠記。碑陰有羅文彬記。廊壁有陽明先生正德乙卯冬日墨跡。及明清兩代名人題詠。讀袁簡齋詩。此係出于無錫。典史王裕猷之珍藏。余依次閱之。得吾錫鄉先哲秦小峴先生之題陽明像詩七律一首。云。『宗臣遺像鬢毛蒼。公已騎龍去帝鄉。慷慨誓師傳贛水。艱貞得力憶龍場。制科八代勳名在。學術千秋謗詔張。莫道蚍蜉能撼樹。斯文日月耀光芒。』欸。署嘉慶二年十一月。無錫秦灝拜題。時有拓碑者。余即囑其拓陽明先生手跡十二石及遺像。並小峴先生之題詠等。而偕張君下山。過一庭階。見一石刻。爲建壽亭侯之詩竹及銅印。此石刻余已見四處。一爲北京正陽門關廟。一爲陝西碑林。一爲常州關廟。聞碑林中損毀。此間一石亦可貴。故亦囑拓碑者。爲余拓一紙也。

既歸晚餐後。張君士美導余往訪無錫同鄉錢君菊侶寓。晤談。知錢君原居石塘灣。繼居上海。任職新疆郵局。有年。今來貴州郵局。亦已三年矣。錢夫人沈氏晤談。知爲濟陽女學蔡生琪卿之門下。少時曾來競志觀開游藝會多次。夙知余之名。故出見之。談次。余以時晚。即偕張君別錢君伉儷而行。是日得謁陽明先生祠詩一首。用小峴先生韻。

扶風山寺暮煙蒼。慨我塵踪客異鄉。祠宇千秋心外影。荒原萬里戰場閒。居小像真珉貴。先哲遺詩古壁張。借問當年賢典史。胡爲留此益增芒。

十七日晨偕張君士美持貴州教育廳紹介各校參觀函往各校參觀所得分述如左。

私立志道小學校長賈功臺經費基金一千兩。息金一千元。省款補助一千七百元。其他則學費約收一千餘元。共四千元。教職員四十二人。學生六百二十人。參觀蕭教員授高二英文。賀教員上初三乙算術。指名板演。車教員上初三甲國語。揚教員上高一英文。華教員上初一算術。李教員征帆上初二甲國語。李教員馨述上初四甲珠算。學生口唱歌訣。指撥算盤。師生均見精神。與賈校長談。知學生課外作業及體育練習球類。課外日記筆記均為認真。訓育方面頗注重賞罰。罰之方面分十餘種。而有罰寫字。工兩手上舉。臂繞紅帶。圍戴紅帽子等。竊謂寧使個人談話作積極之指導。不必多事。項目作消極之懲罰。此校校舍寬敞。設備敷用。佈置整潔。管理嚴密。在貴州小學中可稱佳校。

省立遺族學校及私立樂羣女學合辦一校。校長賓覺蒼不在校。晤蔣教務主任。夏訓育主任。畧談。即參觀各教室上課一周。此校經費基金有田一千餘畝。約值三千元。收租米可值五百元左右。省款八千元。黨部補助一千元。教育會補助三百元。學費除遺族學生不收外。高級收每人六元。初級收每人四元。每年共收一萬二千餘元。支出相抵。教職員四十人。學生中學部一百二十餘人。小學部二百二十人。男女兼收。初中一、男女分教室。初中二、及三、男女合教室。而坐次分行。此校性質似私立學校。而受公家補助者。非省立之校也。蓋遺族學生與收費生均混合編制者。並不以遺族學生另為分班也。

私立導文中學校。校長江佩逸。未晤。晤楊意春教務主任。及嚴訓育主任。導觀一周。知經費年支一萬六千元。基金十萬元。息金月四百元。房租三百元。省補助款二千四百元。學費約收六千元。教職員薪占全費百分之七十五。學生三百人。寄宿三十人。見趙教員少齋。教初中二英文。張教員教初中一國文。講王思任小洋。解晰明白。徐教員孟涵教初中三甲物理。顯微鏡之構造法。胡教員向秉教高一地理。運河之水勢。令學生詳閱地圖。並說明一切。徐教員教初小四年國語。余教育教初二算術。劉教員教初一國語。課外活動。組織市政。府。學生自治會。體育注重軍訓。頗見整齊。宿舍亦整潔。想見訓育之佳。每星期有課外游藝練習等。圖書儀器。聞均尙敷用。此校辦理均

覽合度。

是日楊嚴兩主任。邀余對學生演講。余即以惜秒陰耐萬苦六字。分晰勉勵之。約十五分鐘。即在校中午餐。餐後即行。

縣立中學校。校長周夢淹。長於國文英文。研究教育。均有心得。與余談話甚久。論文法之不易教。將自編之國文精句公式視余。觀其內容。1. 基本公式。2. 論辨公式。3. 因果公式。4. 反面公式。5. 比擬公式。6. 陪襯公式。7. 推拓公式。8. 特別敘述公式。頗有見地。惜尙未出版。此校經費一萬七千餘元。教職員三十四人。學生四百二十五人。見王校長上初中二英文法。許教員肇龍上初中一國文法。講文字源流之象形例。車教員小舟教高中二化學。試驗硫酸鋅之製氫法。黃教員教高中一算術。魏教員教初中一英文。以王校長及許重兩教員。教授均有精神。

偕張君士美游黔靈山。出城西門三里許。至寶蓮寺。由山麓繞行約二千五百四十二步。即至山之半。有摩崖曰第一山。又有黔靈二大字。有碑記赤松祖師在清初康熙間開山建廟之史。再上登石級百餘層。有一亭曰洗鉢池。又數十步。有一亭曰齋亭。蓋竅有玲瓏之孔。三四以口吹之。可得如海鉢之鳴。鳴聲。又上數十步。有一亭。旁有一大佛字。一大虎字。約丈餘。筆力之勁。無出其右者。再上有厓上題疊翠二字。更上百餘步。即黔靈寺至矣。共計登石級六百五十四級。入寺則游人甚多。蓋舊俗四月八日。為香火最盛之時。將至故游人皆飲食。憩息於寺中各室者。幾有人滿之患。而煙室之大書特書。亦見其盛。上下一周。遇海寧張君漁濱。貴陽劉君越。凡為文通書局圖書部主任。與張君夙相識。堅留餐。允之。畧談。餐後。即同下山。竊思黔靈之勝。在樹木多。而道路盤旋。隨地可休憩。於綠樹陰下。隨時可坐石欄。以觀山景。可為幽靜之地。然以游人過多。幽靜者變為喧譁熱鬧之場。未免減人清興。且飲食小攤。及游客之猜拳行令。婦女之燒香拜佛。種種俗事。不免污濁此靈山矣。余得詩三首。

四圍樹色濃蔭護。一徑苔痕石級滋。太息靈山幽靜處。俗塵幾許擾吟思。為問黔靈靈若何。眼前其奈俗人多。窳亭吹透玲瓏竅。猿鶴能無四面羅。

夕陽紅認屐痕歸。人影依稀下翠微。回首雲程高百尺。低徊竹翠欲霏衣。

余偕張君等下山入城分路返寓。途中見苗孺婦女爲人家服務作苦工者。其狀貌與漢族同。皮膚較黑。帽式不同。有高者方者尖者。其色尙白。

十八日晨偕李君叔翁同出次南門。往省立師範學校參觀。校址寬敞。有樓臨南明江。二水合流。過樓下。風景甚佳。二水者一爲水磨河。自三橋洞下流而至次南門外。與南明江合。時方雨後。水流甚急也。校長陳濟周名德溥。前留日學習地質學者。晤談久之。道觀校內一間。並留余與李君早餐。所見校中概況如左。

省師教職員七十餘人。學生六班九百七十餘人。附小學生三百六十餘人。經費每月四千七百元。學費不收。四年級以上學生。膳費由校供給。訓育主任趙毓祥。學生有自治會。級會刊物體育研究。各有教員指導。圖書館書籍四千餘冊。學生閱書興趣。以文學類較多。次則自然科學及社會科學。校舍爲三種祠廟合成。一爲雪涯寺。有雪涯洞。天然山石所成之岩洞。洞口石刻有雪涯秋柳四隸書。魄力甚勁。由石洞入。有造象大小十餘尊。蓋昔日寺廟所留遺者。一爲丁文誠公書植祠。丁公昔任山東巡撫時。余先祖正官游山左。余幼時曾聞丁公政績甚多。其最傳烈烈轟轟者。卽誅安得海太監事。蓋丁公爲清代最有名譽之強項疆臣也。丁公爲貴省平遠人。字稚璜。此間建專祠。宜也。祠雖爲學校用。神主饗堂均在。一爲某廟。合三種房屋。而爲校舍。故甚寬敞也。

餐後與陳校長談貴陽鑛產。余告以自獨山過都勻。見山厓有煤及鐵鑛。陳君謂貴州南部鐵鑛及貴陽泡木冲石油鑛狀況。特據地質調查者之略況如左。

- 一、橋子山煤層。夾於黃色頁岩或沙質頁岩之間。煤層全部則位於蕉葉介層之下。(安順)
- 二、威寧之赤銅。水城之黑鉛。卽岱之雄精。安南之生銻。據地質調查者謂規模狹小。藏量不豐。惟煤則蘊藏甚富。分佈甚廣。
- 三、煤田如青山坳之煤質甚佳。在貴陽西北六十里。清鎮城北十五里。位子二疊紀淺黃色泥質及岩層之下。

四、郎岱縣之黑那扎煤田。約占二十餘里。質佳而量廣。

五、募役至永寧。有一斜長谷。長八十餘里。煤多而質平常。

六、大定煤田。有三十餘處。產量亦多。

此外水城貴陽黔西等處。無不產煤。倘加以詳確之考查。定多所發現也。

七、水城萬佛廠銀鑛。昔曾大為開採。今尚有四洞可見。此外尚有觀音山、白馬洞、二處。傳聞銀質及產量。均可有甚大之希望。

八、觀音山之鐵鑛。為深褐色之赤鐵鑛。質尚純粹。鑛脈夾于深灰色。而富于白色方解石脈之石灰岩中。鑛層頗厚。約二十英尺。

九、雄黃。以產于郎岱者為最佳。其橙紅色而半透明者。曰雄精。略具淺黃色而不透明者。曰雄黃。雄精即鷄冠石。或稱雌黃。但此二脈中。

雄黃產量甚多。郎岱有雄黃鑛洞六處。今已停採。因雄黃價值。近年上海低落故也。

十、石綿。產於水城歸集河。色白而微黃。質極柔軟。大塊者有長數尺之徑。惟地頗偏僻。盜匪出沒。往採不易。

十一、燧石。自都勻至黔桂交界之南寨。除小片蟒山石英岩外。幾全為燧石石灰岩之領域。其特徵為顏色之深。軟度之高。與包含黑色。

燧石結核之豐富為最顯著。其外面或為風化岩。岩面非常粗糙。而內含燧石結核。有呈球形者。有呈片狀者。有不規則之形式者。均非常發達。

十二、煤油。夾於貴陽龍里間之泡木冲。其油田為浸油之地層。夾於此薄層之石灰岩中。在浸油地層之上部。發見海產化石多種。但以。

其地層緊接于二疊紀上部之地層。必不出三疊紀之範圍也。自貴南圖雲關起。經龍里。以貴定之馬桑冲。其間仍為二疊紀之煤系。

與此薄層狀石灰岩所佔有。貴定南行。始漸絕跡。

地層之順序。分為五層。一、灰色緻密之薄層狀石灰岩。二、下晶洞層。三、薄層狀石灰岩。四、上品洞層。五、薄層狀石灰岩。現在早有黔隆。

煤油廠。在下晶洞層。發露煤油之處。用鑿井機。仿照四川自流井打井辦法。試打井共深七十餘尺。蓋無人不知泡木冲之煤油。將來。

之希望甚大也。

省立初級中學校。校長唐寅初。教務趙作孚。此校昔曾辦過大學。不久即停。今爲中學。與趙君談。知高中普通班六班。農工商各一班。學生共五百餘人。教職員七十餘人。經費每年三萬六千元。教薪占百分之七十五。參觀高中一薛教員物理。高中一甲趙教員代數。初中三魏教員英文。初中一甲趙教員英文。商業班徐教員簿記。農業班冷教員氣象學。講解詳明。最有精神。儀器標本甚多。

私立時敏小學。校長徐紹彝。教務戴質欽。訓育潘之正。基金一萬兩。省府補助一千二百元。參觀初小一年沈教員授生字。呼唱筆順。初二年王教員講作文教科書作問答語。高一涂教員教地理。講江西磁器。初三程教員教國語。高二何教員教自然。學生在教室內之秩序甚佳。

私立達德中學。校長周杏村。導觀校內一切。談悉基金一萬兩。省款補助四千元。省教育會二千元。全校教職員百餘人。學生男中三百人。女中一百四十人。男小學四百人。女小學三百人。共一千二百人。自光緒三十年創辦。迄今爲第三十一年。校舍合南靈雲廟。先賢殿。漢相蕭曹祠。及添置鄰近地址。增建屋宇而成之者。參觀女初中三王教員教化學。試驗硼酸入火焰變色。女初中二莫教員教英文。男初中三上美術課。謝教員教繪蘆雁。授用筆方法。初小一方教員教算術。初小二三年級複式。喻教員教工藝。初小二賀教員教國語。女初中一楊教員教衛生。高小二年黃教員教地理。女初小三周教員教社會。初小三趙教員教國語。高小一年吳教員教國語等。圖書儀器雖不多。然勉強尙可敷用。

既而返寓。有同鄉包君汝賢。蘇州人。原籍南通。及甯波范君子翼。廬君仁之。約江陰同鄉奚君迪鏞。邀余晚餐。而周杏村、陳惕若、謝仲謀、曾俊侯四君來。亦邀余晚餐者。張君士美。即約合作。不必另定時日矣。於是即往某照相館攝影一幀。題曰黔陽萍聚。加入徐君紹彝。共十人。同往某餐館晚餐。是晚高談縱酒。逸興豪情。客中得此殊足以暢萍聚之踪也。餐後曾君邀往復新書局談話。休憩久之而返。十九日晨。張君曾君等來談。早餐後。李君叔畬陪余參觀學校。

省立女子中學。校長陳壽軒。教務賀壽萱。兼訓育。教員五十二人。學生四百人。經費每年一萬四千四百元。教薪占百分之八十。參觀各教室。見初中一乙王教員教英文。初二甲劉教員教英文。初二乙薛教員教代數。初三乙曾教員訓武教國文。姚館登泰山記。解晰分明。一字不苟。初三甲羅教員教英文。初三王教員孔之講鑛物。解釋詳明。參觀宿舍。由周叔堅女訓育員。導觀一周。宿舍寢室。整齊清潔。此爲女學中之特見者。學生課外作業。注重體育。球類及拳術。余在校午餐。見食堂學生肅靜無譁。始終師生全體未發一言。此爲特優。可想見此校訓育之佳。與周叔堅王映秋兩女教員。談女子教員之特殊。應添家事課。烹飪裁縫。尤不可缺。陳校長以爲然。

省立女子師範學校。校長車筱舟。教職員七十人。經費年七萬元。學生七百五十人。寄宿者百餘人。學費不收。四年級以上之膳。由校供給。參觀車校長授六年級化學。講礦及化合物。五年級徐教員授高等代數。三年甲蕭教員教外國地理。講暹羅。四年甲王教員講鹽。三年乙劉教員教代數。附小學設主事。學生五百餘人。教室七。

私立毅成中學。校長聶膺。教員三十一人。學生男女兩部。男生二百六十八人。女生八十餘人。此校爲貴陽熱心同志黃國楨、李叔元、華閻渠、楊紹馨、劉越凡等二十八人發起。爲同人捐助基金一萬元。其間華閻渠捐款最多。校舍借浙江會館。爲男中部。趙剛節公祠。爲女中部。見女中二年級葉教員上歷史課。講金宋第二次之戰敗。女中一年級高教員上公民課。講學校教育與家庭教育之關係。以時間匆促。不及往男中部參觀。僅與訓育楊紹馨談次。即行。並詢貴陽地方教育情形。蓋楊君爲貴陽教育局局長也。

貴陽縣初等教育。分爲九區。公私立小學七十八校。教職員七百九十九人。學生三千七百三十七人。經費。公私立學校年支八萬九千二百七十三元。此爲楊君所言者。

省立第一中學。校長黃國楨。高中七班二百十餘人。初中四班二百餘人。經費每月二千七百元。學費每人每年收十元。共收二千四百元。教職員薪占全費百分之八十五。是日星期六。午後僅見高中二年級化學羅幼梅教授。講之製法。寄宿舍、操場、圖書室、儀器標本室、辦公室等。導觀一周而出。

私立正誼學校。校長陳應福。此校中學部三班、二百四十人。小學部十班、六百十餘人。女學部七班、三百三十餘人。經費、有基金一千元。息金房租二百元。學費、共收萬元零。學科、英文、數學、每科增加三小時。體育、減少二小時。其他工藝、減少一小時。訓育方面、有自治會。級會。個人訓練。團體訓練。總之以人格感化。以自動自覺自治爲本。位訓育員、負指導督察之責。

余來貴陽四日半。所觀學校共十三校。在經費方面、雖覺困乏。致圖書儀器、均不得充實內容。然校長兼他校之課。教員、鐘點散漫。一人而兼五六校之課。一校而有五六十教員。至七八十教員。亦有一人而僅二三小時之課者。專任辦法、殊少見也。

是晚、曾君來、贈我達德校刊全份。及殘廢軍人教養院工藝品衣架一個。余亦還贈達德與曾君周君以游記數冊。繼而又借莫君仲瑩來談汽車事。莫君以後晨定有汽車開往獨山。且允送余至六寨也。余頗感之。蓋莫君爲聯運處處長故也。少頃、曾君又談殘廢軍人教養院概況。述之如左。

殘廢軍人教養院、創辦自去年九月。成立在本年一月。經費自省政府負責。每月定籌六千元。殘廢軍人共一千一百人。地方分設四處。數養主任、自完全管理責任。曾君即主持此事者。下設四股。一工藝、二牧畜、三墾殖、四漁業。各有股長負責。（退伍軍人任此）並請專門技師教導之。工藝股、分紡織、縫紉、木工、漆工、印刷、製革、牧畜股、分養豬、養羊、養雞、墾殖股、分墾荒、種植、園藝、漁業股、分漁撈、養殖。在數月之間、已略有成效者。木工、漆工、紡織、縫紉各有出品。墾殖方面、則清理公荒、種植桃梨杉槐等一萬餘株。牧畜方面、尙未着手。漁業方面、正在進行。已有養殖池一處。培養漁秧。現因經費須籌基金。故由政府設有籌劃基金委員會。以策進行。辦事方面、設事務科。對外設有教養院。院長莫仲瑩任之。此事在收束退伍軍人之殘廢者、及振興實業發展地方。並人工事業上、均有甚佳之影響。

二十日、同鄉錢君菊侶來談、約晚餐。劉君越凡來談。言及貴陽金融。所述如左。

貴陽幣制、以銀圓通用全省爲原則。但紙幣性質分三種。一貴州銀行發行者。有五角五元兩種。均可兌現。一貴州省政府發行存款券。一元十元及一二角之輔幣。總數一百萬元。一改革存款券。二十萬元。由貴陽工商業各幫担保。（此二十萬即在百萬中提出由商

會蓋章担保照銀圓通行市面)

余前日在省高中得貴陽礦物數種。蓋貴陽鑛產甚多。此校昔曾辦貴陽大學。所以採集本省標本甚多。計所得五種。一、銕。產水城白馬洞。二、銀鑛。產水城。三、硫酸銅鑛。產黔西。四、黃鐵鑛。產平越。五、銅鑛。產黔西。

張君劉君同往訪任可澄先生談話。一詢貴州省志已編纂否。其體例如何。一貴州歷史文化古今有關係之事實。能見示一二否。任先生爲貴省耆老中第一流人物。昔任省長及代教育部長。今纂貴州通志若干年。爲一省之望。鄉評不偏不倚。彈心著作。今日晤談。答余所問。則謂一貴州通志。在本年可以編纂完成。其體例則對於前清並不著譽辭。在官文書中所證引者。則照抄。在編者口氣。當然不著頌辭。對於洪楊事實。則稱太平軍。所採事實。均秉筆直書。其年代則至宣統三年爲止。至於黔省掌故。則有黔南叢書一部。當即奉贈。關於文化著作。可以檢查一切也。又談及貴州省立圖書館事。知民十年前後曾籌備之。近經省政屢變。書籍四散。擬通志編纂告成後。即當着手進行圖書館事也。張君他往。余偕劉君參觀文通書局印刷部等。知貴陽有兩印刷廠。此廠規模較大。爲華君問渠問村昆仲出資所辦者。參觀約述如左。

經理唐君雲章。導觀各部工作。一、組織。鉛印部分。電鍍鑄字部。檢排部。印刷部。裝訂部。共四部。裝訂再分書東部。裱背部。二、職員。經理二人。部主任四人。副主任四人。三、工人。男女一百八十八人。四、職工薪資。最高百元。最低三元。五、機器。大者八架。小者四架。又至文通書局觀石印機。因前年遇火。故將印刷部搬往。頃間所見之地點。石印一部份。仍在局中工作。

是日登大覺經社之藏經閣。開窗四望。羣峰環繞。風景殊佳。此塔爲華氏所建。曾耗去金錢數萬元。蓋華君之父。好研究佛學。故建此塔。余登塔四望。得詩一首。

一塔凌霄九三級。窗櫺八面景宏開。四山環抱舒胸臆。蒼翠樸眉風暗催。

在張君漁濱寓。午餐。是日爲劉張兩君之東道。座有陳君如浩。亦江蘇同鄉也。爲嘉定人。在貴陽無線電臺。任工程師。餐後。同往無線電

臺參觀。其地爲一古廟。後改爲陳公祠。庭有明槐一株。高十餘丈。下有一石。大書明槐二字。相傳有槐神。愚民香火甚盛。陳君來此。始以香火等迷信物盡去之。僅留明槐二字之碑。以爲保存古蹟云。余採槐葉一小枝。以作特殊之紀念標本。

是晚至錢君菊侶寓中。晚餐。錢君爲余與張范奚諸君攝影三張。錢夫人沈氏。親自入廚炊煮肴饌。味均可口。十時。返商務書館。先有諸客在館候之。謝君仲謀。贈余貴州特產龍爪菜。刺梨。實物畫標本二斗方。按龍爪菜。卽貴陽之薇。刺梨。一種有刺之梨。均可食者。

余爲徐張曾陳盧范包張錢劉華奚諸君指畫竹石。並題句。擇可留者。摘數首於左。
八千里外遇同鄉。下榻涼生話夕陽。寺訪扶風蒼翠裏。一竿指墨寫昏黃。爲張士美畫竹題

一拳石。苔痕古。米顛狂。掌堪鼓。爲張士美畫石題

贈我古明槐。報之以墨竹。彫刻有專家。見此應感獨。爲陳君如浩題竹按陳君爲嘉定人。嘉定刻竹爲天下馳名。

三葉兩葉竹。一竿側茅屋。虛心拜吾師。留待他年讀。爲謝君仲謀畫竹題

愧難臻透瘦。勉覺效雄奇。指墨一揮灑。心虛意自隨。爲劉君越凡畫石題

鳳羽風來姿欲舞。龍孫雨後影堪餐。爲范君畫竹題

黔南風雨夜。撥墨興酣時。竹石同揮灑。他年寄遠思。爲劉君越凡題贈

家鄉相去卅餘里。此地贈君兩三枝。聊把指頭蘸殘墨。客中也足寄吟思。爲奚君迪榮畫竹題

老竿直上冲霄去。綠葉微風墮翠時。不是青雲蔽夕照。聊因雨後偶低垂。爲君芳如畫竹題

是夕至十二時。客始散去。余又整理一切。至一時半。始睡。

第二章 由貴省返柳州

二十一日。晨五點鐘起盥漱後。卽行。張君士美送余上車。奚君迪榮亦來送行。待至九時始得車到。莫君仲瑩。爲余寫介紹書至獨山蒙

主任。九時半開車。張奚兩君別去。是日車行。在途中甚爲艱困。蓋連日大雨。山洪暴發。山路冲壞數處。故停頓兩次。客皆下車步行。久之。車始出險。余得詩一首。

夜雨連綿後。山洪暴發時。崖崩石橫阻。車陷客行遲。畚土填溝壑。疊橋折樹枝。艱難齊努力。到處總相宜。

是晚抵獨山汽車分站。蒙主任往貴陽。張君政卿、黃君明軒招待晚餐。爲二君畫竹數紙即睡。

二十二日晨起。爲張黃二君畫石。早餐後。即乘車行。三十五里。至白蠟坳。二十五里。曰黑石關。十里。曰上司。三十五里。曰下司。四十里。曰麻尾。即至南寨。是日在途中所得詩二首。

白蠟坳

驅車卅五里。小憩一村墟。澗水沿山曲。巒雲霽雨餘。崖高撐樹密。屋漏補茅舒。靜裏心無競。笑看岩檜書。

黑石關

地形險惡嶺回環。報道前途黑石關。道阻關牛方。方角車驚逸。馬遠奔。羣峯排列雲。疑濕一澗橫。流水聽潺湲。指點南寨九十里。片時魚尾聳南山。

午至南寨下車。至莫家。晤鳳樓指揮。知蔭三瀑聲等往貴陽。擬偕余同返南寨。並囑張政聲在獨山購紙。備余畫竹之用。少頃。金君自麻尾返。相見甚歡。出蔭三瀑聲和詩及贈詩等。鳳樓並介紹其兄信之先生。晤談。知亦宿學。午餐後。偕信之、鳳樓等同游雙心洞。都君峻鸞、王君鴻廣、孫君寅初。以汽車來遊。莫君等堅留余住南寨。余急欲行。即偕莫都金王諸君同游雙心洞。並攝影。此洞爲南寨山之一奇洞。位莫氏家園之後。昔年軍事倥偬。莫家百餘口。均避居此洞月餘。且鄉村父老子女。以避難於此者數百人。洞深遂曲折。屯糧藏物。可供千餘人之食用。不虞缺乏。余入此洞。中有門戶樓屋。均鎖扁。一一開啓。石室石牀。均堪備用。曲折而北。石路可通。折而西。有鐘石下垂。由燈引至一洞口。已槩塞不能行。牆上半壁。設礮堡雉堞。有砲洞。備守望之用。小洞有數十處。均可儲藏糧食。深濶處。可數十人同時行動。

惟鐘乳石下垂。人行其間。覺黑暗中透光明。大有悟人生。由暗及明之要道。余得詩一首。

游雙心洞四疊南寒夜詠原韻

洞壑幽深夕照西。輝聯棣萼好花齊。雙心石室探竄曲。一線天光聞鳥啼。鐘乳倒懸懼眉壓。佛燈普照警途迷。彌樓雉堞危厓砌。俯仰蒼茫一劍提。

口占和信之先生見贈原韻

前度未曾親咳吐。者番頓覺室中春。吾人離合刹那耳。洞壑探奇最有神。

金君絨玉楊君秀章均有贈詩余口占一首以留別

兩度往還儘唱酬。南寒洞壑最清幽。山多我欲移山去。袖裏歸藏小影收。

晚餐後即乘都王孫三君開來之車。同往六寨。莫金楊諸君。送余上車而去。既抵六寨。都君王君均有詩贈余。即和原韻。

和王君鴻賡

蛇山亭子初相見。獨客西來自柳州。傾蓋縱談深自抑。挑燈彈指爲君描。樓頭誰復知。王粲眼底偏教識。馬周往返六寨旬日裏。新吟惠贈壯吾游。

和都君峻巒

我愧西南未遍游。新知舊雨快相俦。駿才握手超南邑。馮爪印泥別柳州。此夕朶雲欣翮鳳。前宵新霽憶啼鴻。他年鳴盛登龍日。豈獨高歌儘唱酬。

二十三日晨六點鐘盥漱後。即購票行。都君王君送余上車。余口占二十字。以留別都王二君云。
別句縈。霄夢征車趁。曉晴臨歧珍重處。友誼志平生。

昨晚余爲都王二君及康友指畫竹石等時。忽六寨區公所有人來招都君聽電話。少頃都君回。謂金君電話中傳來二詩。送病驥別語也。余聞之欣然。卽五疊前韻一首。

游踪愧我黔南返。整理行裝檢未齊。忽報電鈴傳鶴舞。橫生風趣聽鶯啼。六寨咫尺音堪遞。五疊情懷韻不迷。明日車塵去尤遠。希通魚雁句相提。

車行尙速。九點鐘抵南丹。韋君爲飛候于車站。蓋接王君鴻賡之電話。知余開車尙未早餐。故迎余抵韋君家中。早餐已備。頗感韋君。且感王君也。餐後卽爲指畫竹石各一幀。以爲之謝。

十二點鐘。車至荷池。兩點半鐘。車已抵懷遠。四點二十分。抵慶遠。仍至東門街福泰慶。晤元球、茂青二君。殷勤招待。久之。茂青偕余出東門散步。見宜山縣立中學。校舍在學宮內。地方寬敞。附設軍官眷屬工讀學校。于其中。出外城至河濱。隔河羣峰羅列。茂青指一最高之峯。告余曰。此卽北山也。下有一廟一洞。卽白龍洞也。河流甚急。水中石山橫亘。一望均在河之中間。排列數十里。均若是者。余等沿河行約二里許。卽至北門。遙觀一亭高聳者。知爲宜山第二公園也。余卽往訪周季卿君。未晤。旣返寓。劉君志剛來。邀余往長發隆畫竹石。周季卿君亦返。卽略談。知李卿別字爲鳳笙。原名瑞。卽爲周劉二君畫竹石各二幅。又爲長發隆夥友繪二紙而返。爲元球、茂青二君指畫竹石等共八紙。而楊君茂青、張君元球。約余往安樂酒家晚點。至十一時返寓。卽臥。

二十四日晨起。卽赴汽車站。僅相差一分鐘。車已開行。人亦擁擠。不克上車。不得已而返寓。是日來送余者。周劉張申四君。余以車已開行。祇能重進慶遠城中。而申君留我至民教館休憩。並畫竹石復至福泰慶早膳後。仍往民教館。爲民教館畫竹。並爲畢成畫竹。

十一時。楊君茂青、申君畢成、及袁君鏡清。心階昆仲。偕余同游南山寺。出南門。走南郊七里餘。至一高山。袁君告余曰。此名鶴山。又行里許。山峯三。排列在前。中有洞名龍隱。登石級上約百餘級。卽見南山寺三字。入寺有僧迎客。引至洞口。余等入洞。覺涼甚。且有風。地方寬廣。惟洞頂不高。時須低其頭而行。鐘乳石之結晶者不多。壁有龍隱二字。爲宋宣和間題。款字模糊。不可辨認。小憩久之。卽出。登一樓。

額曰倚欄山愛夕陽時。此樓即夕陽樓也。有詩懸壁。爲林耿化題。尙佳。又有粵南黃尊瑞長歌一首。甚佳。有駢文序一篇。亦工。讀之令人欽佩。余得詩一首。

十里南山奇洞天。邃月幽武襄懷戰績。忠節緬風流。佛貌笑堪掬。僧居默自由。黃梁方一覺。涼爽恰宜秋。（狄武襄駐軍之地。黃忠節衣冠之墓。皆古跡也。）

南山寺七絕二首用林耿化一三原韻

卅載游踪愛看山。南郊十里轉林灣。壁間綽有新詩句。小憩孤眠心自閒。
山作圍屏水作鄉。洞天深邃正斜陽。塵踪一日遲留處。莫負閒拋駒隙光。

歸途爲同游者攝一影。並洞壑全景。返民教館時。已三點鐘矣。往返十六七里。頗覺困倦。遂浴且休息。久之。覺精神恢復。楊君茂青、張君元球。邀同往歡樂酒家晚餐。餐後即在民教館補記三日之日記。畢。孫君索余將游山之五律。用指墨寫留館中。以留記念。

爲民教館畫竹題

雙竿玉立影婆娑。他日干霄十丈多。祇爲時人短。貞操此君氣節壯山河。

附錄王尊瑞南山寺長歌

作官莫作吏。作吏登塲呈白戲。登高莫登樓。登樓便有千歲憂。濕雲凍天夜微雨。招人出郭恣遨遊。蒼厓白石紅樹外。上有古寺巍然留。鮮花麥草路詰屈。寒鴉古木風颼颼。老僧開門向我揖。言有古洞經千劫。同人未入我爭先。一見洞門如見獵。龍隱二字何人錫。宋碑猶誌宣和立。怪石幻作山鬼形。萬朶蓮花裹鳳翼。兩旁佛像衣冠古。禿首低眉如笑我。以火來照曲徑通。更有瓊漿從石墮。呼童烹茶竹裡煎。一時吏隱隨寓可。攜手出洞心悄悄。夕陽樓上開華筵。蘇門賓從盡豪傑。恰有酒中人八仙。元龍湖海氣萬千。南朝何遜來南濱。詞鋒石劍旗鼓喧。以馬喻馬真言銓。鄒侯劍氣觥觥吐。自言殺賊如殺虎。下馬投鞭露布傳。恥與無文絳灌伍。張季官卑才不凡。

考工能把冬官補。林逋善畫鶴與松。髣髴孤山老梅舞。鄭浦兩生最年少。算法九章穿九竅。我有嘉賓鼓瑟琴。敢比庾樓風月好。夕陽在山人影低。倚欄同向洪厓嘯。神州沈陸海揚塵。故鬼新亭徒笑。能解東山絲竹情。女妓蒼生亦懷抱。酒闌月黑夜光來。馬上狂吟歌水調。江山勝蹟古留多。某月某日黃子到。

是晚復爲楊君申君書畫各二幀而臥。余因連日車塵困頓。故早睡。以明日又須早起也。

二十五日晨五點鐘即起。六點鐘乘車。楊君張君袁君均送余至車站。申君則以受軍訓不克來也。豈知車之機關不靈。久之始開行。時已七點多鐘矣。途中所見山與貴不同。因得詩一首。以志黔省之遊。

漫游笑我太匆匆。往返車塵半月中。亦有峰嵐恣攬勝。更多翰墨貯吟筒。鄉賢遺跡手堪拓。友誼高懷感益隆。問俗探風多所諷。黔山不與桂山同。

車過百子坳。車中乘客多驚懼。蓋此地山陡坡高。前日曾覆一車。故客多欲下車者。余則不以爲然。蓋前日余過此。甚安穩耳。既而車行甚遲。上坡甚艱。約三分鐘已過此險。乘客均相慶。十二時抵柳州。

第四章 自柳至邕

余既自貴至柳。仍寓生盛昌書局。晤曾君等。暢談貴州狀況。晚餐後。寫寄家信。並將碑帖書籍等寄錫。補記日記。人頗倦困。即睡。二十六日晨餐後。有航空學校主任蕭君。囑余題辭。余即口占二十八字。爲之書一册。好題名錄之册上。

萬里孤行到柳州。朋儕隨處得相俦。昂頭一笑雲天望。鶴舞鷹旋眺五洲。蕭君留學法比足跡。遍十餘省湘人也。

偕曾君訪柳州縣政府教育科長石君兆芳。談悉柳州地方教育概況如左。

一、教育科組織 科長一人、科員二人、督學三人、書記二人。

二、經費 縣教育費、全邑預算九萬二千五百元。豫備費一千元。教育行政費三千元。

三事業

中學一校。完全小學十四校。模範小學一校。初小一百三十六校。中學每月一千七百元。高級小學每教室五十五元。校長二十五元。教員二十元。初級小學單級二十八元。兩教室四十八元。三教室以上。遞加三元。學費。高級每人每月收三角。初級收二角。作學校辦公費。每月呈報縣府。

四視察

督學三人。每人每學期分區巡視一次。臨時得開視導會議。暑假時得開全邑視導會議。研究教學上一切。又有教學聯合會。商量教育行政事宜。

五分區豫備

柳州一縣。共分四區。每區八鎮。共三十二鎮。每鎮八鄉。每鄉八村。已調查戶口五萬餘家。學齡兒童有十一萬之譜。豫備二十四年度。成立初小四百五十校。逐年推廣。以期達普及之望。

參觀柳州縣立模範小學。校長鄧崇武。教員三十二人。學生分高級、初級、女子三部。每部設主任一人。初級八班。高級六班。女子八班。每班設班主任。其餘教員有專任。有兼任。經費每月一千二百元。見初級部。周教員教二年級國語。石女士教三年級音樂。唱漁翁樂歌。高級部。康教員因某教員告假。代教高二年級乙組。講兒童新趣劇。柯教員教高一年級甲組衛生。講淋把系。解釋詳明。鄧女士教高一年級乙組。算術考試。月考。周教員教高一年自然。講桑葉之繁殖。引證及說明。均見精神。高二年級甲級。在教室自修。尚整齊。女子部以午餐放學。不及參觀。按此校學生初級部五百五十餘人。高級部三百六十人。女子部四百二十人。共一千三百餘人。學生甚多。校舍分三處。教室佈置。高級部頗見整潔。表簿統計。均見工作努力。惟初級部則教室內不盡整潔。且聞擊撲聲。及見有兩生罰跪。在黑板之旁。體罰似應解除為要。

蔡君經濟。借宜與徐君子康。及伍君兆慶等。來談話。少頃。即去。晚餐後。為曾君致誠。蒸雲致華等。指畫竹石五六紙。時有公安局徐耀樞君索書。因口占二十八字。寫一橫幅贈之。

粵西峯嶺連綿處。萬壑千山到眼青。今日偶然識君面。回思孺子尙留亭。以徐君為南昌徐孺子之苗裔。故憶及去年江西之游。

有余君某詢余廣西考察之批評。答以南寧尙未去。更何敢作批語。且參觀者知見有優良之教育。取法之而已。余君詢以見有不優良者如何。答以吾輩所見之校。大抵皆教育機關。及教育同人所指定及紹介者。均優良之校也。其不優良處甚少耳。

二十七日晨五點鐘起。六點鐘過河。至汽車站。搭車赴南寧。車票十四元八角五分。曾君致誠送余至車站。本日爲星期日。故曾君致誠不上朝換。遂得假送余上車。是亦緣法歟。不然。何前兩次赴桂赴貴。均未遇星期日耶。

昨日蔣君維清。因病不克來陪。余指繪墨竹一紙。贈蔣君。留生盛昌。託曾君轉交之。余以廣西鈔票之不敷用也。蕭君自乾。適欲回上海。欲調換上海鈔票。而不易。有余欲兌上海鈔票。而無人要。於是乃與蕭君調換四十元。余給以上海鈔票四十元。兌加三。共換得廣西鈔票五十二元。俾帶南甯龍州之用。

六點鐘開車。曾君別去。車行一百四十里。至大塘。下車早餐。飯用黑罐蒸之一湯一菜兩角半。飯罷。即上車。久之。方開車。行一百四十里。至遷江。渡紅水河。此水上流。經過紅色及紫色之泥沙。故色紅紫。道經北四。有煤礦工廠。所採之煤。爲無烟煤。四十里過上林縣境。渡清水河。四十五里。至賓陽縣三十五里。至太守橋。爲大水所冲斷。是以自高而下。過一浮橋。再自卑而升。始達平地。而過此危險之境。行七十五里。至八塘。已入邕境。過蘆墟。六十里爲三塘。八十里抵南寧。合計六百十五里。

第五章 南寧

余既抵南寧。即先至廣西教育廳。訪雷賓南廳長。是日爲星期日。晤何簡章秘書。略談。雷廳長來。即晤談。所以遲至今日到此之由。雷廳長謂今日適有一小宴會。可同往晚餐。並可紹介學界多人。因同往水閣門外。晚餐。主人爲黃君。雷廳長之親戚也。同席有總部章秘書。第五小學黃校長榜俊等。既而雷廳長得電話。因總部開會先行。飯罷。黃君承雷廳長之託。送余至中山酒店第七號室。略談而去。何秘書既派人將余行李送來。少頃黃君又來談話。知此間學校可觀者約十校。社教機關可觀者。即圖書館民教館兩處。九時黃君去。余稍事整理。即補記日記。

南寧爲市。邕寧爲縣。省立學校有一高中。一初中。三女中。縣立學校有縣中。模小。縣鄉師。縣幼稚。區立學校有第五小學等。豫計三日可以參觀完畢。

二十八日晨起。略食點心。卽往廣西教育廳。晤第三科長張君家瑤。談悉廳中組織。分四科。第一科由秘書處兼任。第二科主管中等教育以上之學校。第三科主管特殊學校（苗獠教育）。社會教育。職業教育。民團補習班（另編國民基礎教育課本凡一千二百字三月畢業）。第四科主管地方教育及教育行政事宜。今廣西省政府組織同署辦公後。三廳秘書組織一總務處。教廳三秘書核稿者。二在廳長室者。一至於苗獠教育。刻正調查。令各縣詳細調查報廳。由苗獠教育委員會審核計畫。然後實施。現在注重在苗獠生活方面。以開墾農林爲先。同時教育方面有漢人主持之。此中有一段歷史。可錄於下。

民國十七年時。有黃雲龍者。入獠山爲政治工作。久之。與獠人熟審。且與獠王之女發生戀愛。因入贅爲婿。獠王李榮寶頗信任之。所以二十二年。獠王出山游歷。曾來柳州南寧。雲龍夫婦亦同來。故今委獠王李榮寶爲區長。辦理農墾事宜。獠王欣然受任。省政府組織苗獠教育委員會。研究苗獠教育實施辦法。逐步努力。可望實行。計苗獠生長住居之所。共有四十八縣。現分三區。一興安。全州。灌縣。三江等縣。爲北區。區長卽獠王李榮寶。先從六萬大山。辦理開墾事宜。二桂林。蒙山。武定。修寧。荔浦等縣。爲東區。三西林。西隆。鎮遠。凌雲等縣。爲西北區。此區爲苗人最多之地。苗人性最悍猛。人口多而不易治。前年四月發生之亂事。亦因爲共黨所誘惑。雖一月卽奠定。然可知此區苗民之不易馴伏也。

如皋李君邦權。廳長室之科員。略談。雷廳長來。謂下午一時。派專科視察員郭君思愚來。陪余參觀學校。余將鈕惕生先生之介紹函。及余之寰球旅行記。先請雷廳長轉送黃主席閱之。明晨當再來訪晤也。

返寓。午膳甫畢。郭君思愚來。乃同出西門。往高中參觀。

省立第一高中學校。校長雷榮柯。秘書熊懷若。軍訓大隊長鄭清淮。晤熊鄭二君。知此校經費。每月三千三百元。軍訓費一千七百元。年

共六萬元之譜。經常費由省教育經費中支。軍訓費由軍費中支。全省高中支數均同。教職員全體二十二人。學生師範兩班。普中五班。二百五十二人。內有女生十七人。實小一班五十人。俟師範兩班畢業後。實小即不招生矣。全體教職員薪占全費百分之八十五。餘爲辦公費。圖書館藏書一萬餘冊。閱書之興趣。偏重于文學小說方面。每月總計文學百分之六十七。八。其次則自然科學。社宗科學之書。觀第二年級任教員歷史。講民國史。奉系勢力之擴張。第三年級林教員化學。講氯化鈣及磷酸鈣。師範三年級黃教員教授應用美術。第二年級劉教員在生物解剖室中。教學生實習解剖一羊。指導血管之組織。鋸刮胸骨。說明一切。

參觀寧縣立初中學校。校長陳錫開。學生四百五十人。分十五班。教員三十五人。經費每月五千元。教職員薪占全費百分之七十五。女生有二十八人。學生寄宿者半數。女生指導員一人。圖書室有圖書七千餘冊。學生閱書興趣。以文學小說類爲最多。見三年級李女士教英文。Lesson口齒清浙。解說詳明。三年級甘教員教地理。蘇俄之都市。繪圖詳指地勢了然。一年級關教員教動物分類。二年級體操。教國技。頗見精神。宿舍尙欠整潔。

參觀省立國民基礎教育研究院。院長一人。即教育廳長兼任之。分總務。研究。教導。推廣四部。陳希文君在籌備期間。任訓導。馬勤如女士任調查統計。陸陶女士任統計。偕馬陸二女士談。悉均常州同鄉。圖書館主任沈子英。曾識余於某處。詢及圖書狀況。知藏書一千餘冊。英文雜誌三十餘種。購置華文雜誌及各處贈送者共五六十種。編纂部。林場。畜牧場。國民基礎學校七所。全院經費五萬元。臨時經費兩萬元。研究生十七人。均初中畢業生。分往基礎小學任課。預備一二年後推廣外縣辦理。至于教材亦預備自己編纂。以爲將來應用。至于基礎教育之研究。以義教爲中心。兼辦社教。將來鄉村教育聯合義教。融鑄一爐。此特點也。

午後五時。白副總司令黃主席邀往省政府晚餐。白黃兩領袖態度言語氣息皆見懇摯。一則高明。一則沈潛。而與人接物。絕無官氣。此與各省領袖人物不同者。座客有丹麥甘君。東臺戈君。紹龍。韋師長。葉總參謀長。雷廳長等。主賓共十人。白副總司令詢及江蘇教育概況。經費學校等等。余一一答之。並稱贊廣西教育之朝氣。及各種行政方面之可以爲各省之模範者。問答久之。席未半。白副總司令因

有客先退席。余等終席後。余請黃主席代函李品仙督辦。辦理過越赴滇之護照。葉總參謀長翠微允即致紹介函。與河口李堯臣督辦。以便到滇之招呼。余頗感謝之。黃主席詢及梧柳桂林之教育。余答以西大設備之富。桂林中學軍訓之嚴。良豐師範校舍之廣。柳州墾殖規模之大。殊堪爲模範也。席散返寓。教廳諸秘書直來談。詢悉廣西各機關之薪水。至爲菲薄。服務之工作。非常緊張。每日上午六時起。十時止。午後一時起。四時止。實際非五時不了。且早晚分班受軍式體操。余因詢及各廳薪水。則云秘書科長各一百十元。或一百二十元。廳長僅三百毫洋耳。科員則八十元以下。至三十元。縣政府縣長一百二十元。科長督學各五十元。此公務人員。除年滿四十六歲以上。可以免操。其餘一律須早操。五時起身上操。六時或六時半操畢辦公。此全省一致者也。常熟同鄉屈振邦任郵政收發員來談。並託其調查赴安南雲南之錢幣兌換價目。談久而去。

二十九日晨郭君若愚來。同往參觀省立三女中。校長黃尙欽曾於民國九年隨周君六平到吾競志參觀。道觀各教室。談悉此校學生二百人。分中學兩班。幼稚師範兩班。家政一班。看護一班。此班爲畢業生之補受軍訓者。見幼師一級。楊教員教勸共歌。幼師二級。喻教員教于成龍致友人荆雪濤書。論柳州風俗民性。選材甚當。家政班于教員講短篇一兒與螞蟻。中三乙組黃教員臨時試驗。中三甲組王教員教屈原漁父一篇。尙見精神。校址爲王陽明先生祠。有陽明先生紀念亭。爲陽明于嘉靖七年在此書院講學。故後人改書院爲祠。今復于十六年改祠爲校。始爲三女師。既而十九年改爲中學。添家政幼師班。

參觀省立婦女工讀學校。校長楊永芳。教導李影儂。工科分木機、布機、鐵機、布機部分。毛巾科、襪科、車縫科。學生一百八十人。技師六人。教員十五人。每日學生作工四小時。普通課三小時。另有課外活動一小時。各工場周歷。木機二十餘架。鐵機十二架。縫紉機二十五架。織襪機二十餘架。毛巾機三十餘架。織花及大小不同之尺寸。有十數種之式樣。校址爲陸榮廷于民七年集款所建之昭忠祠。有碑碣記載。

參觀省立第一初中。校長陳宗嶽。學生十四班。七百二十餘人。教員六十餘人。經費每年八萬元。女生有四十餘人。周歷校內宿舍、膳室。

協作社（師生合股）三家村（教員帶眷屬者所住）校園、運動場、操場、圖書館、儀器標本室等。見一年級廖教員教動物、講鯨。一年級蒲教員教英語。一年級侯教員教算術。二年級甘教員教國語。二年級周教員代監自修。二年級高教員作文。題爲對於自殺者批評。二年級勞作。林教員教手工。三年級汪教員教英語。二年級陳教員教英語。三年級陳教員教化學。三年級林教員教幾何。三年級雷教員教外國文。講羅馬教皇之獨立。各教室教者均認真。學者亦用心。此校環境甚佳。

上午參觀三校。即返寓午膳。飯後啟東同鄉施方白來談。可志者數端。

（一）廣西當局者之苦心。硬幹。殊可敬佩。（二）廣西財政不敷。省稅年收入四百萬元。（三）各機關公務人員之薪水雖不多。却均不欠發。（四）薪金低。則愈能與平民接近。（五）廣西九十四縣。施君以省政府參議名義。巡視四十四縣。蓋施君自述來廣西之故。爲好奇之心所驅使。故欲遍歷全省。以觀察各縣之狀況如何耳。（六）施君自述明年回啓東。擬辦一農村小學。本教學做之意。而略變其方式。已購地十數畝。豫備之矣。（七）廣西以邊遠省分。而能如此。我江蘇萬學不到。此誠確論也。少頃別去。

午後。郭君若愚來。同往平南村。縣立鄉村師範學校。余連日參觀學校。均由省府派汽車接送。故道路遠近。皆不問。鄉村師範。在潯江之西。本日汽車渡江。頗費時間。往則待渡船久。返則待龍州來之汽車同行。又待久之。故下午所觀學校甚少。

邕寧鄉村師範學校。校長雷同雲。教務何漢星。學生兩班。九十餘人。教員六人。見師範二年級李教員教歷史。師範一年級體操。圖書館有圖書一千七百餘冊。經費七百餘元。往附屬中心小學主任梁光實。學生一百八十餘人。見高一王女士教廢墟歌。初三唐教員教厚紙手。丁初一年二年複式。郭教員誦話。學生頗見活潑。休息時童子軍站崗。亦見秩序。（按平南村戶口數百家。皆唐狄青平蠻時將校之後。每年例開紀念會一次。）

參觀區立第五小學校。此校開辦甚早。頗有歷史。學生亦甚多也。鈕校長研究教育有年。黃君榜俊任教員。卽前晚曾與余久談者。本日。以時晚不克參觀上課。僅由鈕校長導觀一周。教室十四。學生十三班。九百餘人。教員十九人。經費每月九百餘元。各教室所懸之西畫。

畫成績甚多。余以高小圖畫。學繪水彩畫尙可。油畫則耗費殊大。黃君云。顏料均由自製。價甚廉也。各教室學生掃除整潔。亦見勤奮。校內秩序井然。足徵訓育有方也。

是日氣候甚熱。午後三時返寓。人頗倦怠。即入浴後。稍臥片刻。葉總參謀長送來致河口李堯臣督辦一函。余即覆函謝之。五時晚餐畢。以兩日來之禪掛。自己洗濯。以振精神。得詩一首。

三日未成詩一語。片時不覺眼雙花。須知振刷精神處。薄澣吾衣力自加。

有一常州同鄉章誠者來。自述廁身軍界有年。現教一私塾。以自糊口。少頃即去。

南通陳兆騮。溧陽黃希周。兩君均在農林局任技正。來談廣西狀況。陳君來廣西三年。黃君來廣西半年。陳君爲法國蒙百里大學生物學碩士。美國加利福尼亞大學博士院研究生。現在農林局作昆蟲研究。及病蟲害之研究。黃君留學日本農科。曾任鎮江農務局長。新從龍州調查物產而回。開後日又將赴桂林調查云。余因寫信託黃君帶至桂林郵局。愈心敬君。

本日余在廣西照相館中。攝一半身二寸照片。以備帶往龍州辦理護照之用。

平南村訪古

昔日平蠻駐戎馬。此時設教聽絃歌。武襄勳烈遙堪溯。部曲雲初近若何。要塞礮樓斜日冷。荒村野岸晚風和。雙牛犄角猛當道。憑軾停車試緩過。

本日本在平南村出口。有二牛當道。並立途中。以待車來。急令車夫停車。而使牧牛者驅牛以去。而吾車始行。蓋牛性拙而牛力大。見汽車來。誤爲猛獸。故二牛並立。欲試其鬪獸之力也。使當時驅車而前。必有覆車之險。

三女中校長黃尙欽君來。夜談久之而去。明日爲五卅紀念。各學校各機關均集合於公共體育場。開會演講。以志不忘。五月卅日。郭君電話謂五卅紀念。各校均集合公共體育場。參加紀念儀式。午後可參觀學校也。

陳君兆驪來談廣西農林事業。大有振興之希望。陳君研究昆蟲學及作病蟲害之工作。本擬組織昆蟲局。現因經費關係縮小範圍。先以除去病蟲害爲造林之要事也。陳君邀余往某酒家午餐。飯罷同往郵局。訪屈君振邦。詢知屈君爲余調查市安南往滇之車費。及安南票之兌換價目等等。均甚清楚。卽偕陳君往兌換各號詢問。評定兌換之價。計以廣西票二十四元。上海票十五元。兌換法票二十元。計廣西票以二元六毫三仙。兌換法票一元。上海票一元。申廣西票一元三毫六仙。統計大洋二元五角六分。兌換法票一元也。陳君導余參觀博物館。晤主任廖君。館員曾君。見地質學方面標本採集甚多。計化石百餘種。本省鑛石二百餘種。岩石百餘種。承贈余石綿三種。錫砂一種。返寓後略煎片時。郭君來偕余參觀社教機關二。

一、省立民衆教育館。館長裴邦佐。館員雇員全體三十八人。組織分教育、生活、展覽、康樂、研究五部。經費每月三千八百五十元。教育部有夜校、短期小學、兩處。農人補習兩班。高級試驗一班。初級試驗三班。兩授學校一處。以及演講、編輯、託兒所等。生活部有合作社。康樂部有體育場。民衆醫院。研究部有出版刊物、壁報、展覽部。有關覽室、巡迴書庫、書報流通處等。各部工作尙見緊張。裴君贈余錫砂及煤兩種。周覽全館卽出。

二、省立第二圖書館。館長黃立生。未晤。晤館員某君。導觀一周。館爲新建。所見崇隆堅實。研究室、閱覽室、書庫、書架均甚堅固。華實兼到。經費每月大洋五百三十一元。購書費每年三千元。館員雇員共十人。藏書二萬餘冊。用王雲五編目法。閱書者每日平均百餘人。星期日兩倍之。余贈該圖書九種。

陳君兆驪來視余以乃祖樂山先生之秋心吟草。乞題。余瀏覽一過。佳句絡繹。清思灑脫。而情致纏綿處。猶復桃花潭水不足比其淵深。楊柳曉風不足擬其態度。爰成一律以還之。

一。卷清辭四十年。子孫珍重守遺編。曉風楊柳柔。媚澗水桃花深。日妍感舊情。詞絲終繹懷。人歲月音纏綿。秋心幾點穿珠玉。浪擧慚予寫客邊。

余往教育廳、向雷廳長道謝、連日派視察員郭君、以省府汽車、導觀各校。後承贈余教育行政方面之報告及表冊等四種。雷廳長偕余同往黃主席處。余見黃主席、道謝前日晚餐。今日寫介紹函致龍州李品仙對訊督辦處。爲余辦理護照。略談卽出。余託黃主席及雷廳長、代向白副總司令道謝前日晚餐。及今日辭行、不克拜訪。殊爲抱歉。

郭君送余返中山酒店。道出廣州攝影公司。卽取昨日所攝之影。爲護照上所需用者。郭君別去。

陳君黃君屈君諸君吳君裴君等。先後來。縱談一切。余以書籍礦物岩石皮盤等物。託屈君振邦代余寄錫。夜十一時。諸客別去。余補記日記。

託中山酒家代購車票赴龍州者。計毫洋十四元零八分。中山酒家之寓費、及食費等、九元七角。

陳君兆驪、爲余寫介紹片三。裴君寫介紹片一。屈君亦寫介紹書一。異地同鄉。友情至感。隨地得紹介函。至爲感感。

卅一日晨五點半鐘。陳君兆驪、黃君希周、來送余行。在車站待久。覓食點心。車猶未開。黃君以受軍訓之期已至。故先行。六時半。車始開。陳君別去。

自南寧開車。至蘇墟。四十六公里。計華里百里。自蘇墟至龍州。尙有二百三十公里。合華里五百四十里。蘇墟爲一小鎮市。過此六十里。有大河前橫。新橋建築尙未完工。旁置一浮橋。正在工作。客皆下車。過浮橋。地名泄容。客皆早餐。余亦食飯一碗。菜一湯一。價值兩毫半。殊便宜也。過此至綏條。時已十點半鐘。計行路之五分之二。再至北江。又至明江。渡河後。驟逢大雨傾盆。汽車中暴雨飛濺。氣窗水注。行李皆濕。停車十餘分鐘。雨止。泥滓車行尙速。午後三時半。至鴨嘴灘。客皆下車晚餐。此地距龍州四十里。計自南寧至龍州。爲六百四十里。此時已行過六百里。轉瞬可至龍州矣。途中因雨後。山色尤爲可觀。蒼翠四環。水流湍急。山間百道澗泉。齊入邕江。聲勢洶湧。憑窗看山。側耳聽水。各種奇峰怪石。絡繹于眼簾。四圍大小細流。奔流于澗底。風景之佳。與在柳州南寧所見之山水。又不同矣。蓋山嶺連亘。似有雄奇之象。不若桂柳間之山小而尖也。得詩一首。

一雨涼生萬壑寒。炎威掃却客懷寬。撲窗山色墮蒼翠。入耳澗聲流急湍。曲折峯巒新霽後。連綿嶺石白雲端。畫工點綴擬難似。好供新吟子細看。

五點鐘到龍州。寓鎮南旅館。收拾安放畢。即携黃旭初主席之親筆紹介函。往對訊督辦公署。適公出。投一片。即返寓。

有客由雲南來而往南甯者。孔君介承。熊君德齋。晤談後。知雲南幣制複雜。皆由信用失却之故耳。所言如左。

- 一、富滇舊票。有半元者。有一元者。有五元。十元者。十八元。可換法票一元。舊票五元。可換新票一元。
- 二、富滇新票。有一元者。有十元。五元者。三元六角。可換法票一元。
- 三、中國通用銀元。值法票四佛郎之譜。

第六章 龍州

余抵龍州。既住鎮南旅館六號。調查赴滇之車票費。昨日由南甯郵局屈振邦君。爲我調查一紙。今與孔君談及。亦相彷彿。大約自龍州至諒山法票四元零。諒山至河內四等火車。法票一元零九分。河內至老街。四等火車法票二元四角六分。過河至河口。自河口乘四等火車。至阿迷州法票一元。自阿迷州乘四等火車。法票兩元。共計法票共十元五角之譜。如乘三等車。則須加倍。即趙君所謂須二十五元之譜云。

六月一日晨。即往對訊督辦公署。傳達處視余。以本日請州民報。已將余昨日來龍參觀學校。投宿鎮校。登載。少頃晤李品仙督辦。余以黃主席函面交之。李督辦即招外交科員陸炳棠。爲余辦理護照。惟以時間關係。祇能辦過境護照。不能往返。到雲南後。再自雲南辦理過境護照。如辦長期往返護照。須以一年爲期。則費大而不值得也。余即決定以十日爲限之過境護照亦可。並將攝影兩張。交陸科員。李督辦云。今晚即可辦出。余即辭李督辦而返寓。早餐。

午前即往參觀省立第七中學。以陳君兆驪。裴君邦佐之介紹片。及陳君兆驪致江蘇奉賢同鄉陳君根才字國之介紹片。訪鄔慶曼。

校長及陳教員根才。晤談久之。鄔陳兩君導觀一切。詢知此校經費每月二千六百元。教員二十五人。教職員薪占全費百分之八十八。學生六班。二百十人。內有女生八人。見三年級甲組陳教員教幾何。三年級乙組馬教員教幾何。二年級乙組張教員教英文。二年級甲組李教員教水彩畫。一年級乙組鄔教員教歷史。圖書館藏書新舊六千餘冊。昔爲同風書院。後改爲學校。故舊書均爲書院所遺。宿舍尙可。校園甚佳。蓋有自然之山。自然之岩洞。甚爲曲折。控洞前後。可走穿。題岩石之字。均明萬歷天啓崇禎年等詩詞題名者十餘處。大字有仙巖二字。風洞二字。故以仙巖名洞。岩頂有可思亭。其額爲遼東李秉衡。任左川兵備道時所題。有跋語錄下。

中外連年多故。流血邊庭。今託天子威靈。幸已禍亂。而即少安追維。往事猶在心目。語云。痛定思痛。烏能自己。此後何以補救。何以久安。更誰之責。是可思者。又不第痛定之痛也。適龍城初築。取石仙巖。岩有得月亭。久圯。從而新之。因易其名。以寄所思。時光緒十二年某月某日。

屈指計之。諒山勝役。葉越于法。千古奇恥。迄今四十八年。爰賦兩絕。以書仙巖洞石。留今日來游之紀念耳。

可思亭

痛心四十八年前。此恥何時始可湔。畢竟遼東真血性。一亭相對淚潸然。

仙巖

洞天到處得奇趣。鳳木花紅點翠微。太息風塵行萬里。石牀石椅竟忘歸。

陳君根才。導余先訪郵政局徐君。未晤。即游中山公園。面積寬廣。就天然之奇峯怪石。施以建築亭臺之勝。其最者。爲一懸空鐵橋。架兩厓間。及天然一峰。有大榕樹障於上。如一大盆景。又有突然一高峰。雖無獨秀立魚之直。却其狀有相似處。架以鐵梯而上。風景殊可觀。余與陳君繞公園一周。約有五里之遙。惜樹木尙少。故步行于炎風烈日中。覺汗出如雨。即至會賓來茶憩。遇七中教員周君悅且。陸君詩津。鄔君克良。馮君少伯。而陳君作東道。堅留余晚餐。肴饌甚佳。惟今日余與陳君初面。即叨擾殊覺不安耳。時氣候甚熱。本擬往小壘。

城訪古。蓋小壘城爲蘇元春宮保當年所築防禦砲臺四十八處之一也。且岩洞亦奇邃深廣。其地離此五里之遙。如登小艇。往返須四五小時。且登山又須兩三里。天氣太熱。爲時不及。往游爲可惜耳。晚餐後即返寓。陸炳棠科員將護照送來。甚感。聞鎮南旅店賬房譯宗倫告余云。陸科員已來過一次。郵局徐君冠綸亦來訪。因余適未歸。故留言而去。

余以昨日車中爲雨所濕之各件。一一整理之。蓋箱中衣物。濕者甚多。且帶來上海鈔票。亦爲之濕透云。

是晚氣候熱甚。沖涼後將物件涼晒。將鈔票向洋燈罩上烘乾。然後收拾一切。頗覺憊勞。時已十一點鐘而臥。

二日晨起。昨晚大雨。開窗一望。雨濕綠陰。鳳凰木之紅花。點綴于馬路兩旁。甚可觀也。（按鳳凰木俗名洋槐。葉爲羽狀複葉。花爲管狀。紅色。產于熱帶。與北方之馬纓花相似。此間公園馬路。遍植此樹。花開紅色。甚爲可觀。）余得詩一首。

昨夜雨聲催客夢。今晨好景送樓頭。綠陰夾道紅花綴。涼透胸襟疑早秋。

補記昨日中山公園即景

大好園林幾處。山亭子石空嵌。鳳凰嘉木花絢爛。蚺蛤流觴酒往還。鐵骨飛橋絡崖岸。石巖一笋聳榕杉。樓頭午夢醒殘暑。日落靜聽澗水潺。

按此間因山多而有瘴氣。故人飲蚺蛤酒以却瘴。余近日戒飲。陳君等勸酒。余滴酒不飲。且謂余有天然壯氣。以抗瘴癘。何必飲蚺蛤酒。爲蚺蛤者。狀似守宮。而較大。又似蠨蛸。而有細鱗。具五爪。約長三四寸。以之浸酒。名蚺蛤酒。爲廣西特產也。

閱本日龍州民國日報。已登載余今日離龍州過安南。即往滇考察云。

早餐後即收拾行裝。豫備上車。豈知待久無消息。詢之賬房。謂今日無第二客。汽車不克開。明日有三五人往諒山者。車必開也。余不得已。即重解行囊。得詩一。以爲誤我行程。殊出意外者。辦理護照。照例每多延擱。而車不克行。則不料也。

龍州待車

誤我行程三百里。龍州驥足竟遲遲。且登小壘城邊去。增拓游踪多賦詩。

十一時往七中。贈七中圖書館以病曠。癸亥旅行記。贈陳君同之。以寰球旅行記。鄔校長談小壘城之保元宮。不可不一游。於是陳君同之。同往小壘城。雇瓜皮小艇往游。及下船。知此船爲邕江中之一小漁船。水流甚急。蓋上流之水源二。一自水口關之山水東流。一自鎮南關之山水北流。二水匯于龍州城外。故曰雙溪。由此而東。則爲邕江矣。余等所乘之小漁船。先由江岸西行。在石岸之下。蕩漿前進。但見石骨玲瓏。橫空外卸。有似複壁。然有似複厓。然又有如控空而高懸。搖搖欲墮者。然行約二里許。即入水口關之一水矣。曲折盤旋。又二里許。陳君遙指一山。有一亭者。即保元宮將至矣。右有二峯頗高。有砲臺二。各據一峯頂。行里許。即傍岸。登石級八十。步行半里。即至山麓。登石級八十二。有一方亭。折上八十四級。曰太乙門。門內石壁。上爲江亢虎前數日所書之天上人間四大篆書。折而左。石級八十。有一亭。小憩。又登一百四十四石級。即保元宮外。書龍元洞三大字。自山麓至此。共歷石級凡四百級。入門。即見岩洞。尤寬左右十餘丈。深且二十餘丈。西有朱門。署曰金階。門左右關。緣金階而上。則一大平臺。左右有門。額曰中階。歷階而上。則殿庭矣。上有雲龍環繞之一龕。中設玉皇天尊靈穹上帝之位。左右皆朱欄。鋪地方磚。皆雲南大理石。聞經十八年之共產。拆毀過半。今所補者。則非大理石矣。殊爲可惜。此保元宮者。昔爲蘇元春所重修。當時爲讒者中傷。以其建築殿庭。欲謀不軌。革職拿問。發配新疆。戍所中途病危。殊爲可悲。今知即此廟宇。所以兆當年之冤獄也。余仰首望之。即見一圓洞。陳君曰。爲石天窗也。卽當時所爲天闕者。是游覽一周。卽攝一影。略坐卽行。出龍元洞。道旁有天然石厓。題詩者三兩人。余卽向僧人索筆墨。寫一律于厓壁。

遲我行踪自有緣。龍元洞壑景悠然。儘乘瓜艇逆流上。安步雲階杖策先。仰首靈穹天尺五。俯觀景物界三千。我來不盡登臨感。南望傷心四九年。

乘小漁船至鐵橋邊登岸。卽往中山公園茗息。時方夕陽在山。游人咸集。陳君又請余食點心飲茶。晚歸旅店。又爲陳君指畫竹石二紙以贈之。

中山公園

天然山石自縱橫。點綴園林奇趣生。仰看鳳陰花打面。俯聽蛙鼓谷傳聲。芭蕉葉大捲新雨。蘭荊花香放晚晴。訪古劇談前代蹟。落紅摘翠佐吟情。余摘鳳凰木葉及拾落花以爲標本

爲陳君指畫墨竹題二十八字以贈

七千里外孤吟客。異地欣逢故里人。兩日同游無所贈。雙竿亦足表情真。

聞昔日龍州商況甚佳。自十八年紅軍至。大爲騷擾。迨法人將鎮南關封禁。道路爲之不通。近年關門雖闢。道路雖通。然商況之恢復。則完全無望。客商往來殊少也。

三日晨起有感。本日爲病驥死而復生之十六週紀念日。蓋民國七年陽曆六月三日。余西秦旅行。華陰被劫。入獄楊村。備受痛苦之日也。爰賦詩一首。以自紀念。

茫茫大地何處可安居。矧是落梅天氣。江城五月餘屈指。十有七年。前此日。西秦浩劫。冤獄入囚。慮回首當時。痛苦不堪。閱盡千辛萬苦。猶未賦歸。與我欲博探。今古考成。敗愧無時。日讀破萬卷。書我欲網羅宇宙。鍛奇寶。愧無知識。鞭策大同。車忙忙碌碌。補修幼稚課。子身。南服參討教育之權。與此邦賢哲。承雅好。招待周摯。旅途舒眼前風景。邊圍策關山。依舊尙晏如。儘使登臨俯仰多感慨。養吾實力固吾邊防。安吾荒服之閭閻。羣策羣力。個人各自勉。救國救民。不負勞苦之機杼。

陳君來送行。余謂今日必能成行矣。乃收拾行裝。以待車。少頃上車。陳君別去。九點鐘開車。四十里至鴨子灘。又二十五里至香梓南。客皆下車。早餐。余食一粥一飯。一蛋。價甚廉。僅銅元十四枚耳。自入廣西以來。未有若此餐之便宜者。

余今日臨行。在鎮南旅館算給旅費二元四毫。膳費一元二毫。余僅食兩餐。而彼則算兩全日。又代付車費洗衣費等三毫五仙。兌法郎一元二角。價爲桂票三元三毫四仙。中兌桂。桂兌法。殊不值也。

自香梓南行五里。有石城。曰近連亭。一面曰龍憑界。乃龍州與憑祥交界處。此爲蘇元春所建。行不半里。又有一石城門。又行十五里。卽憑祥縣。過憑祥。又行二十里。曰隘口。亦前後有石城門。又五里。卽鎮南關矣。昔蘇元春建築三關。均石城。卽鎮南、隘口、憑祥。三關也。鎮南關有對汎署。汎官爲黃廷暉。余將護照送請簽字。黃君頗爲謙抑。余詢以在此關門前後攝影可否。黃君曰可。故汽車至關前。黃君已囑令汽車停止。待余攝影。余攝影二。一蘇元春所建之砲臺。一鎮南關正面南疆重鎮四字。北面有拱極門三字未攝。鈞一畫稿。開車至洋關。受檢查。嗣由關員說明。給以法郎二枚。卽免查。開車行里許。卽爲關前。已屬越境。交界處有山一。上有砲臺。爲法建。有越民團檢查。余此時感想蘇元春所築砲台數十處。中法和議成。既受法之要挾。盡爲拆毀。而彼則對我關前。築一砲台。此胡爲者。公理云乎哉。又至岡登。越設對汎署。停車。時正午後一時。是日爲禮拜日。且在午後。署中當然停止辦公。然以午後越汎官方午睡。須至二時。方可簽字。迨至將二時。忽有其他汎官。來訪此間汎官。因未晤。卽去。少頃。此間汎官知之。促余下車。立借余所乘之汽車。追往南關。久之未來。時氣候炎甚。余立街廊。民戶檐下。悶甚。幸有對汎署中書記越人某。邀余與華利管車者魏姓。同往辦公室。坐談一小時。車已返。而汎官尙未返也。時大雨。返車中避雨。又久之。時已四點鐘。余焦灼甚。不禁腦海中起無涯之慨。四時半。汎官始回。簽字費兩佛郎。卽開車。五點一刻。行五十餘里。卽到諒山之騏驎。寓華利旅館。下車時。卽由同車之林君毓材。紹介華利居停魏木炳。越南諒山省華僑總代表也。字騰輝。福建同安人。寒暄數語。卽登樓。安置行李。榻位定。卽憑欄遠眺諒山風景。有高峰甚雄壯。中有石城。聯貫其間。林君告我以此間爲當年戰事上重要之地也。余攝一影。

余過鎮南關時。覺廣西之山。過龍州則漸變其狀態。蓋龍州以北。山多尖小。龍州以南。則山勢漸雄。至三關。則連亘大山。重巒疊嶂。天險也。到處見蘇公築壘遺踪。以如此之英雄。而不能爲當時用。且爲讒者中傷。不可慨乎哉。因得一詩。

憑弔當年藩府開。謀深帷幄關蒿萊。三關重鎮真天險。一代英豪老將才。鞏固邊防誰可比。中傷讒語獨堪哀。莫將成敗生前論。遺跡群推大廈材。

第七章 自鎮南至滇省

余既出關。覺崇山峻嶺。天險固然。風俗人情。地方猶是。微有不同者。語言及環瓔耳。女子多以緞布裹髮。盤首相傳爲儂。智高之遺族。此爲關內之土人裝束。關外則首布猶是。而紗籠對襟之長服。下及膝。盡者有之。右衽而長服者有之。男多黑色。齊膝之長服。而頭亦有黑布裹之者。華僑則粵式之短衣者多。女子亦有介於粵越之間之服裝。有綠色湖色之對襟。或右衽者。而內衣之必繫甚長之汗巾。以紅絲湖色者爲最多。此皆余停車閒坐時。默志過往之人。及兩旁居戶之民。男女老少之服裝式樣也。余偕林君往街上閒步。見居民多福建式之華僑。門前有兩華字。如店號然。是即閩人之商。于是者。聞諒山華僑。以閩人爲最多。廣東廣西次之。近年來商況不甚佳。故道路往來者亦甚少。

四日晨六時。收拾行裝。算給旅費。食費。法票一元一角。又送行李上下者兩角五仙。自麒麟至河內。火車費法票一元零九仙。夥記送上車。送客票二紙。一角二仙。共兩元五角七仙。林君送至車站而別。

六點十五分鐘。火車到。即匆匆上車。抵諒山省。易車。余以三件行李。不克提携。適有一查票者上車。斥客速下車。余告以拿東西有人否。彼怒目呼斥曰。誰拿東西。余指行李。搬下無人。彼置之不理而去。適有一搬夫來。即携之下車。既搬過一車。即索余一佛郎。余覺太昂。詢之旁人。無應余者。不得已。乃給以一佛郎而去。時有一藍姓客。讓余坐。乃昨日由林君介紹。曾有一面者。惟藍君不能華語。蓋僑生越南者。彼此以意會耳。七點鐘開車。過廊佳。廊談。鏢同。循味。北例。廊渭等十餘車站。至午後二時半。將近河內之兩站。藍君別去。余在車中。食索粉一碗。僅六仙。尙作充飢。見車中男女多齒黑。且有以烟葉時時擦齒使黑者。更以一種紅色之物擦唇。黑齒。絳唇。彼此以爲美也。年老耆尙如此。况青年女子乎。是即古所謂雕題黑齒之民歟。有三女客上車。見其服裝均華貴。斗笠亦織工甚細。二女客年較長。一則車行而兩手合掌。而對窗外作膜拜狀。一則橫臥車椅。似疲憊狀。此二人皆黑齒紅唇。彼一女客。則年約三十上下。面色白而齒亦白。唇亦不染紅。看似新式婦人。言語舉止皆文雅。此外有異服異言之老少婦女。均工人狀態。肩挑負重者。上下甚多。男客則多以黑巾捲繞其

首似冠而露其頂。上等者黑紗齊膝之服。下等者白短衫而白其首帕焉。其鈕扣銅者多。如中國五六十年前所用之銅鈕頭。余對子所見不禁有所感。而得詩二首。

聞道冠裳別古今。女非齒黑少知音。年來亦有摩登者。淡掃蛾眉右折襟。相傳女非黑齒。血唇黑齒最奇狀。貧富高低一例然。綠葉蒼白灰漿時時入口不遲延。以銀針挑石灰。

過紅河車行鐵橋之上。鱗鱗者久之。尙未盡。詢之車中客。知此橋善有六公里云。二點鐘至河內。有天然旅店之接客者。上車云。接諒山華利公司電話。故先河內一站。卽迎候焉。同下車。至天然旅店二樓。其房屋甚寬。額曰山西。余笑謂之曰。我惜非太原公子耳。

食雞肉粥一佛郎。味甚佳。

余至天然旅店入門時。卽見南關對汎員黃廷暉君。握手笑曰。牛君一日到。汽車速于火車耳。計諒山到河內五百餘里。行七小時。似車行不甚速也。黃君云。汽車自鎮南關到此。僅一小時耳。

余往福建會館。坐人力車。約行三里許。僅銅片五仙耳。既至。晤陳少峯、李明聰二教員。談悉此間兩校。一粵一閩。學生均不多。陳君昔日廈門尋源中學生。李君昔日廈門培元中學生。參觀陳教員上歷中課。四三年級書方。李教員上常識課。一二年級講授及問答。學生兩教室。共八十餘人。經費每年一千七百八十元。校舍福建會館。房屋甚堅固宏暢。並知河內總代表郭鏗、蘇清明兩先生。因留余晚餐。同白君嵩景等往訪蘇君。以不善國語。介紹廣西某君談話。少頃返寓。郭君來談話。陳李白三君索余書畫。余卽口占三詩。以贈三君。並指書竹石以留學校。並寫惜秒陰耐萬苦六字。以留紀念。白君約余自滇回。過此可結伴同往海防。余贈之以二十十字云。

聞道香山響。雷光石火聲。韶華旬日後。莫負海防行。
贊島一回音。曾尋活水沚。此間偶萍聚。彈指爪留痕。贈陳少峯君
教育培元氣。風塵慨我行。今朝欣聚首。片刻慰平生。贈李明聰君

補述昨晚魏君木炳導觀華僑會館知新小學校。校長張宥奇未見。見教員林少孚及副董梁仲嚴。詢知此校教員三人。中文二人。法文一人。學生四十五人。教科照部章。惟法文每週六小時。爲環境所迫。不得不如此耳。經費每月四百二十元。另有一女學。有女教員一人。學生三十八人。在一教室用單級法教授之。

補記前日題迴文詩三首錄左

此是誰家錦繡文。迴環妙句意紆紛。慧中秀外闡明處。矯矯塵寰自不羣。
我縱深思通八九。猶留三五待搜尋。聰明到底均成誦。初寫青庭妙自臨。
十年一覺雲山夢。四幅變成梅雪岑。此日萬千餘里外。墨痕記取好光陰。

夜聞大雷雨不寐二首

蒼生霖雨待何年。獨客深宵夜不眠。起剔殘燈寫孤抱。竚看孤劍躍龍淵。
炎極當然雷雨來。試聽平地一聲雷。須知二氣循環理。霧透涼生煙瘴開。
五日晨天未明。爲大雷雨驚起室。隅漏雨。幸行裝未濕。卽往冲涼。人頗爽快。少頃雨止。惟四望煙雲。尙滿漫空際。今日似不易卽晴。蓋此間久未雨故也。

越僕來詢。今日車票購何等。余告以四等。少頃早膳。開賬來。余收拾行裝。預備八點半鐘上車。計天然旅店法票一元六角。又食費二角。自河內至老街火車四等票。法票兩元四角六分。共付去四元二角六分。

九點鐘開車。仍經紅河大橋。及小站兩三處。卽經茂阿寨。保河寨。流大年等各站。而抵老街。

本日因大雨。致車中無處不濕。故余悶坐車中。鎮日昏昏欲睡。至寨流時。有人上車。將余之護照取去。謂老街上。後卽可往簽字處簽字。再往客寓爲要。

晚八時抵老街。天然旅店之接客者李姓，來車中謂已接河內電話，知有客一位來老街，故來接耳。迄下車，將行李交接客者。另一天然之夥紀導余至簽字處，見出入口之客甚多，挨次及余。一法人據案簽字，由華人譯呼客名。法人視其人，對照片，即簽字。余抵天然旅館之三棧晚餐後，即由棧夥來問明日須留一天否。余曰否。棧夥云：法官簽驗手續繁，明日過河簽字手續尤繁，故趕不及上車也。余即以葉參謀長所致李希堯督辦之函，交棧夥速送過河。明日必辦簽字，須乘車行也。棧夥見致李督辦函，立即送去。頃刻即還，報告李督辦進省，警察長見函已允，明晨可行。於是天然開賬單來，則一夜之費，法票二元七角，何其昂也。蓋簽字費三角，檢查護照一角，行李上下六角，棧費則一元五角云。

六日晨五點鐘起，即過河受海關檢查，即往督辦署，派員檢查處，晤檢查員孫君，即以護照請簽字，稍停，即托李君應園，以法票五元，兌換雲南富滇老鈔票九十元，仍托李君購河口至阿迷州火車票，計滇票七十六元七角。李君並介紹阿迷州天然招待處潘君寶芝，余上車後，即臥以人頗倦，故是日自七點半鐘開車，至午後五時半，抵阿迷州，道經老哈店，自寨灣塘波，菁棵姑，戈姑，落水洞，芝村，蒙自，黑龍潭，碧色寨，大莊，大塔等車站，所過山洞，共計大小一百一十個，長者經行三四分鐘，而煤氣室寒，人之呼吸，頗覺不舒，而鐵路之曲折，旋繞而行，幾于無半里不轉折一次者，可想見其建築之艱難，工程之堅固矣。蓋雲南之山多，比之廣西貴州又大不同。本日所行二百四十餘啓羅邁當，合華里六百有餘里，中有十分之八九，爲連綿不絕之高山，車道在千山萬壑中，旋繞經行，非穿洞，即曲折繞行，甚高。之。山。麓。俯。視。水。流。奔。騰。急。迫。危。崖。峭。壁。不。知。數。百。千。尺。仰。視。白。雲。飄。渺。于。層。巒。之。上。風。景。固。佳。然。每。過。一。小。洞。覺。煤。氣。濕。氣。直。刺。腦。門。此。所。謂。蠻。荒。煙。瘴。之。區。見。人。之。吸。煙。者。以。大。竹。筒。約。二。三。尺。長。一。寸。多。徑。口。之。水。煙。竹。筒。吸。者。甚。多。謂。可。避。煙。瘴。云。而。余。則。未。之。能。信。車中乘客，有楊君庭萃，在印度加爾各答經商，回滇，路君承榮，軍界中人，王君增智，山東人，經商于俄羅斯二十餘年，之三人者，昨日遇于河內老街車中，今日又遇之，故相談甚久，余在車中，默然深思山川之各種不同，其故何歟，豈地脈之受地熱，澎漲力各處不同，歟，抑地層之變化，受外力之侵蝕，各異歟，又豈造物果有以千變萬化，而故示人以揣測無從歟，是以研究科學者，與研究宗教哲學者，兩不相

合。而有莫析端倪之歎矣。

河口至阿迷道中

鎮日車行萬壑中。崇山連亘勢爭雄。百餘岩洞穿過。千萬峰巒望不窮。鐵轍盤旋雲路遠。懸橋高峻水簾空。危崖俯視澗流急。奔放江湖澤溥弘。

晚六點鐘抵阿迷州。寓天然招待處。晤潘君寶芝。談阿迷地方本不繁盛。自通滇越鐵路後。遂漸戶口增多。火車站相近。即爲租界。安南人在此居住者亦甚多。地方教育在唐繼堯時代。頗覺辦理認真。今已政教均形衰落。縣立之校。有一中學。小學則有完全小學一校。初小十數校耳。各鄉雖有小學。亦如私塾之狀而已。

按阿迷州入民國以來。即改府爲縣。城外通稱曰落雲莊。其名甚雅。余在寓中不寐。得詩一首。

夾道綠陰馳馬路。滿街明月落雲莊。宵深有客不成寐。訪古蠻荒舊跡彰。相傳此地昔日爲蠻酋所居。今猶有遺跡可尋。

天然旅店之費。開單一紙。余始則驚甚。繼則啞然失笑矣。蓋旅店一宿兩餐。行李上下。店夥賞錢。共十二元四角。蓋滇票也。合之法。票僅七毫。合之大洋不滿兩元也。即付乾而睡。

七日晨起。早餐六點鐘。上車。約待半小時。即開車。是日復經山洞四十六。連昨日所經。共計一百五十六洞。此中國各省之鐵路。未有若是之山多而洞多者。本日所經車站。如小龍潭、西拉巴、熱水塘、婆兮、糯租、狗街子、羊街子、宜良、呈貢等縣。至將近雲南府時。有洋宗海。雖爲大水所瀦。而面積亦不大。有一高山。火車繞三匝而上。詢諸同車李君。知爲七凸坡（凸字滇人讀若貢音）過此即呈貢縣。遠望滇池。西山均可遙見。迨抵昆明。已六點鐘。李君爲余雇挑夫。送行李。出車站。計滇票一元半。雇人力車至馬市口。亦一元半。至昌新旅店。問李厚信君。爲余安置行李于三樓。計每日房金滇票十二元云。

是日在車中見二客互鬥。連續三次。爲護路兵所勸開。抑知原鬥之人。有一蠻而無理者。與護路兵大爭。復與兵鬥。兵以鎗柄擊之。而鎗

上刺刀鑿傷背面。一客血流不止。後由隊長速以刀傷藥止其血。而二客之爭者亦散。

是日途中得詩一首

自宜良至呈貢途中與李君談話

滇山滇水眼前多。纔過高危七凸坡。指點西山遠連亘。並聞銅殿鬱嵯峨。
李君謂昆明東城外十五里有銅殿在山上爲吳三桂所築。大觀樓。聳。挹。晨。爽。普。洱。茶。新。擬。
碧。蘿。攬。勝。昆明五百里。最宜孤棹蕩晴波。



續西南漫游記卷三

第一章 雲南概況及教育一斑

余慕雲南爲西南安富之區。而欲游也久矣。昔日讀滇游山水紀略。知滇多山。富於寶藏。惜未開墾。地連湖廣。川貴民居安樂。無所競爭。自甲申之後。外交亦繁。滇越鐵軌既通。人事上、交通上、財政上、民俗上。皆有所變遷。而文化上亦當然有所變革。民元之初。上海商務中華兩局分館滇中後。中華經理張亮時。爲余西城師範舊生。余託其物色採集滇中礦產八十餘種。爲余裝寄至錫。余得此。益知滇鑛之富矣。惟以絕無機會來游爲憾。余此次來滇。惜亮時已于前年回錫。去年物故。曷勝爲之悵惘云。

余自桂入滇。計行程六日。共歷二千七百餘里。經越南而至昆明。時爲六月七日之晚。寓馬市口昌新旅店。店主李君厚信。浙之甬人。晚餐畢。即往光華街。携港商館介紹函。訪滇商館經理樓君良基。字肯堂。浙之義烏人。晤談之頃。知樓君早接港函。知余欲來滇矣。詢及昆明教育概況。知有大學一。師範一。中學三。農工各一。因約明晨先由樓君介紹往省立師範參觀後。再往教廳接洽也。

八日晨七時起。店中寂然無聲。街上行人尙少。知此間人都晚起。早市甚遲。與貴陽相髣髴也。待至八時半。店夥始起。盥漱後。即將衣衫交其洗濯。以連日火車汽車中生活。白色長衫。幾變爲灰色者矣。幸天氣甚寒。夜間須穿棉衣。此時非服夾衣不可。故單服均付洗不妨也。

昆明旅邸感賦

氣候炎涼多變遷。雨餘早晚尙須棉。夜寒風攪窗櫺動。銀燭光搖照客眠。
(電燈不明。故燒白燭以佐之。風動窗櫺。燭光不定。不克寫字乃眠。)

滇中幣制不一。較之川省尤甚。余此次旅行。自滬至港。兌港票。自港至梧。兌桂票。自桂經越。兌法票。自越至滇。兌滇票。今以滇票有新舊

之、不、同、兌、換、滇、票。又有上海鈔票及現洋價格之各異。待離滇時。又須換法票若干。以備旅途之用。是旅客旅行之太不便利矣。因將上海鈔票百元。託樓君兌換滇票及法票以備應用也。余既至商務印書館。晤樓君。知上海鈔票百元。約可換法票三十五元。滇票二百餘元之譜云。

偕樓君往雲南教育廳。訪代理廳長袁藹耕。適他往。晤雷秘書。余以江蘇介紹函致廳長者。交雷秘書。少頃。既辭出。即由樓君導往省校參觀。於是先至省立昆華師範學校。校長李永清。字子廉。不在校中。晤教務鄭崇賢。字榮廬。學生十三班。共六百四十餘人。經費滇票每月四千九百八十五元。教職員五十六人。教薪占全費百分之八十。臨時費月約千元。校舍對門有電影場一所。其房屋為校產。每月可收房租四千五百元。(滇票)導觀校舍一周。圖書館。新舊書籍一萬八千四百餘部。雜誌四十餘種。每日閱覽人數。平均二百餘人。學生閱書興趣。多嗜文學方面。次為社會科學方面。此校歷史甚久。自前清光緒三十年。以高等學堂。改辦兩級師範以來。三十一年矣。前在五華山五華書院。後遷至舊督署。即今之校舍。各科畢業人數。約有二千餘人之多。云。鄭君崇賢。民國十七年。曾往江浙參觀。在吾競志晤談。此時相見。倍覺慨然。

參觀東陸大學。晤校長何瑤。談次。知分三院五系。文學院。政治經濟法律兩系。工學院。土木地質兩系。教育院。僅教育一系。學生總數二百八十人。校舍新建。建築費二十七萬元。舊屋為貢院修改。故至公堂高崇堅實。猶是當年舊構。今為禮堂。可容七八百人之座。物理化學儀器藥品。以及測量儀器。地質標本。所藏甚多。教室為階級式。圖書館藏書二萬一千餘冊。借書者每日平均百餘人。所閱書籍之種類。偏于文學者為多。各教室。各研究室。皆應有盡有。經濟方面。有固定財產。即田畝房屋等。約值二百七十萬元之譜。每年支款約八萬餘元。訓育方面。本於自尊。致知。整理。力行。八字。定各項訓育標準。實習工廠機械。及冶金試金機械等。聞于學生實習時。尚能敷用。何校長贈余學校一覽。袁石屏著滇釋。及東陸碑記。

私立南菁中小學校。校長張嘉棟。此校辦法有特殊教學之稱譽。蓋學生無論年齡大小。一律寄宿。每星期可回家一次。學費每人每學

期三十元。中學則五十元。註冊費每學期五十元。如在第一學期入學時。須收二百元。此皆作爲學校臨時之費用。教職員二十七人。學生中學一班二十人。小學六班。高小學五十餘人。初小學一百餘人。幼稚生二十餘人。每月支款八千一百七十餘元。教薪最多之人。每月四百七十元。最少百六十元。食宿由校供應。每月教廳補助二千元。財政廳及總指揮部各二千元。基金息金二千元。基金十五萬元。經常費。即此每月之八千元。校舍新建。設備精良。寄宿舍中。一律整潔。不染點塵。可爲昆明各校之模範。訓育優良。於此可見。醫藥室。治療室。設備完善。有校醫一人。護士一人。負看護衛生之責。女訓導員與學生同住一室。亦屬可法。此種管理。兼負家庭學校兩方面之責。如去年在重慶所見之巴蜀小學。其辦法與此校相髣髴也。

省立圖書館館長秦光玉。前曾晤面于江蘇。今適不在館中。晤主任張君詢悉藏書甚高。舊籍有十餘萬冊。新書千餘種。與張主任略談。並知閱書者每日有數十人。星期日則有百餘人。閱報紙者甚多。經費每月三千七百元（舊幣）雲南通志館。即設在省立圖書館中。另闢一院子館之西面也。通志館館長周宗嶽。字申甫。別字惺菴。余攜松岑之紹介。與周君晤談。此君鬚眉皓白。態度誠摯。昔曾代理雲南省長。長于文史。去年松岑之來滇。即由周君邀來。編輯省志之一部分者。因談及編通志之難。贈余雲南通志編輯凡例一冊。並紹介往訪袁君樹五。由君定菴。於是先過由君涵翠樓。登門訪由君。晤談滇地風俗教育等概況。由君在民國初年。曾任雲南教育司。十七年曾代理省長。今喜與袁周二君。研求佛學。晤袁君。談及浙江南宋一廬樓。將宋版書完全售與日本。僅得書價十萬元耳。殊爲可惜。袁君與余爲同歲生。談鋒甚健。頗足解頤。贈余墨拓詩四首。周袁由三君。皆滇中耆宿。余此次得晤談一切。覺三君皆學問淵博。道德甚高。殊堪佩也。通志館附設一學社。研究詩文。每月有課。由教廳派員評定甲乙。大有舊時書院制度。列前茅者。有花紅獎金。所以嘉惠寒士。及保存古詩文學。亦含有深意者焉。

余偕樓君往大觀樓。乘人力車。出西門。行八九里。長堤碧樹。人影斜陽。車轍馬蹄。往來不絕。大觀樓者。康熙時僧乾印結茅於此。講經。王繼文撫軍。建樓二層。名大觀。後霍廉訪觀光。增爲三層。有長聯一。爲孫髯翁題。頗膾炙人口者。樓後有湧月亭。攬勝樓。湖河軒。觀稼堂等。

勝。咸豐中燬于火。同治中馬如龍提軍重建。民國以來佈置園景益增勝概。余等游覽一周。樓君肯堂與余同攝三影。以留紀念。往外堤繞弓形一周。計兩里。池濱風景。沙灘水淺。柳岸風來。沙鳥飛止。漁船三五泊于堤邊。殊堪入繪也。得詩二首。

官道夕陽人影裏。漁舟沙鳥水光中。大觀樓閣已非舊。幾輩登臨眼界窮。

長堤內外柳陰濃。幾處亭臺幾樹松。攝取滇池三百里。遙聯西麓最高峯。

附大觀樓長聯（此聯爲孫髯翁作每聯凡九十字世傳爲楹聯之最長者）

五百里滇池奔來眼底披襟岸幘喜茫茫空濶無邊看東驤神駿西翥靈儀北走蜿蜒南翔縞素騷人韻士何妨選勝登臨趁蟹螯螺洲梳裹就風鬟霧鬢更蘋天葦地點綴些翠羽丹霞莫辜負四圍香稻萬頃晴沙九夏芙蓉三春楊柳數千年往事注到心頭把酒臨風歎滾滾英雄安在。想漢習樓船唐標鐵柱宋揮玉斧元跨革囊偉績豐功費盡移山氣力儘朱簾畫棟捲不盡暮雨朝雲便斷碣殘碑都付與蒼烟落照祇贏得幾許霜鐘半江漁火兩行鴻雁一片滄桑。

（按此聯雖佳惜有複字登臨風鬟霧等）

晚樓君約往正豐西餐返寓。

九日樓君肯堂來。余正以滇票一元購麵兩碗食之。洗衣五件。滇票兩元。未免太昂耳。繼而思之。滇票一元。值上海銀元兩角不到。殊便宜也。時已九時。卽偕樓君往昆華女中參觀。

省立昆華女子中學。校長楊楷。學生初中九班。高中七班。內分師範五班。普高兩班。初中共六百人。高中共三百餘人。經費月領滇幣三萬七千六百餘元。教職員五十餘人。見初中二。鄒女士教算學。陳女士講勞作。易女士教英文文法。初中一方教員教國文。初中三。袁女士教歷史。講清史。口齒清晰。語有條例。張教員教動物。用顯微鏡試驗。水中有無草履虫。導觀一周。以時促不及遍觀。其餘各教室。有考試者。有補課者。卽往高中部。見高中上高等代數。及英文等課。並體育考試等。往昆華女子小學。及昆華幼稚園。

昆華女子小學。張女校長。導觀各教室授課。及成績展覽室。學校行政統計表陳列室。此室中所懸之各種統計表。用圖案畫。及各種巧思。運用美的方法。繪成各式之統計表。尤令人爲之引起美感不少。聞是皆出於彭女教員。

昆華幼稚園。保姆四人。幼稚生四組。共九十餘人。見某保姆講故事。幼稚生頗有興趣。某保姆問答歌辭。笑容可掬。幼稚生尤見天真。總觀昆華女高中。初中。小學。幼稚。共四部。一千八百人左右。校舍分四處。將來能集中一處。則尤覺便利矣。校外有昆華女中職業社。爲學校銷售工藝品者。共有三處。昔爲學生實習。商品販賣起見。由學生任事。今已改革。不由學生實習。另雇女職員任之矣。

省立農業學校。校長李澍。字沛羣。晤談悉。此校自十六年辦起。今學生分林科一班。三十一人。農科三班。九十五人。園藝一班。五十五人。鄉村師範一班。二十六人。初中三班。一百二十人。補習一班。七十人。共四百人。經費每月一萬八千五百元（滇票）教職員五十五人。教薪占全費百分之七十五。學費收每人三十元。體育費。講義費。賠償費。均于學期終了時。不足者補之。有餘者還之。膳費每學期一百六十元。學生對於農林兩科之實習。每星期一次。物理化學儀器設備。植物標本。自製者七八千種。化學藥品。土壤標本。害虫標本。均有分析化學室。所用之天秤。萬分之一者一架。千分之一者二架。設備方面。尙稱完備。是日午後爲全部中等學生會操。故均不上課。僅由李校長導觀教室一周。

參觀省立昆華民衆教育館。館長周立慈。館在文廟。館中組織分五部。一教育。二生計。三閱覽。四出版。五陳列。經費每月三千一百八十元（新滇票）合舊票應一萬五千九百元。館員主任四人。編輯三人。辦事員二十五人。全體館員三十三人。出版部刊物三種。一民衆生活。二昆華民衆教育月刊。三讀書雜誌。閱覽部。兒童閱覽室。成人閱覽室。雜誌報章閱覽室。開架式陳列室。中分第一科學陳列室。各種儀器標本甚多。第二衛生陳列室。各種病虫。害虫。傳染病菌模型。胎生模型等。均完全。第三美術陳列室。第四古物書畫陳列室。此室余參觀時候最久。且將其重要名貴可珍件之。擇要摘出。並有須考據者。有須改正名稱者。均一一附述如左。

一、西藏銅鍍。藏語曰寨鐸。譯意曰金頂。西藏。紅鹽井。雷公寺。壬子滇西征軍司令殷承瓚所得。內木質。外銅皮鍍金。高二丈餘。六角狀。此

爲滇軍征藏之戰利品。

二、安寧州曹溪寺塔磚及藏文塔磚符字磚。

三、宋拓聖教序。

四、李合章詩稿親筆書寫及改竄圈點者。

五、陳圓圓畫像二。一少年時之像。一晚年投入空門後之像。按圓圓本姓邢。因其養母陳姓。故改從之。康熙丁巳。原像燬于火。後人以其諫吳三桂而不從。故削髮爲尼。識高于三桂。智能自全。同治十二年。山陰陳鷗重摹此像。今昆明西關外三聖菴。即圓圓當年修真地也。

六、楊升菴先生畫像及竹杖。杖有銘文及跋語。

七、明戶部張侍郎之象笏。

八、杜文秀之龍袍及衣。平天冠。玉帶。並帥冠龍椅等。按洪楊之役。兵力未及雲南。是以滇中僅有杜文秀擾亂未久耳。

九、繡出獵圖十二幅。工細絕倫。

十、潘榮貴王帽。

十一、大般涅槃經四十二冊。裝一木匣。版本字迹清晰。紙張羊皮雙層。印刷亦良。

十二、戶部倉斗。康熙四十二年十月造。高三寸八分。縱六寸。橫七寸。鐵質。

十三、楊文襄公行書手卷。

十四、各種銅質及鐵質官印百餘顆。搜羅殊不易。

十五、瀧州白夷布告。其文字別爲一種。與普通蠻夷不同。

十六、苗夷服裝。及用具。武器。而以弓箭最爲精良。

十七、古代祭器。中有兩罇。及一觚。一洗。一甗。一鑪。均銅質精良。

十八、隋俑二。

十九、至正大圓鑪。

二十、銅觚。標籤爲小銅瓶。應改正。

二十一、明譚氏墓誌銘。標籤誤書黑板。此乃用硃砂寫于石板上之墓志。置于墓中。元明兩代。往往如此。矧此時余已詳閱其文。知爲墓誌銘無疑。如譚汝利字喜子。南安人也。體仁慕義云云。下有年七十有七。廷壽六年七月等字。非墓碑何。

二十二、諸葛銅鼓二。按昔曾所見銅鼓甚多。未必卽爲諸葛銅鼓。蓋據滇釋考證。皆蠻人之用具也。

二十三、宣光戰勝俘虜品。此物標名應改易。須令閱者引起民族之思想爲是。

二十四、顯州中臺軍印。鐵質。而標名誤臺爲臺。誤軍印爲圖記。應改正。

二十五、永歷帝碧玉璽。是日因另藏一館員家中。未見。約明日往觀。

是時已三點多鐘。因往訪張西林廳長。故未能閱。徧卽出。待明後日再往補閱。

是晚樓君邀宴商館三樓。座客有袁樹五先生。及袁藹耕廳長不佑。並周申甫先生。王君孟懷。何校長。李校長。李校長。鄭秘書。雷秘書。何科長。李校長。周校長等十五人。余與王君二十三年不見矣。席間。袁先生談及余三十餘年前。卽有科學書。送學部審查者。故當時卽知有無錫侯某也。九點半鐘。席散回寓。

雲南建設廳長張君西林。對於建設事業。聞尙努力。惜彼此兩度互訪。均未克晤談。雲桂交通。汽車公路。明年可實現。昆理交通。今年年底。卽可通車。松岑先生介紹余游點蒼之函。今以時促道阻。目前不能達的。明年之夏。聞周申甫先生云。松岑尙須來游。余當結伴同游。

大理之雞足點蒼未可知也。

余此次來滇。龍廳長考察未歸。袁代廳長雷秘書等招待甚周。可感也。且得與袁樹五先生、周由兩先生等唱酬。並惠墨寶。尤爲可欣之至。

第二章 昆明游覽及參觀

十日晨樓君肯堂携其長女雲生。偕余同龍君見芝。携其長子志雲。同乘教廳袁廳長雇來之汽車。出西門行三十里。至高曉。停車步行半里許。即至西山之南麓。登西山入普賢寺。寺已破碎不堪。寺門有聯云「自東漢以來二千年變幻滄桑開古刹在西山之麓五百里蒼茫雲水蕩塵襟」一入寺見大肚佛一聯云「開口使笑笑古笑笑今凡事付之一笑大肚能容容地於人何所不容」過普賢佛殿西行入楊莊介公祠。有楊升菴先生之像。有碧磧古蹟四字之額。又有益都耆舊四字。龕中有楊毛二公之神位。毛公玉當年爲六科給事中之領袖。偕諸巨跪宮門。爭大禮。廷杖死獄中。故此間同祀二公也。有張維翰題壁四首。茲摘第二第三兩首爲分詠二公者。詠楊公云「一疏爭大禮。生死別刑餘。何期遷客至。端占故人居。悼友應成夢。無官好著書。暮年收骨去。猶食錦江魚。」詠毛公云「杖下塗肝胆。羈魂滯帝京。蓬蒿坏土恨烟雨。故鄉情有宅供人。勲薄田付友耕。主賓原契合。俎豆更無爭。」其他題壁詩佳者甚少。余對於楊毛二公之祠。俎豆千秋宜也。但祠名祇稱楊而不及毛者。何也。出饗堂見碑記及楊莊方知此爲楊公原有之宅。階下左有一碑。曰海莊右有一碑。曰寒泉。下有泉。頗清冽。出祠仍東行。過普賢殿。出殿門。左有曙霞樓。右有函月樓。均未登覽。即出。並在寒泉之畔。余携二雲及樓君龍君攝二影。以留作西山寒泉之紀念耳。向西南行里許。折而西北。行七里許。復折而西。沿山綠竹叢篁。青蒼一色。夾道蔽陰。時氣候較熱。因在綠竹叢中。較爲涼爽。遂席地坐。並爲二雲攝一影。行二里許。即抵雲棲禪寺。俗名華亭寺。寺前一大圓池。繞而西行。入寺崇隆。規模顯煥。佛殿等均新修。可觀也。余等先至客堂。知客僧互通姓名。有一老僧。名幻碧。能詩。與余談。所言有中肯者。視余以從前所作。有點蒼山白雲歌一首。甚佳。余因和其原韻爲贈之。

劃然長嘯。天地中名山大川。赤足氣凌空。西南七省。踏遍關河。宵月白。瀟池寄跡。金馬碧雞。暫作客。吾覺吾心大澈。大悟。更何心心。心相印。欲脫皮囊。還未得。惟有自尋痛苦。苦行行到處。山河水曲。且留住。人間無處不有深心人。可以談詩坐禪。垂釣焚香。共朝暮。難得今朝聯步。西山翹首。白雲浮。雲棲小憩。暫時其話亦足。小勾留。老僧佳句。令我吟哦。不能置。安得常住。此山排除一切心。悠悠。

華亭寺一名雲棲禪寺。余自普賢寺至雲棲。道過叢竹。至爲幽靜。余爲雲生志雲二人攝一影。題曰二雲小影。余既抵寺。得詩一首。行行八九里。一徑幽篁裏。古寺曰雲棲。禪房暫休止。亭午日陰陰。茶味淡于水。靜觀情無言。俯仰窄天地。

雲棲寺素餐

肉食日已久。山中偶素餐。果然風味好。遑論有飢寒。

附幻碧之點蒼山白雲歌原作

一片白雲蒼山中。蒼山無雲蒼山空。山自蒼蒼雲自白。蒼山爲主雲爲客。白雲出岫本無心。山欲留雲雲不得。白雲不爲蒼山生。蒼山自有白雲住。蒼山深處白雲多。白雲蒼山相朝暮。山自靜兮雲自深。雲山佳處欣勾留。蒼山閱盡幾興亡。白雲千載空悠悠。

余偕二雲來游雲棲。訪雲超方丈。未晤。遇幻碧和尚。唱和蒼山白雲歌。適得五雲爰賦五雲一首云。
山雲寒不動。身入白雲裏。來去五雲深。呼雲雲同住。

余等素餐後。即往寺中周覽。並攝影四。以時間之不敷。西山之太華寺、三清宮兩處未去。卽下山循舊路而行。

按西山勝蹟有四寺。普賢、華亭、太華、三清也。三清有崖洞甚寬大。情未能遍游爲憾。往三牌坊訪江蘇同鄉張多記。張君壽卿。此君嗜石書畫古玩。晤談之頃。卽出視所藏之珍品。而以關於佛經及藏文與法器等居多。而錢幣亦收藏甚富。余擇其最可珍者十餘種。詳誌于後。

一、原始文字一冊。其式皆象形。觀所畫之字。以木醜烟滋爲之。其文字爲廿二章。其頁數共廿三頁。其紙張皆厚甚。其質似以木質打爛

而成之者。

二、西藏王宮中所藏金字藏經。與普通藏經不同。其文均如工楷。一筆不苟。共十二頁。分兩卷。

三、緬文佛經。共五頁。一索。雙皮紙。用木筆所寫。

四、貝葉經。緬文。三卷。

五、佛象有三種。一比丘相。一聲聞相。一說法相。

(1) 緬甸木質佛象。(高三寸。座下有緬文數字。座後刻武進張濤卿同繼室昆明黃玉英。請緬佛一區。誓信三寶。)

(2) 暹羅銅佛。(高六寸。有銘文曰。武進張濤卿。無錫江。驪珍。夫婦皈依三寶。敬請暹羅國古佛一區。唯願歷代祖先。同登淨域。)

(3) 唐代印度(流金)金佛象。(銅質。身高一尺五寸。上身裸。流金。)

(4) 西藏佛象。(十一面觀音。銅質。鑿金。高五寸。有十一面。八臂。第十面。爲金剛面。第十一面。爲佛頭。)

(5) 西域泥佛。(又名鹽水佛。兩盒。有八十餘種。大小式樣不同。蓋藏人死後。用鹽水洗身。焚化後。以其灰捏造而成者。)

六、法器。(1) 鈴。(銅質。其紋有繆絡。)(2) 鐸。(銅質。厚三分。)(3) 杵。(六輪之別。有大小不同者。共十餘種。兩杵交叉之杵。爲羯

摩杵。蒙古郵票之花紋。即有交叉之杵。暹羅郵票亦有四輪六輪之杵。)(4) 獅吼杵。厚一分。

七、查聲山昇墨跡。手卷一幅。寫李龍眠作蓬社十八賢圖記。書法似唐化虔字碑。

八、西藏黃教祖象。宗喀巴。寧夏人。雲南喇嘛教之祖象也。銅質。面容慈善。兩手取一繩牽二花。此爲說法相。帽爲塔耳帽。

九、董其昌書杜工部巢父歌長卷。卷長三丈餘尺。筆勢飛舞。款字活潑玲瓏。尤爲可愛。圖章亦元宰真迹。惟自是君身有仙骨句。則仙

爲靈字。識者疑之。竊謂古本唐詩。或作靈字。亦未可知。明版者。倘猶有遺跡。可求歟。待考。

十、張船山字屏四幅。款署船山張問陶五字。細閱印章。亦確爲真跡。

余來滇。自與滇中諸耆老往還晤談後。覺諸先生皆能于保存舊文學之中。通知世界潮流。所著各書。均有益吾中國文化前途者不少。如袁先生之滇釋。由先生之滇錄。周先生之身膺雲南通志之重任。均滇中之祥麟威鳳也。

由夔舉周惺菴袁樹五三先生。均有詩贈余。寫作俱佳。余均一一和之。並步其原韻。秦光玉先生來訪。適余未返。故不克晤談。惜鄭榮昌先生亦無緣一面爲憾耳。

贈由夔舉先生即步其贈別原韻

西南著碩夙知名。萬里欸關好識荆。愧我風塵偶萍聚。佩君咳吐瞬珠成。樓居涵翠碑欣讀。滇錄留青心益傾。積極還應頻說法。舌花蓮燦筆花橫。

酬周惺菴先生見贈即步其原韻

鬚眉皓白仰丰采。車馬風塵慨遠征。一紙因緣憑鶴望。卅年文字佩鴻名。滇池釋史綱。青簡明政盟。碑訪石城病。馬西山斜照。裏臨厓長嘯。不成聲。

答袁樹五先生見贈即步原韻

衡文浙水溯當年。迹寄京華渺九烟。歸老湖山欣仰斗。靜觀桑海慨流川。漫游似我真堪笑。同歲登君亦有緣。昂首輝雲金碧護。塵裝妙句壯南天。

十一日六時半起。七時往昆華師範學校。演講勤毅二字。爲師範生修養之要素。八時半講畢。即往昆華小學參觀。

省立昆華小學校長王潛遠。學生十八班。共一千二百七十四人。教職員三十一人。經費每班新票七十元。共新票一千一百九十元。課外有自由作業。及運動。並圖書閱覽。民衆團。即將學校圖書公開閱覽。學生利用課外作業時。民衆團團覽。訓育以積極指導爲原則。家庭訪問。家庭通信。家庭聯絡。開懇親會等。無不盡力之所能爲者爲之。見王教員燮卿。任二三年級之二部教授。二年讀書自習。三

年算術教授。及黑板練習。一、生板書。各生抄寫。即往三年問答生字。及講授編配合宜。足爲模範。李教員淪經。一年二學期讀法問答。有一生答語甚清晰。而有思想。尙教員偉臣。教四年級。板繪各圖。教授竹工筆架。講工作之次第。魏教員教高小六年級算術。馬教員教高小五年級算術。參觀兩教室後。卽出。

私立生生保育園。晤副主任楊靜珊女士。參觀朝會。及宿舍。作業室。食堂。遊戲室。盥洗室。更衣室等。佈置整齊。秩序井然。其最優者。宿舍之整齊清潔。與南菁學校同。

參觀省立昆華中學校。校長周栗齋。校舍分南院北院兩處。北院爲初中學生。南院爲高中學生。教職員三十餘人。學生共四百六十餘人。經費每月演票二萬五千元。由周校長導觀各教室。見授英文。算學。物理。國文等課。物理化學器械甚多。博物標本模型亦敷用。圖書館藏書尙多。閱書者平均每日四五十人。學生閱書興趣。以文學爲多。社會科學次之。自然科學又次之。南舍爲三進會館。岑毓英宮保之祠。有岑公像。足以起人景仰岑公之心。寄宿舍。膳堂。禮堂。運動場等。參觀一周。卽出。

午後三時。往雲南省教育會。演講西南各省參觀之一得。聽者甚衆。無意中遇錢平階鄭一得兩君。均舊識也。錢君在民元。民四。兩度北京開全國教育會議時所認識。鄭君曾一遇于滬。再遇于錫。曾參觀余競志及百一樓。此爲民十五年之事。鄭君贈余印刷物十種。鄭君榮應贈余鑿寶子碑。山君贈我滇錄。袁君贈我滇釋。王君維屏贈我雲南擁護共和始末記。及滇茶十種。是晚省教育會公宴余於會中。返寓已十點鐘矣。晚飯後。偕周館長復至民教館。補閱陳列室中之物。並與張君濤卿爲改正物件名稱數種。又在民教館爲本日會中諸君指畫墨竹八紙。並贈民教館一大幅之雙竹。爲留館之紀念品。

是日。補錄楊升菴先生竹杖之銘。此銘爲石祥老人趙藩題。云「貴公子名狀元。老戍客。舊史官。死留一杖。未賜環。挂者忠。孝。擊者奸。藏圖。書。府。金。碧。問。太。乙。下。照。光。燭。天。」

十二日。樓君邀往知樂園早點。吃過橋麵。時昆華女中楊校長。接受女生之要求。今日邀余往其校演講。並問題目。擬先宣布。余允以午

後四時。題則女子教育之過橋。楊校長去。余即借樓君、張君濤卿、高君仰之、王君維屏等。同游黑龍潭。志之如左。

黑龍潭者。以池上有黑水祠。漢地理志。黑水在滇西。漢人於此。望祀故名。潭水深且黑。中心約深十丈。故水面澄清如鏡。而不能見底。時有珠泡上升。故又名珠泉。王君汲珠泉一升。携至觀中。煎茶飲之。味淡而潔。珠泉一名龍泉。唐杜鴻漸詩。有雙溪夜月鳴寒玉。衆壺秋空。斂翠煙。顧洪都。觀志謂即此觀也。觀距城二十里。中經虛超菴。白龍潭。而至此。潭上有亭。可憑欄以俯潭水。小魚活潑。游泳水中。聞人語驚而伏聚于萍藻下。潭旁有石橋二。一通道觀。一趨山麓。高處爲薛爾望先生之合家殉難之墓。蓋當時薛先生全家投黑龍潭。死事甚烈。潭上有碑。記其死。謂薛大觀。字爾望。明庠生也。明季鼎革。沙之變。率家人置酒亭上。賦詩從容。舉家投于潭。妻楊氏。男之翰。男婦孟氏。女夢雲。捧玉。婢蘭馨。同時挽手以沈于潭。且有一犬。銜婢衣。因赴水以死。嗚呼烈矣。倪應頤撰書。鄭榮昌亦有謁墓記。墓在祠後。前有堂。供薛先生神位。入觀。有唐梅三株。枯幹不生枝葉。從根旁又生小枝。冬日開花。宋柏三。余見爲二。龍泉觀中。古木甚多。宋柏千霄。憂雲古色。蒼然。高均二十餘丈。余繪一圖。樓君龍君各攝數影。既至客堂。飲茶。高君仰之。王君維屏。親執炊事。味佳而腴。游覽觀中。一周。時已午後三時。余與張樓諸君即行。並購鄭榮昌謁墓記。及阮文達公詠唐梅詩碑而返。

午後四時。至女中講演。以禮堂地窄。聽者不敷。即至省教育會。余說女子教育。自東渡來。吾中國後。又以英美法德之女子教育。西渡來華。結以個人對於女子教育之四要素。即知識。豐富。才力。果毅。責任。擔當。經濟。獨立也。

晚往民教館。觀永歷。玉璽。質碧。玉文。勅命之寶。四字。高一寸四。周各三寸二分。上有紐。龍形。已碎。缺一角。館長贈余朱拓一紙。夜爲樓王張龍諸君。指畫竹石十數紙。復爲袁周由鄭諸君指繪八紙。

十三日晨。王君維屏來。偕訪郵局王君志。遇常熟同鄉陸君壽南。談久。王陸兩君。堅欲邀余午餐。余以時促。心領。再三辭之。而別。是日。張君本約游筑沙寺。嗣以一夜之雨。不能止。即作螺峯之游。午後偕張君濤卿。王君維屏。同游螺峯山。一曰圓通山。山麓有通寺。寺有一牌坊。建築甚宏。張君濤卿告我。謂此坊。即將第三坊移來者。故所有木料。甚堅實。大雄寶殿之塑像。神態生動。衣折手勢。與尋常

雕塑不同。雖曰元塑。似乎不類。聞此寺在明季重修。故所有塑像。確爲明塑。固已難能可貴矣。登山麓。有潮音洞。俗名觀音洞。內容甚深。奧曲折。余與張王二君携電筒入洞。自右而左。繞一周而出。洞爲石灰岩。故鐘乳石甚多。此洞倘以人工修整。可成一佳洞。山麓之西。有龍主席新闢之洞。尙未竣工。聞費已不貲。余等往觀一周。洞深十餘丈。轉折四洞。彷彿闢爲四石室。然施工正勤。年內可竣工云。訪永歷遺跡。逼死坡。有碑一。曰明永歷帝殉國處。此爲昔日金蟬寺之遺址。今爲電政局及電話公司等。北門外有永歷帝燬骨處。即昔日吳三桂蒿葬永歷處也。

遇昆明市政府教育科科長。詢悉昆明市教育經常費。每月六萬二千八百元。小學占百分之八十。中學占百分之十。社教占百分之十。小學三十一校。中學一校。社教則僅有市圖書館一。宣講所八。書報閱覽所四。其餘均在計畫中。尙未能實行。

晚間爲各校長及教育會教育廳諸同人。指畫竹及石。又爲張高王樵諸君。各繪竹石。張君濤卿來。囑帶金戒指一只。與其岳父江耀山君。又屬余題跋彼所藏之各物。如魏碑兩種。藏經一幅。牒一紙。均爲之各顯數語以還諸。

是晚江南會館同鄉會邀往晚餐。同鄉余君。宜官。字子春。談同鄉某君。經理會館田產舞弊事。是日濤卿仰之及姚君佐治陸君等均在座。蓋會館自阮文達公督雲貴時所建。故屋產均甚富足。惜前年會館爲火藥所焚。現已一片焦土。恢復無期矣。張君贈余古物。多足資史料之考求。卽分述之如左。

一、綾質朱書藏經一幅。所寫藏文。均工楷。至可寶貴。

二、西藏之曼陀羅經一方。按曼陀羅者。譯音卽世界二字之意。

三、塗金泥塑藏佛一尊。背有四國文字。一華文。二滿文。三蒙文。四藏文。有乾隆年製四字。此質爲喇嘛死後。骨焚爲灰。和泥所製。

四、孔雀石。顏色綠甚。張君告余曰。此銅鑛也。亦卽石綠也。此種石綠。六七十年。尙易購得。現已不易得矣。

是晚張王兩君。至夜午方去。余亦倦甚。時已鐘鳴二時。余復爲張君題畫雙竿之竹。蓋張君新續戀膠纜三月。其新夫人名玉英。故余戲

題之云。

不是松濤聽有韻。却教竹玉靜無聲。客中指畫雙竿意。三月東風倍見情。

又題藏經跋語一則云。

武進張濤卿。吾錫百歲翁。江映蓮先生之孫。塔耀山先生婿也。嗜金石書畫。研求佛學。深明義利兩字。游滇二十年。江南同鄉會選舉爲董事。好行公議。鄉人咸德之。余來滇。贈余多珍。且擬他日將所藏古物。運回江蘇。辦一博物館。永作江蘇公物。此西藏經文。工楷可珍。有覺世覺人之意。濤卿自覺經商數十年。痛苦備嘗。故多覺悟。恰合余所提倡之痛苦覺悟修養幸福之旨。故珍重爲濤卿題之。告以痛苦備嘗。幾多覺悟。急宜修養。以祈幸福。余雖不佞。竊有感焉。借此西方片幅。祝君前路長春。

第三章 自滇至越

十四日晨。五點半鐘。即起。樓君已備早點。並助余收拾行裝。以聞余前日言過一百五十六個山洞。煤氣窒塞。惜少酒精一物。故備酒精爲余應用。余深感謝。即以毛巾將酒精搵濕。以備車中之用。余又將書籍碑帖等。均託樓君代分三捲。掛號寄回。高君仰之來。即雇車與樓君送余上車。余此次住商務書館三日。樓君招待周至。臨行賞館中僕人拾元。

既至車站。匆促之間。行李上車。忽覺余之手杖不見。蓋已忘在人力車上矣。急與高君往尋。則樓高二君所乘之車尚在。而余所乘之車已去。高君急令所乘之車往尋。許以尋到給以一元。既而張君濤卿。王君維屏。鄭君秉元。均來車中送行。濤卿且携其子榮昌同來。時高君來云。所尋車夫二人。均不見矣。已命車行謂速于三日內尋到。送張道記或天然旅館。賞銀三元。濤卿云。此事大有雋味。昨見博物館中楊升菴先生之手杖。蓋昔在一乞丐手中。由地方官取置館中。今日病驢老人之瑞士手杖。我看亦要留在雲南博物館中。與楊升菴先生之杖。並爲二杖矣。但途中無杖可扶。我有一杖。乃昔江蘇朱竹卿先生者。來滇數十年。身後遺此杖與我。蓋此杖爲雲南古籐爲之。濤卿即以此杖授余。余曰。余之杖來自瑞士。隨我九年。三得三失。此次倘能尋到。明年余再來滇。當以此杖互換。亦韻事也。余即接張君

貽我之杖。並賦一詩以謝之。

屈指扶持已九年。一朝失去意茫然。謝君貽我雲籐杖。助我登山並涉川。

少頃七點鐘。車開行。樓張高王鄭及榮昌六人均下車。脫帽相送。余亦憑車窗。高舉余帽以應之。徐徐至不見人影而止。余在車中。把玩濤卿贈我之杖。不禁慨人事之渺茫不可料也。余之瑞士購五杖。一贈王君。一贈顧君。一在瑞士山中遺失。一在福州遺失。僅此一杖。追隨九年。三得三失。前在柳州遺于汽車中。而復得之。今必遺在雲南。此杖命之注。定而余又得濤卿贈我以朱竹卿之杖。一得一失。此竹卿之杖。其亦注定到余手中者。雖然。者番來滇。濤卿厚我多矣。余得一詩錄左。

失杖得杖歌

瑞士杖。助我危登幼女峯。九載矣。追隨艱險步從容。三得三失不足奇。奇來雲南失其蹤。前日觀光民教館。升菴竹杖留其中。今日揮手別雲省。胡爲匆促遺吾筇。吾筇曷足思。顯晦各有時。筇主各有定。天涯何所之。吾友張君時方手一杖。道是江南朱氏之所遺。是殆雲南著名之籐本。質堅力大足供老人持。余拜受之。敬謝張君意。余手扶之急。應賦新詩。失一杖。得一杖。此中自有因緣法。從此登山涉水仍足以支撐。得者失者片時主客均困乏。念舊念新此理真渺茫。如何希望吾道大行驥足長途輒展發。

車旣開行。車中臨行時。高君介紹之唐君治民。乃滇省鴻源泰之經商者。年少老成。初往上海。故同車談話。頗不寂寞。晚至阿迷州。余寓天然旅館招待處。唐君寓大東旅館。余在寓中。補作黑龍潭詠唐梅原韻。

黑龍潭詠唐梅宋柏

盈盈百尺碧澄潭。氣蘊蛟龍光斗南。老幹未枯新畫本。盤根猶護古神龕。寒花翠。陰名入詠蟾。月蛇雲舊蹟。探黑水祠前丹竈話。漢時望

祀志叢談。

謁薛爾望先生祠墓

此心皎潔似梅花。有國安知復有家。一死千秋輝日月。闔門全節燦雲霞。夫妻子女婢同殉。孝烈忠貞氣可嘉。犬噬人衣亦投水。先民奇史益光華。

本日計支滇票購四等車票七十八元四毫。阿迷州天然旅館招待處計滇票十二元半。又零用及點心等。共用滇票五元。

十五日晨五時半起身。六時早餐。即至車站。六時四十分鐘開車。唐君告余自雲南至阿迷州。車站凡十六處。自阿迷州至河口。車站凡二十處。自老街至河內。車站凡三十四處。自河內至海防。車站凡十二處云。

晚至河口。晤河口督辦簽字處孫君。招呼簽字。即過河。至老街。天然旅館。惟經過河口海關。及老街法人所設之檢查處。均須受檢查。然後方至天然旅館。余與唐君街上散步。至一無人荒野處。樹木茂盛。人煙却無。風景尙可。惜爲時已晚。故即返寓。七點十五分鐘。往法人所設廉訪處。以護照携往。請法人簽字。否則明晨不能通過也。河口老街兩交界處。簽字檢查。凡四次。是日計支房伙行李上下及一切用費共法票三元。

十六日晨。過老街檢查處。仍須檢查。上車購火車票。計法票兩元四毫六仙。車中食用。法票半元。晚至河內。仍寓天然旅館。賬房云。福建會館。前昨兩日。均有人來接汝。且電話已數次來問汝到否。余即屬打電話通知福建會館可也。晚餐後。即往福建會館。晤陳李二君。知白君昨晚已赴海防。惟明後兩日。海防無船開。須下星期五方有也。即晚同訪郭君。聞因病不能見客。留片而返。少頃。白君自海防返。亦來寓。於是陳李白三君。復索畫。余爲之畫竹石各一。並爲郭蘇二君。畫竹各一。復爲福建學校書門聯鍾靈毓秀四大字。福建學校橫額四字。言明明日星期。陳君擬送余往海防。惟簽字未就。須至星一。可否星一往海防。余以無船則往海防待船。不如河內多住一日。亦無妨也。

河口爲昔日東京。今安南之王已遷往中圻。此間街道甚寬。兩旁多植樹木。與上海法租界形式相似。但不過具體而微耳。余本日本在車中過安拜車站時。爲檢查者作從來未有之檢查。將行囊衣被。件件亂翻。且將枕被撕破。可謂無微不至矣。不禁爲之憤慨。

爰爲之歌白燕一首以寄憤懣云。

南山有白燕。營巢畫棟間。故主滄桑變。舊廬規制刪。新主築新廈。新巢泥銜閒。態度似舒適。飲啄似安閑。一朝羽毛豐。飛翔南山巖。偶爾遇故主。網羅多荆芟。不但不能解。矧爲陷井關。助紂增苛虐。奴性益貪饕。蒙犬以狼皮。嚙人窺一斑。甘心作鷹爪。背主太冥。嗚呼奴中奴。覆巢無完卵。回首舊梁棟。新巢墮泥塗。

第四章 越南

十七日、上午、陳李白三君來。並携蘇代表表柬。約今晚在福建會館晚餐。午後、陳君以汽車來接。往蘇君處。偕蘇君清帆、李君、蘇君根、補、乘車同往西湖。觀真武觀銅象。象爲宋代至和年造。高九尺。重六千六百斤。大南成泰五年九月二十日重修。紅銅所製。鬚眉容顏。尤爲生動。後殿供關聖。氣象肅穆。蓋越南人之迷信神道設教。不亞於中國一般舊社會之人。惟其關聖真武。最爲崇拜。故今日尙有漢家文字之聯額。絡繹於眼前。且署款多前清官制。語意均對仗工整。是猶可見一線之中越關係。足以表示於外者。

西湖真武觀

一片波光鏡觀前。民間香火向綿延。範銅爲象。咸瞻仰。劫火成災。未播遷。聯額均存漢又字。創興共憶至和年。鑄修成泰新。南史紫色摩娑重六千。

驅車至河內公園。樹木茂盛。池塘清淺。動物園之一部。禽有孔雀、鸚鵡、鸞、鴛鴦之屬。獸有麋鹿、狐、鼠、猴、兔、水獺、豪豬之類。蘇君指鉄欄中。謂此間均畜虎豹熊羆之居。今或遷移他處。未可知也。園中場地寬廣。徑路屋宇。周有綠陰環繞。故停踪坐息。或自行車往還。均感便利。本日爲星期。是以游人出入甚衆也。

河內公園

南國園林勝。驅車一覽餘。池塘鏡清淺。樹木蔭扶疎。獸固安其養。禽咸得所居。眼前好風景。借箸感吾慮。

驅車往游博物館。至則門前特標遠東古物博覽院七字。蓋所陳列者。爲越南、中國、日本、高麗、印度、緬甸、西藏、琉球、暹羅等國。以及苗、蠻、夷之土人用具。並古時留遺之各器也。余等入門簽名後。先參觀越南一部分之金石、陶、缶、碑、柱、雕刻等。繼觀各處之石器時代、銅器時代、陶器時代之各種用具。均從各處地下及塚中所得。陳列於樓之上下。共數十室。數百欄。以及大石有古文字之雕鑿。與大銅器之完全及粉碎者。無不裝置完美。可以極東方之大觀。惟觸目驚心而不忘者。則景泰藍之七尺大瓶、古鼎彝之三代遺物、象牙寶玉之精細雕刻、春明故宮之御用器物、陶磁金石之各珍品。且有乾隆嘉慶年號之款識者。是皆警告於眼簾之前。如入故宮博物院之院也。蘇君清帆一一指示之。日本暹羅等物。則不如印度之物較古。其餘以時促不及詳觀。樓凡兩層。上下周覽而出。過劍湖。繞河內商埠一周。驅車往蘇氏分號。過北甯省。至沖舊省。抵新源興。晤蘇清明之尊翁鍾堪。年六十九歲。精神矍鑠。猶有兄鍾駕。七十五歲。在海防經商。蘇氏旅越經商五十餘年。昔爲兄弟公司。繼而分號各立。在河內者。新福隆本號。清明經理。在沖舊者。爲新源興。蘇翁之外孫郭想時。經理全家。卽住于此。良江省有福利分號。爲清帆經理。余等既至沖舊。少坐。卽行。偕蘇陳諸君。驅車往諒江。至福利分號。卽偕清帆等。往良江街上散步。見市面不甚繁盛。約走兩街。多廣東商店。閩幫只兩家。粵人有三四百人。店戶百餘家。有中華會館。門額爲鄭孝胥督辦邊防事務。侯補四品京堂時所書。入門則供奉關聖及天后等神象。有廣東人主持館務。余以一見中華會館。已知此間之華僑奮發有爲也。漢字聯語。及匾額題跋甚多。有中法影戲院。已閉門。余過此街時。兩面住家。見余服長衫者。均注目之。蓋此間久不見有服長衫之人至矣。故頗奇之耳。

今日所經過之大河流。一紅河。一富諒江。其餘小河流三四。均有鐵橋經過。而紅河之鐵橋最長。約三公里。合華里四里半。中間鐵道兩旁。汽車道。靠橋欄爲人行道。每隔半公里。有一梨口。以備往來汽車。及人力車之躲避。建築工程。稱爲世界第四。云富諒江之鐵橋。亦頗堅固。此爲富諒江之支流。水勢已甚浩大。較之紅河之水。則相去甚遠耳。

午後五時半。別清帆而偕陳君及蘇君清哲、蘇君根補四人。驅車返河內。共六十華里。時天將暮。途中見越人有攬攘黍車。收成晚歸者。

有清風徐來。正在插秧者。有鄉村矮屋。相與晚餐者。田家風景。固然樂矣。其如終歲劬勞之爲他人耨。何以起地氣候之。付稻田。每每畝可三熟。其富也。可知無如人民程度。尙低淺。何聞近年知識似較前爲提高。留學國外者亦大有人。則他年或尙有希望也。

驅車過北寧省。市街繁盛。瞬息掠過。抵河內。已七時矣。卽抵福建街福建會館。以應蘇君清明之約晚餐也。是日在座者。有洪君、郭君、蘇陳白諸君。主人則福建學校及蘇君清明也。以閩語之困難也。由陳君代表致辭。肴饌俱美。席既半。余起立演說今日之三感想及三希望。席終時。已十時半矣。白君送余返天然旅館。少坐而去。

余連日以海防無船到埠。故在河內少事勾留。爲福建諸君所挽住。蘇君陳君均勸余遷居會館。余以卽往海防。可以不必。但彼等以爲何時有船到埠。何時開船。蘇氏有分號在海防。立可知之。况清晨蘇君清哲等。卽往海防。午後卽有確實消息來河內也。不得已。姑俟明日探定消息再決之。

十八日晨起。見有雲南梁姓者。昨日自海防來。今日由河內往老街。據云廣東船已開行兩日。至少星五有船開香港也。

東京旅邸

三日居諸感想多。銅琶一曲奈愁何。曉風楊柳驚殘夢。夕照關河痛逝波。杯水朋儕相勸勉。車塵歲月總蹉跎。踰墳膺無限酸辛事。忍聽鄰兒夜唱歌。

吾華僑民。每多神話。往往以敬神之禮。爲聯絡同鄉之誼。是亦足以表示其愛鄉愛國之心者。如諒江中華會館之奉祀關聖。河內福建會館之奉祀媽祖是矣。按媽祖爲福建仙游林姓之女。幼時以孝女聞。曾于大雷雨時。父與兄弟駕舟出海捕魚。船覆。女習水性。力救父及兄弟出水。相傳爲口啣父耳。手援兄弟。以母之呼喚。因應母而父已不及救。僅援其兄弟二人。後閩南航海者皆祀之。以爲救助。頗著靈跡云。

午後陳李白三君來寓。同往福建學校晚餐。爲郭國卿、蘇清帆、洪雲翔、蘇清盤等。指畫墨竹及石八幅。並書福利、東成、新源興、新成錦等。

尺四大字。及媽祖祀前二門之孝行靈跡四字。是晚以時晚不及返寓。即住校中。偕陳李白三君夜談。有感。陳君示我以舊作亡國恨。知越史丁望建國事。及阮知方黃耀阮高等殉國死事之二烈。爲之黯然。得詩一首。

國弱強食。肉土死不受辱。忠烈事可哀。孰削南山竹。

題贈郭國卿指畫墨竹一首

夙慕汾陽譽。惜哉未識荆。傳聞嗜書畫。藉以締交情。愧我指頭墨。呈君紙上聲。一竿相贈處。亦足表堅貞。

爲福建學校指書聯語。復題一絕。指書短幅留校。蓋氣候炎熱。戲詠之耳。

『南炎朝氣盛。東閣夜涼生。祇爲室多竹。墨痕指有聲。』指室中余繪竹十數紙。故云然。

十九日晨氣候較涼。故睡夢甚濃。迨起盥漱。校中已上課兩時矣。此校兩教室。而陳李二君每週各三十四時之課。加以監自修。閱課本

算稿等。及課外各事。亦云勞矣。余又見學生在課外。執書來校問字者。夜間猶絡繹不絕。既見陳李二君之誨人不倦。又見諸生之好學。故余特寫溫故知新四字。以留校中。爲獎勵勗勉之資。

十一時放午課後。陳李二君陪余回寓。收拾行李。將遷移至福建會館。以待海防之船期。蓋昨日蘇君根補已調查船期。來電報告。星三

瀛洲到海防。星五開船。星四廣東到海防。星六開船。瀛洲早開一日。而遲一日到港。廣東遲開一日。而早一日到港。蓋一則海南等埠尙

須停船。故五日或六日始能到港。一則直達。兩日或兩日半必到港。於是陳李諸君均勸余乘廣東船。星五開行。目前暫搬福建學校樓

上。較覺涼爽。爲是。余以二君之殷摯。情不能却。即令天然旅館開單算賬。豈知陳君已代余算清。余決不應。再三取單。方以兩元一毫法

票奉還陳君也。此次天然旅館。以覃氏之介紹函。以八折計算。且昨晚未住寓中。僅算兩日。可爲公道。至爲便宜矣。

午刻遷至福建會館。午餐。餐後以氣候大熱。寒暑表高至一百度。故學校停課三小時。休息。至午後四時上課。余即在食堂帆布榻午睡。

一覺醒來。已四時。陳李二君時已上課。余即登樓盥洗。補記日記。時有郭君懋晉。即國卿先生之第二子。在某洋行任事。談及一切。約余

今日晚間往彼處憩坐。且乘汽車遍觀河內省之市場及夜景。陳李二君下課後。相與約定晚餐後。往郭氏憩談。並作夜游也。是日因午後無事。氣候雖熱。而校中師生。依然上課。因賦一律以寫贈之。

學子恂恂共一堂。天真爛漫質純良。勤培道德與基礎。競惜光陰量短長。五育端推智弘遠。百源尤在體剛強。炎。炎。氣。候。羈。南。國。珍。重。前途萬苦嘗。

晚餐後。郭君懋晉。自架汽車來。偕游東京。周游河內省夜市及風景。時陳李白三君同乘車行。先自福建街。過廣東街。西人街。繞劍湖一匝。而過紅河大鐵橋。此橋名羅培埃。Dummer 爲法國第十三任總統之名。曾在越南任六省參辦。故以其名名之耳。橋長約三公里之遙。過此則爲江南矣。驅車直達西湖。乘涼之人甚多。沿湖樹陰草地。到處皆游人。席地坐者。聯臂立者。男女老幼。往來蹀躞。其間者。汽車人力車。皆停待道旁。余車御風掣電。驅掠而過。其所以不久停者。以湖下水氣。經一日驕陽之蒸發。晚間風拂湖心。撲面皆炎風。不可耐耳。過西湖。越博物館前草地。經河內公園。穿過林蔭森森之道。又約十餘公里。仍繞河內省邊境而還。計是晚行四十公里。約華里七十里。返至郭懋晉君之福錦成。憩坐。飲汽水後。懋晉之尊翁國卿先生。因病未能出見。客由李白二君代達仰慕之意。即邀余入內一晤。時國卿先生病臥榻上。勉起。握談數語。並道企慕。且致歉忱。國卿先生年六十二。商於越者四十年矣。面色清癯。因病不能久談。余等寒暄數語而出。懋晉又驅車送余返福建學校而去。

是晚余得詩四首。錄左。

過劍湖二首

驅車繞劍湖。湖水清且漣。可以濯纓否。還應問逝川。
湖心有孤亭。一葦可航之。子誰招隱垂。綸尙非時。

過西湖二首

西湖兩度過。環湖綠樹多。驅車乘夕涼。其奈炎風何。
環墳趨炎熱。息肩披晚涼。豈無垂釣者。獨披羊裘裳。

是晚蘇君清明等來談。攜其二子根味同來。偶及余之近作。篋中無所有。僅有記吳芝瑛葬秋瑾事一文。因分贈之。蘇陳李白四君。偶詢及余之身世。爰寫一律以答之。

那堪回首溯當年。壯不如人老益堅。詩酒猖狂天地窄。家庭顛沛死生憐。虎狼盜賊頻番歷。水火干戈萬苦綿。南北東西靡所騁。淚痕和墨寫燈前。

是夕氣候大熱。寒暑表華氏升高至三十六度。卽攝氏九十度矣。故夜半不能睡。因得詩一首云。

四圍氣太炎。轉輒不成寐。如何往華胥。趨避陰山背。我欲登雪峯。另闢境。蒙昧我欲入地窟。穿破冰洋海。如無長房能。胡以知顯晦。仰首長吁嗟。涼風透胸抹。

二十日天未明。余臥帆布床。半置窗外。涼風徐來。竟體覺爽。夢中爲風所醒。卽移臥室內。至早晨八時始醒。起而盥漱。聞陳李二君已上課兩時矣。補記昨晚日記。蘇君清帆來。取去前晚余所指畫之竹石各一紙。

十一時午餐畢。偕陳李二君閒話。陳君詢余出版物甚多。何無批評文字。余謂欲發表批評文字。必其人之學問思想高出於一切。而受批評之人。對於批評者。必完全能受其批評。否則反唇相譏。必爲辯論。成文字之辯駁。口舌之競爭。誠謂無爲之筆戰矣。所以批評之著作。必先自問自己之學問思想。是否有創造發明之價值。評論某人某種之言論。及某人某科之學術著作。使受批評者。不但無反駁之餘地。且受其批評。而自認改正其謬誤。此種批評著作。始足以不脛而走。至於古人有懷疑之端。亦可作懷疑之文字。然此種懷疑文字。與菲薄古人之心。則不同。今人往往自學甚淺。每以一知半解。非議古人過去之著作。與讀書得間。起懷疑之思。是以前者爲薄古之心。後者爲研究之態。薄古之心。爲自夸之思。所由起研究之態。爲好學之心。所驅使。所以懷疑有希古進步。求知深造之希望。薄古有自

驕自畫落伍退步之可慮。是非批判文字範圍中所可等量言者。余以個人能力心思學術。實無可信之端。雖在少年狂妄無知之時。往往口頭雌黃。前哲目無古今。然壯年以來。覺得不但古人不可妄論。其是非曲直。即今人不但年長于吾者。其閱歷經驗。勝吾多。即並世而生之同年儕輩。及年少于吾之後生小子。其知識學問。吾亦不敢輕斷。其是非。蓋他日彼至吾今之年齡。其經驗閱歷。又必勝于今日。而吾則其時已不知退化。到若何地位矣。此後生可畏。孔氏之言。不我欺也。批評云乎哉。評論云乎哉。陳君聞之。以爲余之謙辭也。孰知不然。余之爲此言者。乃吾昔日以幾多口舌之爭。而惹無量之痛苦。不但名譽之有損。且有生命之可憂。故平心而論。是昔日之誤。以過刻之批評。招無窮之挫折之由來。而今覺矣。悟矣。且自慚修養。正在幼稚之年。何敢再有批評文字之發表耶。

午後天氣太熱。陳李二君。以冰水浸香蕉食之。停課兩小時。余則午睡于食堂電扇之下。覺清風徐來。吹夢華胥國。去約兩小時。爲隔室兒童讀書所醒。乃起而以自來水盥漱。食冰水中之香蕉兩枚。覺神清氣爽。得詩一首。

飯罷華胥午夢成。醒時驚聽讀書聲。浮瓜沈李解炎暑。一掬寒冰神益清。

贈蘇君清明並柬郭君鏗標暨郭君國卿

太息吾生萬苦綿。屢蒙誤墮。三年漫游南國。逢青暎。嘯拂東風。盈雪巔。異地炎威。望霖雨。祖邦鄉誼。飲甘泉。賴君醒彼沈。酣夢竹表。虛心石。颯堅。

題贈郭君國卿墨竹

病榻延賓夜未央。平生欣慰識襟裳。莫嫌南國炎風裏。斗室匆匆竹自涼。

是晚爲蘇君及李君士奇等又書畫數紙。既而白君邀余往美景茶點。時偕陳李二君同往。食冰凍茯苓糕。及珍珠冰等。歸寓。余得詩一首。以贈白君。

一杯涼透茯苓糕。又飲珍珠冰。米膏冷澈肺。肝清沁齒。天然美景月輪高。

二十一日、白君邀余及蘇君清明、陳君少峯、李君明聰、同往攝影館、同攝一影、以留紀念。
余來安南、時聽空中咄咄之聲、既而知爲守宮之鳴、奇哉、安南之守宮、果胡爲乎而鳴哉、其求伴侶耶、其尋飲食耶、抑氣候炎熱所致耶、此當習之研究動物心理學者、余好奇心切、詢問多人、均莫明其故、陳君少峯云、東過東興、守宮卽無聲、西來荳街、卽有鳴聲、余更奇之、卽賦詩以記之。

越南守宮

奇哉越南之守宮。有聲咄咄鳴空中。其聲似燕鳴較鏡。其鳴似鼠聲較洪。東達東興便絕響。西來荳街聲益弘。爲詢所以發聲故。是何作用試研窮。其或啼飢而求食。抑或失伴而求雄。豈因氣候過炎熱。呼喚風雨浴其躬。抑或亡國有餘痛。廣求同志效愚忠。四者必居一。於是吾儕胡以識其衷。惟待叩之博學者。動物心理求其通。客中朝夕聞咄咄。奇哉越南之守宮。

陳君少峯贈詩卽步其原韻留別

自慚病馬努。征程氣吐長。虹腰劍橫磨。以須猶有待。不期而遇慰平生。尋派夙緣左。蒞越風塵好。句成書翰惠。予欣拜賜。壓裝行色壯同盟。

留別李君明聰二首

青蓮藝術非凡品。妙筆榮華擅勝場。難得南天植殊種。絃歌聲裏有花王。李君善繪牡丹

最是依依別緒牽。臨歧握手話南天。明朝揮手海濱去。相約他年着祖鞭。

留別白君嵩景

豫約同行十日前。豈知相左道途艱。連朝歡聚仰丰采。兩度輸君先着鞭。
昨宵冰點解炎渴。今日歌詩代繹辭。揮手明朝海濱別。天涯重晤不需時。

是晚驅車訪郭君。過劍湖。燈光繞湖濱。夜景殊佳。法人之建築市場。往往於此種地方注意。所謂風景區。與市廛共設一處。蓋引人入勝也。矧南天炎熱終年。須有綠樹陰森之處。環繞于眼簾之前。尤令人往來其間。不覺炎之甚。但覺清風徐來。湖光掩映於樹色。車聲聞也。往蘇君處。飲薄荷露及冰水過多。腹中頗覺不舒。歸臥片時。聞客多人來。李君士奇、蘇君清明、清盤等來。屬余以前日所書諸額。署款蓋章而去。余復以贈陳李白三君之詩。以指頭寫之。

福建學校有梁生。以臨摹炭畫成績贈余。亦報以指竹一紙。又爲陳貽澤繪竹石各一紙。

二十二日晨六點鐘起。收拾行裝。七點鐘。蘇君清明。以汽車來相送。於是略食茶點。八點鐘即上車。李君明聰、李君士奇。送至校門而別。福建學校學生。全體排隊相送。余爲之答禮感謝。蘇君清明、清帆、白君嵩、陳君少峰。均同上車。送余至海防。惟陳君以課務託貽澤代爲溫課。而送余。未免使余更抱歉矣。自河內至海防。如乘火車。爲一百零三啓羅米達之遙。須三點鐘之久。如乘公共汽車。亦須兩點四十分鐘。今蘇氏以自己之汽車送余。非常之快。約兩點半鐘。即能到海防矣。

途中經過法人兵房數處。均整整齊齊。蓋前日所見稍有不同者。則人物之多寡。房屋之大小而已。過海陽。亦爲一省。人煙尙稠密。華僑數百戶。以廣東人爲多數。福建人不及十分之一。又過城市數處。此外原野。均田畝縱橫。正在第一期收成後。第二期插秧。或耕田時。而農人忙碌。大多數婦女。從事田間苦力勞作之舉動。男子則從事農工者殊少。此可見越南人民男惰女勤之一斑也。

十點二十分鐘。車至海防。停驂于蘇氏所設之新福和號。清哲根補用。迂入店中。蘇經理清勤出陪。談久之。知此號主人。卽清勤之父。鍾堪。年七十六。在老街店中。即鍾駕之兄也。於是將行李遷入。略飲汽水冰露等。由清哲少峯導觀汽水廠。少峯云。前數年卽在此間。教授蘇氏之子姪。後往河內。故此間同人頗相知也。導余參觀汽水製造之機器。先冷壓機。繼裝瓶及製汽機。以及洗瓶與瓶蓋等裝製辦法。此廠大致須資本四五千元。附設於號中者。用工人二十餘人。每年生意。約數萬元。除瓶料工資外。年可盈餘十分之一二利息云。又參觀肥皂廠。此廠殊大。有鍋鼎九具。原料則花生油、椰油及鹼。與硫酸等質。規模宏暢。鍋爐用木柴。石鹼、原油。均來自南洋及越南海口等。

處工人五十餘人。資本十數萬元。所出肥皂牌號有兩種。一爲羊牌。一爲犀牛牌。均銷往南洋及越南各省。銷往內地者僅一部分耳。今已在廈門新設分號。專銷羊牌。大約內地可以從廈門批發。每年推銷總數約一百數十萬元。其利亦溥。約有百分之二十以外利息云。午餐後。略事休息。余以護照託蘇君根補。往法領事署簽字。約三點十分鐘。須自往該處以待簽字者之問話。於是店夥某君解法語者。導往白君。恐余言語之不懂。或有差誤。亦偕往焉。至該臬司署。先由越南辦事人問某君。繼而余告之以由海防往上海云。少頃。法人至。以余之護照相余之面。問年歲籍貫及所往何處。某君告以廣東。余曰否。往上海。然後余與白君先出。坐汽車中。待久之。某君始以護照出。告余曰。侯某爲中國之官吏。故欲面詢一切耳。余曰非官。某君曰。雲南法領事之文。曰中國政界侯某過境云。白君曰。此雲南外交處。鄭重簽明侯君爲江蘇教廳秘書故耳。於是大家爲之一笑。即開車回新福和號中。又隔一小時。蘇君清明、陳李二君、蘇君清帆、清哲、根補、鄭君雲瀚等。與余分坐兩汽車。余所乘之車爲新福和之車。清勤之塔、洪君親爲御車。甚捷。開足七十度之速度。閱過途中汽車十餘駕。以一點鐘走七十里之速度。不到四十分鐘。已抵塗山。停車於蘇氏仲駕之弟新福隆分號。此爲法人避暑之海濱。故蘇氏亦有分號在此。專做暑期生意。約三四個月之酒水及雜用各貨耳。稍憩。晤蘇君清帆之三叔。年六十五矣。即乘車行約十餘里。見海濱浴者甚多。惟設備尙未完全耳。少頃。車至逢渡停止。下車繞海濱乘涼。清帆爲余等攝影。二又登逢渡之山。約半里。有鐵椅四。可以坐憩。隔海一灣。有升旗山。爲各輪船出口入口之要地。時涼風徐來。紅日西下。胸襟壯闊。萬慮皆消。少頃。天將薄暮。西人汽車絡繹來此者。不絕于道。余等則下山。乘車返矣。

塗山海浴

萬馬奔騰水一灣。浪花飛濺四山環。幾多名利玷污垢。都付波濤淨滌刪。

逢渡乘涼

自然邱壑自然園。聯步登臨雲補根。百道澗聲來遠谷。千層雪浪打花簷。旗升金頂塔燈影。鐵架高臺水電源。萬里來游七星聚。豪吟鴻

爪此留痕。

迴車至蘇氏分號下車步海濱沙地觀潮

瀨瀨蒼波萬騎來。濤頭一線似奔雷。兒童戲泳喧騰笑。鷗鷺輕浮往復回。似聽蛟龍潛海谷。縱觀島嶼擬離堆。月明歸去沙濱過。習習涼風胸次催。

是晚李君清勤設宴於私宅。邀余晚餐。時主賓十人。有劉君子謙。爲蘇君之戚。亦明晨與余同船至香港者。主賓集三省之人。肴饌蒼四省之產。唱酬交錯。杯盤羅陳。主人情重。客頗抱慚。飯罷爲主人及清哲根補等。指繪竹石九紙。有陳君士奇亦擬乞余指繪一紙。諾之。時至十時。客散。清哲導余及少峰。至清勤宅中。指一書室。爲余臥宿。入室陳設華瞻。空氣新鮮。余與少峰夜談。十一時始臥。

二十三日晨早餐。收拾行裝。九點鐘乘汽車至海濱。登廣東號輪船。時送行者爲蘇君清明、清帆、清哲、陳君少峰、白君嵩景、蘇君根補。又有陳君士奇、鄭君雲翰等。均至船上。士奇贈余餅干兩盒。鄭君贈余詩兩冊。清哲贈余慎餘詩草十冊。清帆贈余玉桂一枝。根補贈余橘梨等件。少峰贈余玉桂一枝。嵩景贈余玉桂兩枝。李君明聰贈余藥水兩瓶。此次在越。承蘇氏昆仲之招待。以及陳李白三君之雅意。殷殷臨行。又承清帆在船攝影三紙。以爲別時紀念。十點鐘開船。彼此脫帽相招。爲禮而別。

第五章 由越至港

余自海防上廣東船。蘇氏昆仲及陳李白諸君。送余上船後。購船票。普通艙六元。購房榻五元。共十一元。因二等須三十七元。三等須二十七元。四等須十四元。故購統艙。而買房榻。較爲便宜也。

海防留別蘇氏昆仲及陳白二君並送行諸友

萬里萍踪集海濱。須臾揮手又征塵。大蘇雅誼小蘇熱。太傅高情少傅真。敬謝諸君勞遠送。相期祖國策從新。好憑異地逢知己。一指因緣着手春。

十點鐘開船。蘇陳鄭白諸君均握別。余返船中。與劉君子謙。上下兩榻位。劉君性誠實。籍閩思明。居鼓浪嶼。去年送其孫女來海防。與鍾堪之孫結婚。小住安南十閱月。今彼獨返廈門。惟身體甚孱弱。怕風浪。故到船中。即僵臥不動。余則往來船面。貪看海景。不覺風浪之大也。

午後二時。已出塗山之口。約數十里。車輪甚捷。風浪漸大。余在船面觀海。水蒼茫。怒濤捲雪。東南風迎面而來。船首或俯或仰。跨浪而過。四望船周。風狂浪疊。空濶無邊。不覺吟情陡起。得詩一首。

滄溟壯濶。四無邊。大地孤行。勢向前。破浪張。驚探宿海。馭風列子。送歸船。豪情奮發。凌雲起。鷁首低昂。捲雪穿。屈指匆匆。八旬日。幾多友誼感南天。

余四時返艙中。見劉君蹲地。啜聲不絕。余榻上之物。均移置榻前。余箱及舖程皆濕。蓋頃間風浪。已從窗口衝射而入。各榻均濕。茶房忙於灑涼。各人之衣被氈褥。無暇及余之書物。故暫置榻前。而劉君則嘔吐不堪。故伏箱上而呻吟不置也。余即自理濕物。復稍休憩。此艙在船首。故顛簸尤甚。日前陳君少峰。曾言船首之艙。最爲顛簸者。即此艙也。艙中凡五人。尙有吳姓招姓二人。爲粵籍。陳君爲閩籍。吳年較老。約四十餘。望之本似有病狀。今因風浪之顛蕩。更頹然臥榻不能動。招陳二人年甚少。亦僵臥不能起。惟余則洋洋如平常。少頃。劉君則臥榻嘔吐不止。氣味四溢。余不能耐。即起往艙而閒步。久之始回艙中。見彼四人均臥不能起。劉君則呻吟猶未已也。余即獨坐觀鄭君所贈之駱越雜詠。及南蔭近草。蓋兩種皆爲莫君雨濶所詠。詩筆清雋。殊可讀也。駱越雜詠中尤多越史之可稽。藉供采風之資料。故在大風浪顛簸中。誦之煞可解悶。時茶房來問要用飯否。四君皆搖首示不能食。余獨點頭示可。於是飯來。余即獨餐。且以根補所贈之梨橙兩種。各食一枚。復往艙而閒步。見排山之浪層疊而來。船客無一至艙面者。余獨步往來約一小時。下艙見招姓客起坐。謂余曰。老先生體強健。飯吾輩少年均無能也。因略談彼此道姓名年籍。知吳君爲海防某校之教員。昔爲廣東師範出身。茲以病返里。招君亦大學生而未畢業者。現在安南某埠經商。彼陳姓者。爲閩籍中學生。亦經商于越埠者云云。余頷首謂之曰。風浪雖大。余尙不覺頭暈。惟

多食水果。多在艙面散步。似亦足以解悶。君盍往艙面一觀。招君曰。然。去未久。即回。仍臥榻矣。余憐閣南蔭近草未畢。劉君又嘔吐不止。余促其往艙面散步。然竟病莫能興。余勸其食水果。彼飲冷水一杯。又臥倒矣。時已將暮。余往艙面。見明月一輪。已由東透。而夕陽霞綺。倒映海面。燦爛可觀。得詩一首。

夕陽餘霞返照碎。濤雪明月方東昇。涼風來習習。

返艙無聊亦倦臥。

二十四日晨。船已過北海。風浪大平。上午朝餐。劉招二君略進飲食。吳陳二君則依然未食。余固飽餐。及大食梨橙兩種。又得詩一首。

梨雪并州爽。橙黃新會名。助予消化力。尤感故人情。

艙面閒步。遇時習教員楊君。略談海防華僑教育。知時習爲譚君興蒼承父志而辦此校。捐款不少。刻已十餘年。學生有四百餘人。小學七班。中學三班。共十班。有僑英學校。爲廣幫公立。學生亦五百餘人。中小學均有。共十二班。此外有女學一校。私立二校。學生均不多也。各華僑私塾甚多。不免有意見之紛糾。故不能一律入校耳。見船中所載之貨。有青蛙數百籃。每籃約數十。茶房每籃私開提二三。共得數百。另裝私貨。而有躍躍欲出者。未幾。有十數青蛙之死而復蘇者。皆跳出艙面。自由入艙。或他遁者。噫。青蛙爲有益稻苗之動物。而粵人食之者尤多。究其來源。均自越南水田中捕得者云。

午後過七洲洋。一片汪洋。清波淡蕩。時方上下一色。水天相接。風景殊佳。得詩一。

浩浩清波四望空。汪洋一碧水天同。孤舟指定羅針向。側耳惟聞雪浪淙。回首海南瓊島過。登樓星北啓明窮。忽看白鷺沖波起。飛入滄波標渺中。

晚餐。惟余與招君兩人。劉吳陳三君。仍不能進飲食。余閱清哲所贈慎餘詩草。爲羅君慎餘作。清哲雲翰兩人所梓者。詩律甚平。而箴銘之命意甚佳。閱畢乃睡。

二十五日晨六時起。盥漱畢。即收拾行李。七時船抵香港。余將行李交泰來旅館接客。即下電船。時人聲喧沸。客上下扶梯上。剪徑者混迹其間。一轉瞬間。一粵婦人之金鑷。由一人在彼臂上一握。已不翼飛去。旁有一人謂余曰。老先生袋中之物。亦他往矣。余笑謝之曰。多承指教。惜余袋中空空如也。其人驚而指余腰間鈕扣。曰。其手已入此。余俯首顧之。果然鈕扣已開。惟余早爲之防。袋中僅手巾一。安然猶在。蓋彼宵小已探入袋中。知空無所有。即去也。噫。港廣滬三埠均同一風。尙旅行者可不慎哉。余幸拜去年九江之賜。否則今日不蹈覆轍者幾希。既登岸。寓泰來旅店第六十四號室。

余既至港。安置行李畢。即早餐。時已十時。往先施公司。訪孫君章護。晤談。得家書。知許君有他就說。往商務書館。晤程君雪門。朱君道利。略談。即行返寓。馮家書挽留許君。並告即日返里。惟上海之船須三日後方有也。補記日記畢。程君雪門來。並將前寄存之衣包還來。並約往筲箕灣游覽。即偕程君乘電車至筲箕灣。蓋此間爲一鄉鎮。下車後。行數百步。至海口。即香港入口處。其水道祇能行一船。不克兩船肩摩過也。商務書館新建貨房。尙未竣工。亦在筲箕灣附近。蓋預備機器印刷及儲貨處也。歸路。乘電車過游泳場。即參觀之。並入場憩坐。第一至銀行公會游泳場。乘涼休憩。游泳者僅三數人。以時尙早故。第二至青年會游泳場。地方面積較寬。程君約余即在此處乘涼及晚餐也。時游泳者十數人。未幾男女老幼絡繹而來。俯視游泳之人。漸多。其最近岸者。以竹欄之深僅二三尺。其中層則深四五尺。其外層則深七八尺。有幼童以浮水之圈習泳者。有婦女在淺水中游泳者。有熟習水性而任意游泳者。有飛躍而入深處者。有練習水面擊球者。有互相競賽者。種種淺深技術不同。而身體之強健可知。程君云。各業均有游泳場。而以政府游泳場設備最爲講究。其次則南華游泳場。今年遠東運動占優勝之楊雪瓊游泳第一。之中國小姐。即南華游泳場中之翹楚也。尙有足球大將某君。亦南華游泳場之能手也。此間華人游泳場共六處。每日上午七時開門。夜間至十一時止。大約在夕陽西下。六七時至九十時。人數最多。蓋各業均于收店後。方能有暇來游泳耳。余聞程君言。並晚餐所見。因得長歌一首。以志港中華人游泳之踴躍。

觀香港華人游泳歌

山環水複。一灣碧天然。池沼傍沙。嶺南天炎熱。好泳游。日日泳游人。千百就地建築游泳場。起居食息均安詳。朝暮咸來此游泳。最好時光趁夕陽。夕陽斜照水波湧。海上涼風習習起。紅男綠女老幼攜。羣來此地作水戲。有時拍拍似鷗翔。有時昂首魚鬣揚。有時隨波目上下。有時躍入水中央。水深不懼龍潛底。水淺身輕行且止。或作鴛鴦角。逐來或效鮫人伏。磯渚一輪明月已。東昇電燈照耀波。光騰水花亂。戲水球爭競。賽往還。方最勝。聞道遠東得錦標。南華士女盛名魁。此間游譽日。鵲起還希勝者。莫誇驕。我來參觀僅頃。游泳之興不能遏。願為救國諸君進一言。鍊成銅筋鐵骨之人格。

晚餐後時鐘已九下。即偕程君乘電車返寓。知前寄存商務印書館之書一包。由朱君已飭人送來。

二十六日晨六時起。盥漱後。即收拾行裝。將舖程衣箱書一包。寄存泰來賬房。余僅携毬子一條。籐籃一只。由店中茶房。送余渡海。往九龍。至廣九鐵路火車站。購三等票一元一毫。(港洋)渡海及茶房共三毫。余昨日以法幣十七元。法幣六毫共登港洋三十元購報紙一毫。途中購食物兩毫。至廣州乘車兩毫。車中乘客擁擠甚。沿途風景。山多平遠。地多良田。村舍甚寥落。有大村鎮三四。此為快車。故小站不停。大站五六。均有馬路通汽車。而樟木頭一站。停車最久。以交車故耳。過大河二。有鐵橋較長者四。過山洞七。有一較長之山洞。行約五分鐘。恐有七里之遙。又見兩岸田野。多植果樹。而以荔枝為多。近日正荔枝上市時。途中站上。提筐呼賣荔枝之聲不絕。鐵路兩旁之榕樹及白楊榆樹甚多。其餘如梅桃梨橙洋梅等。均有之。迨至廣州已十一時半矣。

第六章 廣州

余自民國元年。曾一度至廣州。民國九年。自南洋返國時。待船香港。又曾乘小輪至廣州一次。今日到廣州為第三次矣。所見與疇昔不同之處。則道路展闊。建築恢弘。市廛高大。三四層及五六層之樓房。觸目皆是。西堤一帶。尤為繁盛。珠江大橋高十餘丈。可以起落。昔之必以小舟渡江者。今則可從橋上行矣。雖然。此猶在表面言也。至于學校。類多新建校舍。各機關房屋。亦多新建。市街整齊。中學林立。汽車電車。絡繹于道。在西南各省之都。會建設。當然以廣州為首屈一指矣。

余既至廣州。即寓西堤中央酒店。五樓五百廿五號。房屋並不寬敞。房價甚昂。每天須兩元四毫。以既來之。則安之。急呼午餐。一飽。雇人力車。往永漢北路商務印書館。携程君雪門之介紹函。往詢蔡經理公椿。適有事他往。副經理黃君漢生。亦他往。李君佐才出見。謂于民八九時。曾有一面談。及蔡君。方知即昔日在福州時。朝夕相見者。本熟人也。少頃。黃君來。言及余之匆匆到廣州一行。擬即往各校參觀。於是黃李二君。商定參觀省立女師。市立一中。市立圖書館。永漢公園四處。即由李君陪余往各處參觀焉。

廣東省立第一女子師範學校。校長李雪英女士。教務羅宗堂。訓育朱明光。總務馮秉綱。全體教職員八十餘人。學生初中普通九班。高中師範九班。共八百六十八人。附屬小學。高中低三級。幼稚一級。共九百人。教職員六十人。中學教員男多于女。小學教員女多于男。經費每月一萬二千餘元。小學之費在內。教職員薪。占全費十分之七。餘爲辦公費。由訓育朱君。導觀校內一周。本星期暑假大考已完畢。因會考而教員尙有爲學生補課者。見高中三年補授地理。李教員在大禮堂。集三年級之三班於一堂。補課。圖書館藏書萬餘冊。統計學生所閱覽之書。以文學爲最多。其次則教育藝術等書。對於家政方面。設備較爲完善。烹飪實習室之磚灶十餘座。銅鍋數十副。灶面皆舖以磁磚。取其潔也。西洋烹飪鐵灶一座。碗匙盞盤。均甚整齊。桌椅亦排列合宜。總理紀念室。師生捐建。二週紀念會時。雕刻一女體育家石象。以表示本校注重體育之意。儀器標本室。與自然科學圖書室。自然科學教授室。在一起。佈置甚善。調查歷年師範畢業生。平均有百分之七十。服務小學校者。百分之十。服務于各機關者。百分之一。升學者。百分之一。在家庭中者。此亦可徵良好之成績矣。

廣州市立第一中學校。校長黎傑。晤談。悉學生初中十一班。高中十一班。共八百餘人。教職員六十餘人。經費每月九千八百餘元。行政方面。分總務教務訓育。訓育方面有主任及班主任。訓話方面有團體訓話。個人訓話。黎校長導觀校舍一周。新建校舍。建築費十七萬。頗見崇隆。高大儀器標本。在中學方面已敷用。圖書館藏書三萬餘冊。學生閱書興趣。則偏于文學方面居多數。余因詢及廣州市教育概況。時黎校長偕梁君某說明如左。

市立中學三校。市立師範一校。市立職業三校。市立美術一校。共八校。市立小學凡九十四校。學生總數。中小校共有三萬五千人。全市

教育費共有一百六十萬元。尙有中山圖書館及博物院兩處。亦在一百六十萬中支用。

廣州市立中山圖書館。代理館長伍伯勝。編目廖景桐。晤廖君。談悉此館開辦僅有一年。內分總務、購置、編目、閱覽、典藏五部。館員二十五人。經費每月二千餘元。館員薪金占十分之八。餘爲辦公費。購置圖書費。每年核定三萬元。閱覽人數。每天最多一千八百餘人。最少九百餘人。平均一千三百餘人。閱書分類。則以文學方面之書閱者最多。其次社會方面之書。其次自然科學方面之書。閱覽之人。則以學生爲最多。廖君導觀一周。知藏書共約十萬冊。內分中籍九萬餘冊。西籍五六千冊。此館舊書。均從廣雅書院移送而來。故頗多佳本。明版書有十數種。元版書僅見考堂先生考索集一部。爲宋章俊卿編輯。共六十四卷。每頁十四行。每行二十八字。黑口線裝。字迹清晰。書庫兩處。書架分兩種。一木製者。有玻璃窗。一鐵骨木墻者。無玻璃窗。無玻璃窗者。風起塵易汚。此宜注意。閱覽室。分兒童閱覽室。普通閱覽室。雜誌閱覽室等。美術品陳列室。尙在籌備中。編目中籍用杜定友十種法。西籍用杜威十種法。館舍崇隆偉大。建築費三十萬元。余贈圖書館書籍九種。

市立永漢公園。樹木陰森。花圃錯雜。樹下乘涼。亭中憩坐。均足資人以遊覽。有各種動物。分列四面。亦可爲小小一動物園也。晚五時至商務印書館。晤蔡君公椿。多年不見。握手甚歡。惟蔡君略有喉病。就醫歸來。略談。即邀往大新晚餐。黃李二君偕往。蔡君言及福州舊事。回首三年有半矣。余得詩一首。

贈蔡君公椿

三山一別已三年。回首前因繚似烟。我已飽嘗塵世味。君先努着粵東鞭。五羊萬卷書城擁。大廈層樓鄰架編。堪笑萍踪真瞬息。菌香蝦菜味淵然。

晚餐後。余因欲訪蔡寒瓊君。爲去年蔡君蔚挺介紹者。忘其地址。故李君陪余往各書局。訪問四五家。均未知其住處。噫。年餘夢想之文字交。今至羊城。而竟不獲一晤。殊可惜也。且余四月間。遇黃君金海。亦曾提及。而此時蔡黃二君。均不得一晤。何緣之慳。竟若斯耶。姑志。

遺憾以待他日重來。

訪蔡君寒瓊未得地址竟爲之交臂失之賦詩一首以寄蔡君蔚挺于南昌

千里神交半載前。者番一面竟無緣。携將詩句待商訂。空入寶山祇自憐。還望南昌消息問。俾教北學素書傳。倘能重稅五羊。駕握晤從新約後年。

返寓適大雨。衣履爲之盡濕。悶臥寓中久之。起而將本日所見志之聊以解嘲。並將濕衣晾乾。即臥。時鐘已十二時矣。

羊城一瞥

廿載前曾兩度游。匆匆往返未勾留。春燈一鶴曾聯詠。夜雨孤鴻說自由。此日羊城又瞬息。故人馬尾憶離愁。舊時街市勞冥想。漏滴銅壺訪古悠。

二十七日天微明即起。昨晚雨甚。氣候較涼。盥漱畢。略食餅干。命茶房向賬房開賬。並托其購車票。共付銀五元二毫。七點二十分。茶房送車票來。計一元六毫。時方大雨。賬房來言。尙須隔半小時上車。余趁此瞬息之假。補志昨日所見中山紀念堂之壯觀於左。

中山紀念堂。建築于民國十八年始。兩年落成。其式爲宮殿式。其頂爲圓穹狀。而有一大金頂。遠望之似北京之圓丘。又似某道院之玄穹殿。又似某軍閥之廬山蒼穹宮闕。堂之四周。均朱扉。堂之頂瓦。形圓而色黃。四面滴水。均綠色之瓦。日光所射。玻璃燦爛。堂階高七尺。均雲石爲之。階下四周空濶。用大方磚。均縱橫四五尺者。塞門汀爲之。擊槍之士。四面守護。吾儕望而生畏。故余與李君。繞中山堂一周。而風雨方甚。不得已而即行。建築費聞五十餘萬云。堂之後。有紀念塔一座。如華表之高擎。如浮屠之雲聳。過此者莫不瞻仰徘徊。竊嘆民國以來。廣東之大建築。斯堂可謂極偉大崇隆之尤者矣。

七點四十五分鐘。冒雨上汽車。直達廣九車站。登車待久。至八點三十分始開車行。九廣火車。計鐵路一百二十英里。合華里三百六十里。早車爲快車。僅停四個車站。一石龍。二樟木頭。三深埔。四深圳。過大埔後。即過山洞六。迨抵九龍。已十一點半鐘。下車渡海。抵香港。逕

往先施公司訪孫章護先生。不遇爲悵。乃詢之賬房中人。謂孫先生今日告假。明日當可晤面。余告以欲往上海。擬電話孫君。告之。並向其令姪相堯。取寄存之物。少頃。相堯來。即同回泰來。飭一茶房。隨相堯往其家中。取前余所寄存之網籃一只。於是即收拾行李。計共四件。豫備下船。並托泰來購定太原輪船之票。即乘電船往江心。登太原輪船。時已兩點多鐘。泰來囑接客者送余上船。待至午後五時半。始開船行。劉君子謙。昨日未能成行。今日仍同船行也。

余既至船中。特別官艙。已均告客滿。不得已而即住餐堂中之一沙發。暫爲寄跡。好在兩三日之起居亦未始不可耳。

此次余在香港。僅住一夕。即往廣州。而所開之賬。除代購太原官艙廿四元外。旅費上下計三元九毫。又加下船檢查費七毫。共廿八元六毫。均港銀也。篋中港銀已罄。不久抵滬。可用國幣矣。

舟中無事。雜記所憶。覺此次廣州之行。所見建築之宏。莫過於中山紀念堂矣。作中山紀念堂頌辭一首。得十六韻。志之如左。

中山紀念堂頌

民國再造。建設特崇。觀音山麓。羊城厥中。相地高嶺。庀材鳩工。經之壯偉。凌空時越。二載告厥成功。形式殊異。頂似玄穹。上棟下宇。黃瓦綠甍。象天象地。闕青扉紅。有猷有爲。園丘似同。外表瞻仰。金碧玲瓏。日月照麗。輝騰斗宮。斯堂偉大。孰與比隆。堂左巒序。弦歌聲雅。堂右石塔。氣象亦雄。我來觀光。景歎無窮。石欄朱檻。霧罩雲籠。

舟中乘客甚多。特別官艙。男女客五十餘人。餐堂中五人。共六十餘人。除女客在官艙中另膳外。男客在餐堂中食者。凡七席。以廣東人爲最多。福建人次之。江浙兩省不滿十人。今日開船時。關員查檢特嚴。久之始去。本定三時開船。嗣至五點半鐘始解纜。明日是否可到廈門。尙未可知也。

第七章 歸程瑣記

余自漫遊西南各省以來。開始于去年九月。湖江而上。越贛鄂川湘四省。而折回江蘇。爲第一次之西南漫遊。爲時凡四月有半。以川省

羈留兩月之久。自本年四月遵海而南。道香港而梧柳桂林。還柳而往貴州。由貴陽而重返柳州。由柳而南寧而龍州。道出鎮南關諒山。而至河內。由越南東京而乘滇越鐵路之車。過老街（勞開）河口阿迷州。而抵昆明。雲南風景與桂貴不同。以道路交通之猶未便利也。致豫計大理點蒼雞足之游。難償目的。即匆匆別昆明。而阿迷州而河口而河內。以海防之無船往港也。致留滯越京者六日。迨海防之船已至。即由海而港。由港而廣州。一日之羊城游覽。即返港而整理歸棹矣。豫計四日或五日到滬。半日即返錫。屈指兩月有半中。過去之種種。雖多記載。然當時有不及記。不便記。不勝記者。今特在舟中無事時。偶一思索。隨筆志之。而爲此瑣記。以遣此苦悶之光陰耳。

(一) 廣西模範省之名譽。繼山西省而起。環顧海內各省。山東近亦名譽鵲起。惟限于匪患。尙未盡除。廣西則匪患已除。僅有少數之盜賊。希望當局注意之耳。吾在柳州。自桂林返柳。知生盛昌會君。有一洋廣雜貨店。在數日前。被盜劫。有盜五人。一守門。一看風。三入店中。以手槍示威。刀砍鐵箱。劫去現銀數百元。後報案追緝。限一星期破案。嗣余又往貴州。再還柳州。匆匆未及問會君。不知此案目前已破案否。在廣西整理民政之時。想此種盜案。不久必破者。

(二) 雲南氣候。以山多而地勢較高。故寒冷甚。所謂四時無寒暑。一雨便成冬。是也。較之廣西之四時。皆似夏。一雨便成秋。則不同矣。惟夏季在雲南避暑。則甚相宜也。

(三) 越南自亡國後。王宮遷至中圻。王制則依然也。余在諒山對汛署。見大南某年甲戌曆書一冊。在東京見大南某年聯額數處。又在騏驢。見越王太子在法國留學時小影一紙。今已畢業回國。新僭旅法華僑某女士訂婚。蓋某女士亦留學法國某校。與越王太子素識。故以同學之誼。進一步而訂爲終身伴侶云。

(四) 越南人之爲虎作倀者。到處甚多。其較爲聰明俊秀之人。少年中亦有留學法國者。爲一部分之知識階級。有中年之舊習未除者。則服務於政界。甘心供虎狼之驅遣。而反以爲榮者。其對於中國舊主人。不但無同情之表示。反多過求之苛待。是真叔寶全無心肝矣。卽年老位高者。亦無尺寸之柄。得假於手中。至於幼童入塾讀書。完全用文字滅國之法。以安南土音。拚法國字母。另造一種安南文字。

五十年來。安南固有之文字。幾如鳳毛麟角矣。且安南原用漢文。惟有許多字。則隨便增損筆畫。爲吾漢文字典所無者甚多。余此次於良江所見之街名。如潛灑塔嫌等字。皆以意爲之者。蓋地名街名。今尙用漢字。神廟祠宇之額聯。均用漢文。官名銜名。亦均用漢官名。如進士、舉人、太傅、少傅、部郎、學士等。吾人驟然見之。以爲漢人也。及觀其姓名。則阮姓最多。黎姓次之。李氏、唐氏、宋氏。皆見有甚佳之聯語。余曾有詩云。

李唐趙宋漢家文。文字猶留七八分。最是阮黎兩大族。與亡卓卓鑿人羣。越南因爭權而亡國。殉難之臣亦以阮黎兩姓爲多。蓋阮黎兩姓爲越南之大族也。

(五) 滇人因出滇境至老街。必過磅。在十數年前。河口某對汛官某君。曾設一大秤懸於梁間。下用大筩斗架之。見法人之肥碩而入境者。必令其坐筩斗中。秤之。法人不許。某君譴吾滇秤物用秤。所以秤人亦用秤。凡重量過若干斤者。必秤之。法人無可如何。則秤之。此事因法人對於華人過磅。故惹某君如此。以報復之。亦趣事也。

(六) 過法境必經檢查。檢查者皆越南人。最爲狐假虎威。而法人則對於新衣新物及書本。最爲注重。一不小心。指爲漏稅。及有不軌行動。大約對於青年人。尤爲注意。年老者則以爲過激之人。較少也。去年三月。爲滇省某要人之子。留學法國歸滇。爲法人檢查。有新衣數套。指爲漏稅。爲之拘留。嗣經某人說明。釋後。某要人之子不允。非令法人有相當之道歉不可。繼而令安南檢查員。向某要人之子服禮而罷。

(七) 越人之教育。與南洋荷屬之教育相似。可見法人之待遇越人。無異荷人之待遇南洋羣島之土民。既以武力占其土地。又改造文字。滅其民族固有性之教育。噫。亡國之奴。其永永沈淪。永無超拔恢復之日乎。

(八) 西南各省。當以兩廣爲文化中心。粵人最富冒險性。故歐美各國華僑。而以粵人爲代表。今中國喧傳以廣西爲中國模範省代表。而廣西之文化。則北由湖南而至桂林傳來。東由廣東而至梧州傳來。所以柳州合湖南廣東兩省之文化爲文化。是柳州爲湘粵渾合之文化中心也。此考察文化者。以爲廣西都會。應設省政府于柳州。而今之移省會于南寧者。以水陸交通上。似較柳爲便故耳。

二十八日、上午、偕同舟之客費君鴻年、施君華慶、陳君子霖等三人談話。三君皆廣西大學教員。費君始在日本研究動物。繼研習水產。今任生物學教員。施君研究土壤學。陳君研究化學。均湘籍。此次暑假返浙省者。

午後補記日記。昨晚海中頗有風浪。今日略平。舟過仙頭。較爲平靜。惟官艙門兩扇。自開船後。均堅閉之。詢之船夥。知海中不靜。時有海盜劫案發生。最近招商盜劫。某公司出事。太古之幸。免防範周也。余笑頷之。但舟中雖有電扇。然空氣沉悶。除與同舟之客閒話外。惟有作筆記及賦詩耳。

余在作筆記時。有一少年客。踞坐余鋪。既而臥倒。酣睡久之而醒。余謂之曰。好睡乎。彼應曰。好睡。少頃。余將鋪上櫬單掃除塵穢。從而反之。余與客語。彼少年客又來。踞坐之。又倒臥。又鼻息呼呼。然睡矣。奇哉。此客。抑何如此好睡耶。又胡爲專門踞吾榻而酣睡耶。姑俟其醒而詢之。豈知時愈久而睡愈酣。不得已而告之茶房。由茶房喚醒。告其此榻有客。欲睡請汝歸自己之榻去睡。此客始驚醒。呵欠一聲而去。

五點鐘。到廈門。停船。客均登岸。有約余同登岸者。余以天熱。且船停海中。上下小舟不便。故謝之。獨在舟中。船面蹀躞。觀廈門山水。不禁油然而思往事。得詩一音。

兩月匆匆過。廈門又泊舟。虎頭應笑我。鷺島慨登樓。悵望雲間語。愁聽水上謳。夜深臨皓魄。遠鏡海天鷗。

二十九日晨。氣候甚熱。早餐後。聞舟中之客喧譁。詢知有一婦人。被扒手竊去鈔票一百七十餘元。在船艙之面悲哭。經舟中人喧查久之。後由竊者撿下一百四十餘元之鈔票而去。此婦始止哭。旁人亦勸慰而罷。

同舟之客。有廣東瓊崖王姓者。帶學生三人。往南京投考中學校。獨臥舟中。時常見其右手向上。作問訊狀。仰面閉目。口中喃喃。不知誦何經典。客有顧而詫之者。旁一學生。謂彼研究佛教者。余屢見其氣候雖熱。終不改其一手問訊。仰臥口誦。喃喃不輟也。旁有一客鬧熱。茶房云。心定自然涼。噫。王君其心定哉。晚爲王君談痛覺修養之方。余贈王君以修身揭言三冊。分贈三學生。王君復索贈一冊。還贈余。

金剛經詳釋一冊。

午後同舟之客登岸者皆返舟。五點鐘開船。有朱君名洗者。浙江台州人。昔日留法之勤工儉學生也。在法十四年。返國任廣州中山大學教授生物學。此次暑假返浙。途中偕同舟之客談話頗健。隔昨與余談有一事足志者。

朱君之言曰。現中國之教育。不免有富貴子弟能讀者。貧賤子弟不能讀者之慨。吾爲勤工儉學生。故有鑒于今日之貧苦學生。無錢入學者。聰明俊秀之士。埋沒于田間。殊爲可惜。安得在行政方面。各中學方面。設有貧額若干人。俾貧苦子弟。有入學之機會耶。未知君意如何。

余答以君言固然。鄙意則以爲今日教育。非中學大學之缺乏人材。乃教育不能普及之爲慮。欲教育普及。非先提倡女子教育不可。是以鄙人之對於教育實施之步驟。(一)提倡女子教育之普及。(二)實行強迫教育。不收學費。俾小學教育之普及。(三)嚴行考試。選出小學畢業成績之最佳者若干人。免其學費。以入中學。(四)師範教育。核定有若干學齡兒童。須設若干小學。而定若干師範學額。不致有供過于求之弊。至于貧苦學生。有志深造者。其成績優良者。可經過考試。而得高材俊秀之人材。可以超拔而出也。

船離廈門出海時。較有風浪。適晚餐。同舟之客。飲食較少。而余則照舊。人謂余之體強健。余笑應之。但今日氣候固熱。而艙中電風扇。固開而未停。人謂此風不足涼爽。余則謂較勝于無。且同舟客多。所謂談天說地。正不覺氣候之熱矣。

晚餐後。施君謂朱君健談。不妨請彼來談。以解此悶熱之光陰。時朱君已睡。不得已大家悶坐空談。施君說笑話以助興。少頃朱君起。余等即呼朱君談天。朱君欣然來。於是圍坐聽朱君之言。朱君提出問題。群贊成。故余特志之。以供將來之研究。

朱君云。中國字。筆畫太多。商務印書館所出之中國字打字機。尋字甚難。打亦不易。曾與同人商量一種改良中國文字之法。其原則。壓扁字。形。抽排字。體。分類。製字。有三百字。足矣。譬如國字。即橫排爲口民二字。譬如森字。即橫排爲三個木字。譬如半嶺細黃山桂影。一川深綠水波文之一聯。除黃深二字。尙待研究文字學者商討之。應如何排列外。其餘十二字。均可橫排。倘有同志十數人。將華字分析編

排後即可製板而成極簡單之打字機矣。余曰：然此可名爲拚形字，蓋變其形而不變其音，便于檢查，而于吾中國文化上關係殊大。惟每一字之中間，有無符號，朱君云：當留一空隙，可以辨別。余曰：然此種拚形字，普行以後，對于中國古書，有多數須供參考者，應如何組織之。朱君云：分部譯編可也。余曰：然此於吾中國文化關係影響殊大，余當爲君志之，以供將來之參考並研究焉。

余在箱中無意間，覓得廣東蔡寒瓊之地址一紙。此卽蕭挺在南昌剪來藝穀之通信處也。奇哉！到廣東而此紙不見，來海舟中，而此紙見。余與寒瓊之緣何慳耶。因得句云：

三蔡失一蔡，蕭挺寒瓊三生無一緣。何時果相見，吾欲問蒼天。

三十日氣候炎熱，同舟之客皆懨懨思倦。餐後，偕客閒談。有北京徐震伯者，談及余有書畫，年少而頗有研究，謂香港多收藏家，均中國旅港之人，有劉氏齋鈞密一件，內綠色油外玫瑰紫色，油值三萬金，而不願出售。又言及琢縣郭世五著項氏磁譜，厚寸餘，圖皆五綵，每冊三百元，一版再版已皆罄矣。按項氏子京爲明代最研究磁器學者，郭氏收贖既富，故著錄甚精，宜其洛陽紙貴矣。余詢以柴密之磁，今尙有不徐君云：真者絕少，所見均僞。蓋與磁譜所載均不符。所謂柴密時如天，閉如鏡，厚如紙，聲如磬（厚如紙者，油層非胎也）。

施君華靡善說笑話，舟中之客圍而聽之。施君云：有人請客，凡客至，主人必拱手問客如何來。首一客答云：騎馬來。主人曰：威武。次客云：乘轎來。主人曰：顯赫。第三客云：乘汽車來。主人曰：迅速。第四客云：徒步來。主人曰：勤儉。第五客云：爬來。主人曰：穩當。第六客云：滾來。主人曰：圓到。聽者皆大笑。

晚氣候炎甚，榻上電風扇不絕。余方臥，茶房閉電扇機括。余詢其故，答曰：先生年老，既睡，不可以風。余曰：不妨，乃重開之。於是電扇終夕不停。余亦安睡，稍減炎熱。

七月一日，聞船上無綫電報告上海氣候，熱至一百零四度。舟中僅熱至九十九度。前數日在香港時，亦不過最熱爲一百度耳。余憶五十年前十三歲時，氣候之熱，亦至百度零三至四。此時正余受吾母炎涼瓜訓，百感交集之候也。回首前塵，爲之泣然。得詩一首。

回首前塵五十年。炎涼瓜訓境顛連。當時苦憶顏霽垂老。詩留反省。編冰語。曷堪投沸鼎。熱忱靜待滌清泉。祁寒溽暑尋常事。一爲思量。一泣然。

午後四時。舟抵吳淞入口。六點鐘到埠。海關稽查之麻煩。在烈日中立待一小時許始畢。迨至亞洲飯店。九時半。檢收行李。獨不見余之籐籃一只。焦灼甚。即向店中交涉。久之未得。余蹀躞樓之上下。無法尋覓。店中招待再三勸余。少安毋躁。迨至晚間十二時。始得之於某處行李中。閱之箱鎖未動。檢視之。無失物也。慰甚。晚餐畢。已兩點鐘。即臥。是日亞洲旅費三元六角。又茶房六角。

二日。上午寫一條給慰女。告以余歸。先返錫。往實學通藝館。訪張伯岸。代桂林黃道成還實學館銀十七元。爲張君指畫竹石兩幅。張君堅留午餐。餐後即返寓。收拾行李。抵車站。又經過許多麻煩事。致誤車行。待四點鐘快車始克成行。八點鐘至錫。既抵家。方知冰蘭往滬。接余彼此兩歧。翌日長途電話至滬。告以已歸。又翌日冰蘭偕慰女同歸。

三日。競志行休業及畢業式。余演講西南之行。見廣西女童子軍之穿草鞋者。與越南女子之以黑齒爲美觀者。雲貴苗獠之婦女勞動狀。與漢族婦女體力之迥不相同者。以時間短促。氣候炎熱。不及暢所欲言。

抵錫後賦長歌一首以結束余之西南漫遊

雲山蒼蒼海茫茫。子身萬里苦行忙。西南七省漫遊遍。幼稚之園未夕陽。吾業未畢志尤切。西北之塵猶未償。此行僅補雲貴桂。人情風物孰最良。滇池奔騰五百里。黔山古賢遺澤長。桂林羣峰尤奇突。峰峰高下露或藏。驅車過陽朔。徘徊驛路旁。山水甲天下。勝景試評量。立魚獵。秀月牙。風洞均佳妙。滇黔峰嶺連。巨偉大不同。相者番。吾腦多刺激。香港越南背。受芒國辱。國恥不得瀆。空教異族旗幟張。旅途受辱亦何說。如何爲我漢族光。惟有銜辛咽苦。猛力向前進行。所當行培。吾教育以救國家之危亡。

歸里一週後。維揚臧君佛根。又約柏森。晉吉。作秦園之游。品茗知魚檻。以去年余之出游也。三人祖餞于寄暢。今由數萬里歸來。不可無此一叙。臧君所謂有始有終也。是日余故有詩云。杪柯老樹迎歸客。活潑游魚戲早晴。萬里海山獨來往。一樽清茗話吟情。

(終)